

# *TSHIKHATHI TSHA TSHIVHIDZO*

## *TSHA LADOKIA*

 Zwino, ha ngo vhuya a fhedza hezwo. Nda ri, “Ndo lenga kha munanya wanga . . . Ndo bebiwa u lenga nyana, ndo lenga kha munanya wanga, arali nda nga tou lenga kha mbulungo yang!” Ndi yone ine nda khou ḥoda u lenga khayo, u lenga nga maanda.

<sup>2</sup> Hai, ho vha hu džithingo nđuni, ndo vha ndi nga si kone u bva, nga u ralo. Huno zwenezwo nga murahu ha musi mufumakadzi wanga o bva u ḥavhanya, ndo vha ndi tshi tou vha na zwithu zwinzhi. Huno zwenezwo vhathu u bva fhethu ho fhambanaho, vha tshi khou rabela, na u dzhena ngomu zwino; huno zwenezwo nzumbululo ya Murena ya ḫela mukomana; khaladzi o imaho murahu afho, a no khou lwalla; ni a ḫivha zwine nda khou amba, hu tou vha u ḫuwa, ḫuwa, ḫuwa, ḫuwa. Huno thi ngo vhuya nda khađana zwanda na džinwe khonani dzanga hafha u bva Georgia na mafhethu o fhambanaho u mona, n̄ha ngei Canada. Ndo tou dipfa nga nđila i si yavhuđi nga u sa khađana zwanda na vhoinwi.

<sup>3</sup> Huno, musi zwe ralo, naa Fred u ngafhi madekwana a n̄amusi, Fred Sothmann? Fred, ni a elelwa tshi la tshifhinga ni tshi mpfounela u bva Canada, ndi tshi khou tsa fhasi, huno nda ni vhudza uri ni songo da nga golo? Na da, naho zwe ralo; na ḫangana na khombo, u nga . . . ya kwashekanya golo yawe, a ḥoda u vhulaya mufumakadzi wawe, muća, a huvhadza ningy yawe, huno vhođhe vha ḫedela sibadela.

<sup>4</sup> A si kale musi ndo vha ndi tshi khou u bva, nga masiari, Mukomana Ben hafha o vha o ima nnđa heneffo, a da kha n̄ne. Huno Rosella a da nga heneffo, a ri, “Ndi khou ya hayani.”

Nda ri, “Rosella!”

A ri, “Naa thaidzo ndi mini, Mukomana Branham?”

Nda ri, “Ndi dipfa nga nđila i si yavhuđi nga hazwo.” Ni a vhona?

A ri, “Hu na tshiňwe tshine tsha khou ya u bvelela?”

Nda ri, “A thi ḫivhi. Zwi vhonala kha n̄ne, Tshiňwe tshithu tsho ntsivhudza.”

<sup>5</sup> O mpfounela minete i si gathi yo fhiraho, o ḫangana na khombo. Huno ngauralo, a hu na muthu o vhaisalaho, fhedzi ho vha hu tshanda tsha Murena. Huno o vha a tshi khou suvha (Ndi muxwatu fhedzi ngei Devhula.) huno a suvha ngei kha Indianapolis, huno a thoma u suvha nga kha bada nga u ḥavhanya

nga *heyi* ndila. Huno a ṭavha mukosi, “O Murena, nthuse!” Yone goloi ya vhuya murahu nga *heyi* ndila hafhu, ya da murahu kha mutalo wayo wa bada, huno ya tshimbila zwavhudı. A gonya nthı̄a nga bada, a ri, “Nne, nne, ndi livhuwa hani u bva kha izwo, ngauridziñwe goloi dzi khou da nga ndila nthihi, dzi tshi khou gidima nga luvhilo.” Ngauralo a buda bada, huno zwenezwo a ima heneffo nthı̄a u... Ndi a tenda, tshiñwe tshithu, a ima u wana komiki yawe ya kofi kana tshiñwe tshithu. Huno phanda ha musi a tshi bva kha iyo goloi, inwe goloi ya muthula nga murahu, inwe nga murahu ha iyo, huno inwe nga murahu ha iyo, huno dza tou vha muduba. Fhedzi a ri o vhaisala zwiñuku, fhedzi hu si nga maanda, fhedzi o vha a tshi khou ḫoda u livhuwa Murena, huno a mpfounela huno a vhudza tshivhidzo u livhuwa Murena uri ha ngo vhaisala kana tshiñwe tshithu, huno a humbela tshivhidzo uri tshi rabele uri a swike hayani. Ni a vhona, ndi mureili muswa, o tou wana ḫhanziela yawe ya u reila a si kale. Ngauralo, ri a livhuwa.

<sup>6</sup> Fhedzi zwi dzulela u badela u dzhiya idzo tsivhudzo dza Murena. A ri, “Zwo ralo,” a ri, “Ndi do pfuka mađuvha mushumoni.” Naa ḫuvha ndi mini mushumoni? Zwi do qura u fhira hezwo u i lugisa nga murahu, ni a vhona. Ngauralo ndi khwine u—u ni ita... u dzula na Murena. Naa a si zwone? Arali A ri vhudza tshiñwe tshithu, ndi khwine ri tshi dzula Natsho. Ngauri U dzulela u amba zwi re zwone. Ha ralo? U dzulela u vha kha zwone!

<sup>7</sup> Zwino, oo, hezwi zwi tou vha... yo tou vha vhege yavhudı. Ndi tou vha ndi sa ḫivhi uri ndi ḫifare hani kha Mudzimu na kha vhoiñwi vhatheu nga vhege yavhudı. Haya o vha mañwe a mađuvha a malo a vhuđisa e nda vhuya nda funza kha vhatshilo hanga. Ndi zwone. Ndo—ndo guda zwinzhi zwa Murena na khathutshelo Yawe yavhudı, na zwothe zwe A ri itela, na u vhona Muya Wawe u tshi shuma murahu kha tshivhidzo. Huno ndo takala nga maanda u vhona zwifhiwa zwi tshi khou shuma hafhu kha tshivhidzo. Ni a vhona?

<sup>8</sup> Zwino, heneffo luthihi, musi ni kule, zwi vhonala u nga muñwe muthu u do dzhena ngomu, u do—do tou zwi tshikafhadza, ni a ḫivha, vha do tou thoma u ita tshiñwe tshithu. Huno musi ni tshi nyadza izwo zwifhiwa, Mudzimu u do ni nyadza. Ni a vhona? Ndi zwone. Ni teya u zwi ita nga ndila yone. Huno, nga ndila ine ra zwi ḫoda zwi kha ngona, nga ndila ine vha amba nga dzindimi. Hu si u tou topola Luñwalo fhedzi, fhedzi u amba tshiñwe tshithu tshine tsha khou ya u bvelela. Huno arali na tou dzulela u vha o dzikaho nga hezwo, zwi do thoma... Arali muñwe muthu a bva kha ngona tshivhidzoni, wone Muya Mukhethwa u do zwi amba huno wa amba uri ndi nnyi. Huno heneffo, vha do—vha do pfa u kaidzwa vha ya kha aļetari. Ndi zwine izwo zwifhiwa zwa shuma zwone.

<sup>9</sup> Huno u vhona mufunzi washu hafha, Mukomana Neville, o vha a wa mahayani, mutukana wa u salela murahu nga u ralo. Huno ndi a ni vhudza, o vha a...o vhonala u nga a nga si zwi gavhe musi zwi tshi da kha Pentekoste. Fhedzi u mu vhona a tshi ima a ɏalutshedza dzindimi na u porofita, Ndi a ni vhudza, o bva kule nga maanda. Ndi zwone. Kha ri rabelise mufunzi washu.

<sup>10</sup> Huno, vhonani, zwone zwifhiwa zwa thoma u dzhena kha tshivhidzo. Huno muñwe muñuku, mukomana a ɏitukufhadzaho hafha, u fhano, u...u teya u vha a fhano huñwe fhethu. Ndi a kholwa o ralo. Ndi muthu muñuku wa u ɏitukufhadza nga maanda, o vha a tshi anzela u vha muñwe wa vhalangandaka vha tshivhidzo, Mukomana Higginbotham, wavhudzi, munna a ofhaho Mudzimu. Huno u vhona uri o ɏanganedza tshifhiwa tsha u amba nga dzindimi, ndi nnyi we a vha a tshi nga humbula uri Mukomana Higginbothan o vha a tshi do vha o ita izwo? Wa tshikale, o salelaho murahu zwiñuku, we a vha a sa ɏodi u ɏivhiwa, fhethu huñwe na huñwe, a tshi dzula murahu. Fhedzi, vhonani, Mudzimu a nga dzhiya muthu a ngaho uyo huno a mu shumisa, ni a vhona, ngauri ha ɏodi u zwi ita, na mathomoni azwo. Arali o vha a tshi ɏoda u zwi ita, o vha a tshi nga da huno a khakha. Fhedzi musi a tshi da hune ha ɏodi u zwi ita, khamusи Mudzimu a nga mu shumisa nga u ralo.

<sup>11</sup> Junie u fhano, u...oo, o ima vhuimoni hanga.

<sup>12</sup> Ndi do amba hezwi, ndo no pfa vhatthu vhanzhi vha tshi amba nga ndimi. Huno ndi elekanya uri dzoñhe dzi bva ha Mudzimu, ngauri ni nga si ite mubvumo ni sa khou amba tshiñwe tshithu kha muñwe muthu, huñwe fhethu. Ni a ɏivha, yone Bivhili i ri, “A hu na mubvumo u si na ndeme,” zwi amba uri a hu na mubvumo u sa ambi tshithu. Ni nga si ite huñwe u bula nga nn̄da ha musi hu tshi amba tshiñwe tshithu. Ndo dzulela u ɏivhudzisa uri izwo zwi nga vha hani u swika ndi tshi ya Afrika huno nda pfa idzo phosho dzoñhe, huno nda wanulusa uri ho vha hu ipfi la muñwe muthu. Tshiñwe tshifhinga ndi ipfi la muruñwa, na zwiñwe zwinzhi.

<sup>13</sup> Fhedzi Junie Jackson, wa tshikale, o salelaho murahu, wa u shona zwiñuku, mufunzi wa shango nn̄da henefho kha tshivhidzo tsha Methodisi, fhasi—fhasi u mona na Elizabeth, Indiana, murahu matakani. U fhumula, a nga si ambe tshithu, a tshi nga tshidahêla, o vhonala sa...ndo vha ndi tshi vhonala tshiñwe tshifhinga, ndi khou ɏoda u mu dzhiya, u mu khada, nda ri, “Ambani tshiñwe tshithu, Junie, ni a vhona, itanu litsha u sokou dzula henefho na ndavhelesa nga u ralo.”

<sup>14</sup> Ro vha ri tshi do dzula kha tshiguthe nn̄da mađakani, huno o vha a tshi do dzula henefho a ri, “Zwo ralo,...ndi a humbulela...zwo luga.”

<sup>15</sup> Ndo vha ndi tshi do ri, “Oo, Junie, ndi—ndi pfa u nga ‘irani ndi ni ambele zwone,’ ni a vhona. Ni a—ni a ongolowa kha nñe,

ni a vhona.” Huno Mudzimu a mu fha tshone—tshone—tshone tshifhiwa tsha u amba nga dzindimi; a thi athu vhuya nda pfa luňwe luambo lu re khagala kha vhutshilo hanga. Ni a vhona?

<sup>16</sup> Mu lavheleseni kha tshivhidzo. Ni vhone uyo musadzi muťuku a tshi amba matsheloni ano a sa divhī muňwe musadzi? Huno muňwe a sa divhī muňwe, huno hoyu muňwe, lushaka lwa ipfi nga ndila ye la pfala; huno musi lo ḥalutshedzwa, nga u pfala huthihi ha ipfi, u boroda, maambēle; u tou fana kokotolo, zwi tshi vhuya murahu. Huno mulaedza wo vha wo khunyelela, kha tshone tshivhidzo. Ni a vhona uri zwi hani? Zwino, ri teya u livhuwa Mudzimu. Zwino, ni songo dikukumusa. Arali na ralo, ni do dihudza, huno diabolo u do ni fara. Itanu vha a diťukufhadzaho; ni ri, “O Murena, u dzumbe murahu, u songo ntendela nda vuwa phanda ha tshifhinga.”

<sup>17</sup> Ha nga ni tendeli ni tshi bva kha ngona. Arali na ralo, tshiňwe tshifhinga, izwo zwi nga—nga si vhe na ndavha. Arali na ralo, mulandu, mufunzi hafha u do—u do ni vhudza. Ni a vhona, dzone—dzone dzimpho a dzo ngo teya u ralo musi ni tshi... musi ni tshi khou funza. Kanzhi, arali zwifhiwa zwa thoma u shuma zwavhudi kha tshivhidzo, ri do vha na vhoiñwi uri ni ḥangane phanda ha inwe tshumelo; irani Murena a shume na vhoiñwi heneffho, ni a vhona, ngauri zwenezwo kha hetshi tshipida a zwi nga zwi thithisi na luthihi. Zwino, musi ri kha tshivhidzo, tshiňwe tshifhinga ni teya u difara lwa tshifhinganyana. Fhedzi arali Mudzimu a na mulaedza, huňwe fhethu kana muňwe U do u bvisela nn̄da, ni a vhona, itanu Mu litsha, fhedzi zwi iteni u ya nga pfunzo ya Bivhili. Huno Mukomana Neville khaňwe u do vha a tshi khou funza nga izwo zwithu, zwine ra do lingedza u zwi ita. Ndi do lingedza u mu thusa vhunga ri tshi nga kona, roþe fhethu huthihi, u zwi bvisela nn̄da na u ni sumbedza uri zwi itwa hani.

<sup>18</sup> Ni khou pfa ni khwine, mukomana wanga wa Polish? Ndi zwavhudi. Oo, nga ndila ye Murena a mu fhaťutshedza! Miňwaha ya malo yo fhiraho, ndo mu vhudza uri tshiňwe tshithu tsho vha tshi tshi khou ya u iteya. O vha o ðada, wa vhuraru o khwaþhaho. Huno Murena vha amba, liňwe ɻuvha, “Hu na munna ane a khou ða, u na mavhudzi matswu na maþo a buraweni, wa u khwaþha. U songo mu pandela, ndi khou mu rumela kha inwi.” Nda topola Luňwalo he a vha a tshi khou ðada hone, nda vheya fhasi tshipida tsha bammbiri huno nda tshi vheya heneffho. Nga murahu ha tshifhinganyana a bvelela.

Mufumakadzi wanga a ri, “Hu na munna hafha ane a khou ðoda u u vhona.”

Nda ri, “Ndi ene, mu diseni nga ngomu.”

<sup>19</sup> Huno a—a mmbudza zwe ha vhudzwa ene kha...fhasi ha thuthuwedzo ya Muya Mukhethwa. Naa uri o dzulela hani u tenda na u farelela kha Mulaedza, na zwiňwe zwinzhi, vhukati

ha vhatu vhawe; naho o sasaladzwa, a dzula Nazwo kokotolo. A ri, tshiñwe tshifhinga tsho fhiraho, kha muñangano, we nda amba nae huno nda vhidza dzina lawe. Huno nga ndila ye nda bula ilo dzina, a thi ñivhi. A ri, ndo do teya u—u li peleña, kana tshiñwe thithu kana tshiñwe-vho, kha muñangano. A ri o vha a tshi khou takula ñwana nga zwanda we a vha na e na vhulwadze kha tshifhañwo tshawe, huno a ri lushiye luñku lwo kunakisa tshoñhe, tshoñhe. Huno nga ndila ye Murena . . .

<sup>20</sup> Huno nda ri, “Zwo ralo, tshithu tshine wa khou ñoda zwino ndi u tsa fhasi kha tshivhidzo huno wa lovhedzwa nga Dzina la Yesu Kristo.”

<sup>21</sup> Ndo ñangana nae n̄tha ha thavha, ngauri u ña fhasi, a lovhedzwa nga Dzina la Murena Yesu Kristo. Zwino o fushea nga maanda, a tshi ñi pfa zwavhuñi, a tshi humela hayani. Ndi a kholwa u ño nnđologela ngei Poland nga ñinwe la haya mađuvha, huno Germany, huno na, na murahu kha hayo mafhethu heneffo. Murena a ni fhañtshedze, murathu wanga.

<sup>22</sup> Zwithu zwinzhi zwo ñalaho zwine Murena a ita! U tou vhona Yawe—Yawe khathutshelo, uri u bva hani vhukovhela, vhubvaduvha, na tshipembe, U khou ranga phanda vhana Vhawe vha funeaho; vha tshi ñangana, vha tshi kokodza, na u dzinyisa. Zwinzhi zwine zwi nga ambiwa!

<sup>23</sup> Zwino, ni songo hangwa, matshelo nga madekwana a Swondaha, Murena washu a tshi funa, Swondaha i no tevhela na madekwana, ri ño vha na . . . Swondaha i no tevhela nga matsheloni, kha ndi ralo, tshumelo ya phodzo. Tshiitisaho uri ndi ambe hezwo, khañwe arali hu na vhatu vhanzhi nga Swondaha nga matsheloni Ndi ño vha na madekwana a Swondaha a u humela khao, ni a vhona. Fhedzi arali nda zwi wana zwoñhe nga Swondaha nga matsheloni, zwo ralo, zwo luga.

<sup>24</sup> Lavhuraru nga madekwana ndi thabelo ya vhukati ha vhege. Zwino, kha vhoñwi vhatu vhane vha vha hayani, vhoñwi vhatu vhane na kuvhangana hafha, ni na muñangano wa thabelo. Ni songo pfukwa nga hezwo, dzulani nazwo, ni a vhona. Huno ni rabele, ni sendele tsini ha Mudzimu. Ni songo vhuya na tendela vhusweleli ho kalulaho vhu tshi dzhena kha inwi. Dzulelani . . . Hu na zwinzhi zwa u ñanganedza zwo khakheaho, ni a vhona, ni songo—ni songo bvela kha sia la nnđa. Dzulani ngomu.

<sup>25</sup> Ndo pfa yo ñoweleaho “Amen” zwenezwo ye nda ipfa lwa miñwaha, Mukomana Rusell Creech. Vho mmbudza uri Patty o vha a ene a ambaho nga dzindimi murahu heneffo vhuñwe vhusiku. Patty, naa ni ngafhi? Inwi hafha, mufuñwa? Ee, nñe, ndo vha ndi nga si vhuye nda mu ñivha arali ndi songo mu vhona. Fhedzi ndi a tenda ndo takula uyo ñwana zwandani zwanga huno nda mu kumedzela kha Murena, heneffha. “Huno ndi musadzi muswa,” Meda o ri, “muswa, wa u naka, musidzana muswa,” na

maanda a Muya Mukhethwa khae, a tshi amba nga . . . Russell, ni munna o pfumaho. Ee, no ralo.

<sup>26</sup> Naa Khaladzi Creech u ngafhi? A thi athu mu vhona. Naa u hone? Murahu afho. Oo, Khaladzi Creech, ndi livhuwa hani uri Mudzimu o ni fha nwana sa uyo, mulandu, a ni limuwi nga ndila ine—ine ra livhuwa. Kha miñwaha ine vhasidzana vhañuku vha khou nengisa na u seja na u bvela phanda, ni a divha, na tshigwada tsha tshipengo tsha havha vhathu, u gerwa mavhudzi sa sekhwa na tshiñwe na tshiñwe, huno na u ralo; huno hoyu nwana muñuku hafha na maanda a Muya Mukhethwa, a tshi amba nga dzindimi ngomu hafha. Yawee, nne nne!

<sup>27</sup> Hmm! Ndi vhanganana vhanna madekwana a ñamusi, vhafunzi vha Pentekoste, vhane vha nga nekedza matshilo avho oþhe vha tshi vhona vhananyana vhavho vhaswa, vhane vha vha nda vha tshi khou ita madikiña a roko na rolo, u ita hezwo.

<sup>28</sup> U tou—u tou dzhiela hezwo ntha, mukomana. Ndi a divha zwine na khou ita henehfo kha Interstate, ndo ita zwithihi, ndo shuma maðuvha manzhi a kondaho, fhedzi, murathu . . . u alusa vhone vhana. Fhedzi elelwani, Mudzimu u ya fulufhedzeya, U ya ñea tshiphuga. Ee, zwa vhukuma! “Ni do livha.”

<sup>29</sup> Mudzimu a ni fhañutshedze, Patty Mufuñwa, ndi—ndi nga si ni ñivhe arali nda ni vhona, ndi a humbulela, fhedzi ni songo vhuya na tutshela iyo ndila ya vhukuma, mufuñwa. Ni songo vhuya na tendela diabolo a tshi—tshi vheya tshiñwe tshithu kha inwi, u fana na lavhudzi apula la musuku, ngauri hu do vha hu tshikara, ni a vhona. Litshani itscho tshithu huno ni tshi tutshele nga u ralo. Dzudzani maþo anu kha Kristo, ngei kha Tshifhambano. Huno ni bvele phanda na u tshimbila, ngauri awara i tshandani. Ni a vhona?

<sup>30</sup> Ngauralo zwithu zwinzhi zwa u khuthadza zwine ndi nga amba, dzone phañutshedzo dia Mudzimu. A thi koni u dalela vhanzhi, huno heyi vhege a tho ngo rabelela vhathu vha no fhira fuñhanu, ndi a kholwa, huno u dzhena na u bva, na zwa shishi na zwine zwa khou dzhena, na zwiñwe zwinzhi, fhedzi ndo vha ndo farekanea nga u guda. Fhedzi zwino, Swondaha i no tevhela, ri do vha ri tshi khou rabelela vhathu, huno nda humbela Murena u ri a tsele fhasi huno a ri fhe maanda mahulu, huno a Divhonadze kha riñe Swondaha i no tevhela nga matsheloni, Murena vha tshi funa.

<sup>31</sup> Oo, ndi tou vhenga u thoma kha hetshi tshikhathi tsha tshivhidzo ngauri ndi a zwi divha uri ndi tsha u fhedza tshazwo. Huno zwino, kha hezwi, zwi khou ya u vha—vha u khunyeledza ha Zwikhathi zwa Sumbe zwa Tshivhidzo. Naa no difhelwa ngazwo? [Tshivhidzo tshi ri, “Amen!”—Mudz.] Zwino, elelwani, ndi amba hezwi magumoni vhunga ndo amba mathomoni, hu nga di vha na zwithu zwinzhi—hu nge di vha na zwithu zwinzhi

zwine na si tendelane na nne, fhedzi ni songo mmbenga nga nthani hazwo, ni a vhona. Itanu mpfunu, naho zwo ralo, ngauri zwi nga si ite iñwe phambano zwine na do ita kana zwine na do amba, Ndi do humbula zwi fanaho nga ha inwi; arali tshiñwe tshithu, zwinzhi, ni a vhona, arali tshiñwe tshithu, ndi do humbula zwinzhi nga ha inwi. Fhedzi ndi a ni funa, Mudzimu u ya zwi ñivha, a hu na muthu ane a nga vhidza Dzina la Yesu Kristo fhedzi ane nda nga mu funa. Ni a vhona?

<sup>32</sup> Huno a tho ngo vhuya nda ḥoda huñwe u vhenga kana phambano, naho ri tshi nga hanedzana ro khwañtha. Arali ro vha ro dzula ṣafulanî huno muñwe a tshi khou la luñwe lushaka Iwa phai, huno muñwe, luñwe, izwo zwi do vha zwo luga u fana na hafha, ni a vhona. Musi zwi tshi da kha vhuledzani nga tshashu, ri a funana. Huno arali ri sa iti hezwo, zwenezwo ri fanelu u ita hezwo. Huno arali...ri nga si ye phanda kha Mudzimu u swika ri tshi ita hezwo.

<sup>33</sup> Ni songo hangwa, ni songo hangwa uri tshihulwanesa kha zwifhiwa zweþhe ndi tshifhiwa tsha lufuno. "Naho nda amba nga dzindimi dza vhatu na vharuñwa, nda ɻekedza muvhili wanga uri u fhisewe sa tshithavhelo, nda pñsesa ndivho yoþhe, na zwiñwe zwinzhi, a thi tshithu. Ngauralo... Fhedzi musi izwo zwo khunyelelaho zwi tshi ña, zwine zwa vha lufuno..." Arali zwifhiwa zweþhe zwi songo fhelekedzwa nga lufuno, zwi nga si fare. Huno tshiñwe tshifhiwa tshi do kwashékana, "Fhedzi lufuno ndi lwa lini na lini." Ni a vhona, izwo ndi Vhakorinta ya u Thoma 13.

<sup>34</sup> Zwino, madekwana a ɻamusi, ri tshi khou dzhena kha hetshi tshikhathi tsha tshivhidzo tshihulwane. Yawee, nne nne! Zwino, ri nga di vha ri kotara u bva (madekwana a ɻamusi) kha tahe. Huno zwino ndi humbela pfarelo uri a ri na lufhera lwo edanaho, fhedzi... u vheya muñwe na muñwe, u dzudza muñwe na muñwe, kha ndi ralo, fhedzi ri tou vha ri si nazwo, huno khañwe ñinwe ñuvha ri do ralo.

<sup>35</sup> Fhedzi zwino ndi khou ḥoda u ni humbela tshiñwe tshithu. Ni a vhona vhuimo hanga nahone ni a ñivha zwine zwa khou ya u dzhia mutengo ñinwe ñuvha, ni a vhona, na awara dzi tsini tshandani. Ni a vhona? Zwino, ndi khou ḥoda inwi ni tshi ita hezwi, ni dzulele u nthabelela. Huno elelwani, ndo vha wa ngoho sa zwine nda ñivha uri ndi nga vha wa ngoho hani, ni a vhona. Huno ndi a limuwa uri a thi tsha vha ñwana na khathihi, ndi na miñwaha ya fuñhanu-nthihi. Huno ndi—ndi musi yanga... ndi nga si ɻuwe u swika Mudzimu a tshi mmbidza. Huno ndi do ɻuwa nga ndila ine A ñoda ndi tshi ɻuwa, huno zwi do vha zwenezwo. Ni a vhona? Fhedzi ndi tea u vha wa u fulufhedzea na u amba Ngoho, zwi si na ndavha. Ngauralo ndi a zwi ñivha uri ndi mutshimbilo wa vhuludu tshiñwe tshifhinga, fhedzi tenda A na inwi, naa zwi ita phambano ifhio? Ni a vhona?

<sup>36</sup> Zwino, phanda ha musi ri tshi dzhena kha hetshi tshikhathi tshihulu, ndi a divhudzisa arali ri tshi nga ima zwino u itela thabelo, lwa tshikhalyana hafhu. Izwo zwi ni ita uri ni onyolowe ni di pfe ni khwine. Kha tshumelo ya u vala, ndi hune... Ndi vhanganava vha do ḥoda u elelwiwa phanda ha Mudzimu? Itanu imisa zwanda zwanu kha Mudzimu, “Nyelelwe, O Murena, magumoni a tshikhathi. Musi vhutshilo ho no fhela, nyelelwe.”

<sup>37</sup> Khotsi ashu a Tadulu, a ri na ndimi dzo edanaho u bvisela khagala u livhuwa hashu lwa Vhuhone ha Mudzimu a tshilaho we a vha vhukati hashu vhege yo fhiraho, kha zwithu zwe ra guda nga Iwe, nga ndila ye Wa Didzumbulula ngayo kha rine fhasi nga kha tshifhinga, na nga ndila ye Wa ita Ipfi Lauuri li vhe khagala kha rine. Nga ndila ye ra lindela kha Iwe, na nga ndila ye—ye ra lingedza u sumbedza lufuno lwashu, huno ra kundelwa u zwi ita, Murena, ngauri ndimi dzi faho dzi nga si kone u ita hezwo. U s-...na u ri tshidza, huno Iwe...na nga u ri neya u vha na ndala ya Iwe. Ngauri zwo n̄waliwa kha Ipfi, “Mashudu ndi avho vhane vha pfa ndala,” (u tou pfa ndala, ndi phaṭhutshedzo) “u vha na ndala na dora kha u luga.” Zwenezwo Wo ita uho u redza huhulwane, “Ngauri vha do dadzwa!” Zwino, ri a tenda hezwo, Murena. Ri hangwele nga u pfuka hashu.

<sup>38</sup> Huno musi ri tshi dzhena ngomu madekwana a ḥamusi kha...kha hetshi tshikhathi tsha u fhedza tsha tshivhidzo, tshine tsha vha Ladokia, nga murahu ha musi ro vhona Mañwalo na divhazwakale i tshi rwa thwii kha mbuno. Ngauralo, Khotsi, ri a divhya u redza hau kha tshiporofito Tshau tshihulu hafha, tsha hetshi tshikhathi tsha u fhedza, tshi do vha nga ndila ine zwiñwe zwa rathi zwo vha. Khotsi, ndi a rabela uri U do tendela Muya Mukhethwa wa ḥa kha rine madekwana a ḥamusi, zwino, huno ri fhaṭutshedze samusi ri tshi isa phanda na u lindela kha Iwe. Nga Dzina la Yesu. Amen. Dzulani fhasi.

<sup>39</sup> Arali Murena a tshi funa, yone bugu i do...nga u ḥavhanya ri tshi nga ralo. Mukomana Leo u khou zwi dzhiya u bva kha theiphi ya imaginethikhi, u ya kha...u ya kha tshanda tshipfufhi, u bva henefho kha u thaipha, zwenezwo kha bugu.

<sup>40</sup> Huno nga iyo ndila, Rosella u do vha na bugu yawe hu si kale, *An Alcoholic Saved*. Vhoinwi noṭhe ni a elelwa nganea yawe, nga ndila ye Muya Mukhethwa wa mu vhidza kha muṭangano. Huno o vha a...o no laṭelwa thaula nga zwiimiswa zwiñwa zwiulwanesa zwa zwidakwa, huno a landulwa vhuongelonu he ha vha hu hone ngei Chicago. Huno Murena Yesu, nga tshikhathinyana tsha tshifhinga, a zwi bvisa zwoṭhe khae. U tou ya u bva dzhele kha huñwe fhethu, a tshi vhudza avho vhathu uri Mudzimu u ya kona u vhofholola, a tshi amba na zwidakwa na zwiñwe zwinzhi. O no vha kha...nga vhuṭanzi hawe, o no thuba vhathu vhanzhi kha Kristo.

<sup>41</sup> Zwino, tshikhathi tsha u thoma tsha tshivhidzo, naa ni nga mmbudza uri ndi tshifhio? Efesa. Tshi tevhelaho? Simirina. Tsha vhuraru? Pergamosi. Tsha vhuna? Thiathira. Tsha vhuṭanu? Saradisi. Tsha vhurathi? Filadefia. Tsha vhusumbe? Ladokia.

<sup>42</sup> Tsha u thoma tsho vha tshi vhukati ha A.D. 55 na 170, Efesa. Simirina, 170 u swika 312. Phegamosi, 312 u swika 606. Thiathira, 606 u swika '520. Saradisi, '520 u swika 1750. Filadefia, 1750 u swika rathi... '06; zwino, zwa thoma kha tshikhathi tsha Ladokia, tsha pfukela phanda, huno madekwe ro dzhena kha u pfukela phanda. Zwino, madekwana a ḥamusi, dzhiani magumo a tshikhathi tsha Ladokia.

<sup>43</sup> Ri a tenda uri tshivhidzo tsha Ladokia tsho thoma nga A.D. 1906. Ndo vumba... Zwino, elelwani, "u vumba," nga maanda vhoiwi vhane na khou thetshela kha theiphi. A thi ambi uri zwi do ralo, fhedzi ndi vumba uri li do fhela nga 1977, uri tshivhidzo tshi do ya kha swiswi lo fhelelaho nahone tshi do pfelwa kule kha mulomo wa Mudzimu. Huno u Vhuya ha Vhuvhili, kana U Takulelwa Tađulu ha Kristo, hu nga da tshifhinga tshiñwe na tshiñwe. Zwino, ndi nga pfuka hezwo nga ḥwaha, ndi nga zwi pfuka nga miñwaha ya fumi, kana nda zwi pfuka nga miñwaha ya qana. A thi divhī hune zwa vha hone... Fhedzi ndi tou u vumba u ya nga ha bono le A ntsumbedza, na u dzhiya tshifhinga, nga ndila ine zwa khou bvela phanda, ndi ri zwi do vha tshiñwe tshifhinga vhukati ha '33 na '77. Khañwe—khañwe fhedzi, holwu lushaka luhulu lu khou ya u vha na nndwa ine ya khou ya u lu thuthubisa lwa vha zwipida, ni a vhona. Zwino zwi tsini nga maanda, zwi tou vha tsini nga maanda. Huno ndi nga divhā ndi tshi khou khakha, ndi kho tou vumba. Muñwe na muñwe u ya psesesa? Ni ri, "Amen" arali na ralo. [Tshivhidzo tshi ri, "Amene!"—Mudz.] Ni a vhona?

<sup>44</sup> Fhedzi Murena vho ntsumbedza bono la musadzi muhulu wa maanda, nga '33, 1933, zwi kha bammbiri. Nga ndila ye "Roosevelt u do vhanga... u thusa shango uri li ye nndwani." Nga ndila ye "Mussolini u do vha na u govhela hawe ha u thoma ngei Ethopia huno u do li dzhiya, fhedzi u do da kha magumo a shonisaho." Huno nga ndila ine "Zwenezwo ism tharu: Nazism, Fascism na Communism, zwothe zwi do fhelela kha Communism." Huno ndi vhangana ngomu hafha vhane vha nyelelwa u tou... u tou ni imisa, huno nda zwi dovholola, ndi do ni vhudza, "Lavhelesani Russia! Lavhelesani Russia, yone khosi ya Devhula! Lavhelesani Russia, khosi ya Devhula! Lavhelesani Russia, khosi ya Devhula!"? Naa ndi vhangana vhe vha mpfa ndi tshi ri, itanu dzungudza izwo, n̄tha? Vhoiwi vha kale, ni a vhona, murahu kha tshipida tsha u ranga tsha tshivhidzo. Itanu ima heneffo huno ni tshi dzungudzele n̄tha, "Lavhelesani Russia, yone khosi ya Devhula! Ni a vhona, zwine a do ita, nga idzo ism dzothe dzi do fhelela Russia."

<sup>45</sup> Zwenezwo nda ri, izwo “Holwu lushaka mafhedziseloni lu do ya nndwani na Germany. Huno Germany i do fhaṭa luvhondo lwa khonkhiriti.” Huno izwo ho vha hu Mutalo wa Maginete, miñwaha ya fuminthihi phanda ha musi vha tshi thoma u lu fhaṭa, miñwaha ya fuminthihi. Huno nda ri, “Vha Amerika vha do kundwa nga maanda kha ulwo luvhondo.” Vhañwe vha havha vhathu vho vha kha ulwo luvhondo, Mukomana Roy Roberson na vhañwe; vha vhudziseni zwe zwa iteya. Zwa vhukuma vho ralo. Zwo luga. “Fhedzi mafhedziseloni,” Nda ri, “ri do kunda nahone ri do vha vhañwe vha vhakundi kha nndwa vhukati ha riñe na Germany.”

<sup>46</sup> Zwino, nda ri, “Zwenezwo nga murahu ha itsyo tshifhinga, uri saints i do bvela phanda nga maanda.” Yo ralo, vho ita bomo dza atomiki na tshiñwe na tshiñwe. Nda ri, “Nga kha tshifhinga tsha u bvela phanda havho, vha do ita yone . . . goloi dzi do thoma u vhumbea sa makumba.” Huno ni a elelwa ya kale nga 1933, murahu hayo ho rali, thaela la tshipere nga murahu hayo? Lavhelesani uri i hani zwino, ni a vhona: u tevhekana, ni a vhona, u fana na gumba. Huno nda ri, “Mafhedziseloni vha do ita goloi ine a i nga teyi u vha na tshidiraivelo khayo. Ndo vhona muṭa u tshi khou tsa phasi . . . Zwi vhidza, ‘bada,’ kha goloi ya ngilasi, bada khulu dzo nakaho na goloi dzavhuq. Huno vho vha vho dzula, vho lavhelesana, huno goloi i tshi khou di gidimisa, i tshi mona na magombi-kombi na tshiñwe na tshiñwe.” Huno vha nayo goloi zwino, yo no itiwa kale. Vha nayo goloi zwino. Huno nda amba uri, “Oo, nga ndila ine saints i ya do bvela phanda ngayo nga ilo duvha!”

<sup>47</sup> Nda ri, “Zwenezwo ndo vhona . . . Vha khou ya u tendela vhasadzi nahone vha khou tendela vhasadzi u khetha. Huno nga u khetha, vha do khetha muthu a si ene liñwe la haya mađuvha.” Huno no ralo kha khetho dzo fhelaho. Ho vha hu khetho dza musadzi dze dza khetha Kennedy. Ri a zwi ñivha hezwo, ni a vhona, vhukati ha mitshini ya vhukwila na zwithu zwa tshandanguvhoni, iyo FBI yo ṭaniwa. Huno naa muñwe a nga ralo hani . . . Ndi ngani vha sa iti tshiñwe tshithu nga hazwo? Ndi ngani hu si na tshi no ambiwa? Haa! Vha ofha uri muñwe muthu u do xelelwa nga mushumo wawe. Ni a vhona, ndi muvhuli wa polotiki, yo sina u swika kha mudzi. Ndi zwenezwo fhedzi. Zwa vhukuma!

<sup>48</sup> Izwo a si—si yone . . . a si yone, mpfarele. A hu na tshidzo kha luno lushaka, a hu na tshidzo kha luñwe lushaka-vho. Tshidzo i kha Yesu Kristo huno Ene fhedzi! Uh-huh! Ndi zwone. Zwino, ndi a livhuwa nga Amerika. Ndi nga namba nda tshila hafha u fhira huñwe fhethu kha shango, ngauri . . . nn̄da ha Canada. Canada na United States ndi malwelavanda, ri a zwi ñivha hezwo, mashango a vha ledzani, fhethu hu mangadzaho, fhedzi ndi—ndi a tenda uri ndi nga namba nda tshila hafha u fhira huñwe fhethu hune nda hu ñivha, ngauri ndi hayani hanga. Ndo

takala ngauri ndi Muamerika, nahone ndi a livhuwa ngazwo. Fhedzi ndi a ni vhudza, li khou ḥoda mvuseledzo, zwa vhukuma li ralo. Huno li nga si i wane! Hai, muṇe wanga. A li tsha do vuwa hafhu! Hai, muṇe wanga. Lo ya! Ni a elelwa, lwa miṇwaha miṭanu yo fhiraho ngei Chicago, izwo zwi kha theiphi. Ni a zwi wana, Gene. Nda ri, “Vha do Zwi ṭanganedza uno ንwaha, kana vha do bvela phanda na u wa.” Huno vho zwi ita, ni a vhona, huno vha do zwi ita u swika vha tshi swika kha magumo avho.

<sup>49</sup> Fhedzi hu do vha na musadzi wa maanda! Zwino, elelwani! Hezwi zwi kha theiphi, nazwo. Musadzi wa maanda, musadzi muhulu, a nga di vha Muphuresidennde, kana u do vha musadzi a tshi fanyisa tshivhidzo tsha Katolika (zwiné nda humbula uri ndi zwone) u do dzhia ndango hafha liṇwe duvha huno u do vhusa heli shango. Heli shango ndi shango ḥa vhasadzi. Fulaha yo itwa nga musadzi, ndi nomboro ya fumiraru. O thoma, ḥaledzi dza vhufumiraru, maṭetele a vhufumiraru, kholoni ḥza vhufumiraru. Tshiṇwe na tshiṇwe ndi fumiraru, fumiraru, u tsa fhasi. Ḥaledzi dza fumiraru kha dolara yalwo ya siliva zwino. Tshiṇwe na tshiṇwe ndi fumiraru. Ndi lwa vhufumiraru, huno lu bvelela kha ndima ya vhu<sup>13</sup> ya Nzumbululo. Fumiraru yo fhelelaho! Tshiṇwe na tshiṇwe ndi “vhasadzi, vhasadzi, vhasadzi, vhasadzi,” u tsa fhasi. Huno vho dzhia maimo othe. Vho dzhia Hollywood. Vho dzhia dzitshaka. Vho dzhia maimo othe. Vho dzhia tshiṇwe na tshiṇwe tshi re hone; pfanelo dzi edanaho na dza munna, vha khetha na munna, vha sema sa munna, vha ንwa sa munna, natshinwe na tshiṇwe. Huno u tou vha tshilibana tsha tshivhidzo tsha Katolika, u itela u losha musadzi! Vho no thoma u losha musadzi, naho zwe ralo.

<sup>50</sup> Ndi ene wa khwine... Musadzi a shayaho mikhwa ndi ene mureo wa khwinesa we diabolo a vhuya a vha nawo. U fhira zwipoto zwe the zwa vhuya zwa vha hone. A nga rumela mimuya minzhi heleni u fhira zwipoto zwe the kha shango. Ndi zwone.

<sup>51</sup> “Musadzi wavhuđi ndi musuku kha khare ya munna,” zwe ambiwa nga munna ḥalifhesaho kha lifhasi. Munna u teya u hulisa musadzi wavhuđi, ni a vhona. “Fhedzi muvhī ndi mađi kha malofha,” huno malofha awe ndi vhutshilo haw. Vhoinwi vhanna vhane na vha na vhasadzi vha vhudi, a ni ḫivhi uri ni teya u livhuwa hani Mudzimu nga musadzi wa vhudi! Ngauri arali Mudzimu a nga fha munna tshiṇwe tshithu tsha khwine u itela muthusi, O vha a tshi do vha o zwi ita. Fhedzi musadzi ndi muthusi wa khwinesa ane Mudzimu a nga fha munna. Fhedzi musi vha tshi... .

<sup>52</sup> O vha a ene ngei ngadeni ya Edeni ye Saṭhane a nanga u itela u shumisa. Ha ngo dzhiya munna, o dzhiya musadzi. Ndi ngani a songo ya kha Adamu u mu fha dikitelā? O ḫa musadzi huno a mu fha, nia vhona, ngauri ndi ene we a nanga. Mudzimu o dzhiya munna, huno Saṭhane a dzhiya musadzi.

<sup>53</sup> Huno a lavhelesa fhasi, huno magumoni... Musi Babiloni lo dzudzanywa u rangani, Hislop *Two Babylons*, musadzi! Musi zwi tshi da fhasi kha tshikhathi; zwino zwi khou guma kha tshikhathi tsha Vhannda. Babiloni lo thoma nga u ralo, huno la guma nga u losha ha müsadzi (Maria) kha tshivhidzo. Ndi ḫuvhade nandi line ra khou tshila khalo!

<sup>54</sup> Zwino, thone *Ladokia*, thone—thone tshikhathi tsha Ladokia, lone ipfi li amba “u dudela.” Tsho anda nga ndaka, huno tshi humbula uri a tshi ṭodi tshithu. Fhedzi Bivhili i ri u “ṭungufhadza, pofula, shaya, na u vha fhedzi.” Ndi nyimelede nandi!

<sup>55</sup> Thone tshiphuga khavho vhe vha kunda kha hetshi tshikhathi tsha tshivhidzo, ndi u “u dzula kha khuluṇoni na Murena.”

<sup>56</sup> Zwino, yone ḫaledzi, kana muruṇwa, kana muđinda wa hetshi tshikhathi tsha tshivhidzo, ha ḫivhei.

<sup>57</sup> Zwino, muđinda wa tshikhathi tsha u thoma, ho vha hu nnyi? Paulo, Efesa. Simirina? Irenaeus. Phegamosi? Martin Mukhethwa. Thiathira? Columba. Saradisi? Luther. Filadefia? Wesley. Huno kha yone... hetshi tsha Ladokia, a ri a athu ḫivha, nahone zwi nga iteya ra si ḫivhe u swika zwe no fhela.

<sup>58</sup> Fhedzi ndi khou ṭoda u tou ḫea u redza hanga kha zwine hoyu muruṇwa a do vha, zwine ra khou lavhelesana nazwo. Naa zwi do vha zwe luga? [Tshivhidzo tshi ri, “Ee! Amen!”—Mudz.] Zwi tshi vha uri ri tou vha na tshifhinga tshiṭuku, ndi tou ḫwala u redza huṭuku hafha kha zwine nda elekanya.

<sup>59</sup> Ene muruṇwa wa hetshi tshivhidzo tsha Ladokia, u tshi fhedza. Zwino, u do vha magumoni a tshikhathi, u fana na vhaṇwe vhothe, u fana na Bivhili. U do vha magumoni a tshikhathi. Hu si mathomoni atsho, magumoni atsho, ngauri muruṇwa u dzulela u da u kaidza... avho nga zwe vha ita. “Kha ene—ene muruṇwa wa tshivhidzo tsha Ladokia ḫwalni hezwi zwithu.”

<sup>60</sup> Ni a vhona, “Kha ene muruṇwa wa tshivhidzo tsha Simirina ḫwalani hezwi zwithu.” Ni a vhona, muṇwe na muṇwe ndi kha muruṇwa magumoni a tshikhathi. Paulo, magumoni a tshikhathi. Huno na u tsa fhasi, magumoni a tshikhathi. Hone u džhenelana, magumoni a tshikhathi. Magumo a tshikhathi, ndi zwine zwa tshi ita uri tshi pfukele phanda. Ni a vhona, “Kha muruṇwa,” a tshi amba zwe zwa vha. Hetshi tshi džhenela nga hafha, “Kha muruṇwa,” magumo a itsyo tshikhathi. Ni a vhona, a tshi topola hafha, u ita u džhenelana sa zwiṭepisi zwi tshi ya n̥tha, zwone Zwikhathi zwa Sumbe zwa Tshivhidzo.

<sup>61</sup> Zwino, hoyu muruṇwa ane a da nga ilo ḫuvha, ndi khou ṭoda... ndi na tshiṇwe tshithu tsho ḫwaliwa hafha, ndi nga tou takalela u tshi vhala. Fhedzi u do ḫivhiwa nga tshipida tsha u fhedza tsha tshikhathi. Huno ngauri ri tsini nga maanda

kha itsho—itsho tshikhathi tsha Tshedza, nga khonadzeo u kha lifhasi zwino. Ni a vhona, a thi mu divhi. U do vha wa—wa maanda muporofita ane a do landulwa nga tshivhidzo tsha shango, ngauri vha do ya thwii kha zwivhi zwavho huno mafhedziseloni vha do pfelwa kha mulomo wa Mudzimu, kha mulomo wa Vhuhone ha Mudzimu.

<sup>62</sup> Ndi a tenda u do vha muñwe sa Eliya. Ndi khou ya u tikedza uri ndi ngani. Zwino, kha ri vule hafha kha Bugu ya Maleaxi, lwa tshikhalanyana, ndi khou ya u tikedza uri ndi ngani ndi tshi humbula uri u do vha muñwe o doliswaho nga Muya wa Eliya. Zwino, ndi khou ḥoda inwi ni tshi vheya—vheya muñwadzi wañu wa tshilidzi. Maleaxi, ndima ya vhuña. Zwino, thetshellesani samusi ndi tshi vhala, huno na vhoinwi kha Bivhili yañu. Zwino, humbulani nga vhudzivha zwino lwa minete i si gathi i tevhelaho zwino, phanda ha musi ri tshi ya kha tshikhathi tsha tshivhidzo.

*Ngauri, vhonani, ḫuvha li ya da, line la do fhisa sa oveni; huno vhothe vha u ḫihudza, ee, . . . vhothe vhane vha ita vhuwhi, vha do vha mavhivhi: huno ḫuvha li a da line la do vha fhisa, u ralo MURENA wa mavhuthu, huno a li nga si yi mudzi kana ḫadzwane.*

<sup>63</sup> Naa ndi mini zwine A khou amba? U khou amba nga ha ḫuvha line la khou ḫa. Naa ri nga tendelana kha izwo? Kha ḫuvha ḫa u vhuña ha Murena.

*Fhedzi kha inwi . . .*

<sup>64</sup> Zwino lavhelesani, zwino U khou amba murahu kha Isiraele. Zwino, naa O ri mini? “Ngauri, vhonani ḫuvha li a ḫa (nga hangei) line la do fhisa.”

*Fhedzi kha vhoinwi vhane na ofha dzina ḫanga . . . lone ḫuvha la u luga li do vuwa li na phodzo kha phapha ḫawee; huno vhoinwi ni do bvela phanda, na hula sa ḫamana dangani.*

*Huno ni do kandekanya vhavhi; ngauri vha do vha miora fhasi ha vhukando ha nayo dza vhoinwi nga ilo—. . . nga ilo ḫuvha line nda do ita hezwi, u ralo MURENA wa mavhuthu. (Hu si . . . Lone ḫuvha line A do fhisa lifhasi, ri do kandekanya kha miora yavho. Ndi yone Miliniamu, a hu na zwiñwe, ni a vhona.)*

*Elelwani . . . mulayo wa Mushe mulanda wanga, unendo laya . . . ene ngei Horebe u itela Vhaisiraele vhothe, na zwifanyiso na khañhulo.*

*Vhonani, ndi do ni rumela Eliya ene muporofita phanda ha u ḫa . . . na lihulu na li ofhisaho ḫuvha la MURENA:*

*Huno u do rembulusa mbilu dza vhokhotsi kha vhana, na mbilu dza vhana kha vhokhotsi avho, ndi sa do da nda rwa lifhasi nga samba.*

U guma ha Testamennde Ndala.

<sup>65</sup> Zwino, Yesu u ri... Mateo 17:10, a tshi amba nga hezwi. Vhayuda vhothe vha khou ḥoda uho u da ha Eliya. Zwino, lavhelesani zwine Yesu o amba nga hazwo, Mateo 17:10. Ri ḥo thoma kha ndimana ya vhu9, Mateo 17:9:

*Huno musi vha tshi tsa fhasi kha thavha, Yesu a vha laya, a tshi ri, Ni songo vhudza muthu lone... Ni songo vhudza bono muthu na muthihhi, (Ni a vhonā, “Ni songo amba hezwi. Ni a zwi divha, fhedzi zwi fhumuleni.”)... Ni songo vhudza muthu bono, u swika Murwa muthu a tshi vuswa... u bva vahfuni. Ni songo zwi amba.*

*Huno vhafunziwa vhwave vha mu vhudzisa, vha tshi ri, Ndi ngani zwenezwo vhamañwalo vha tshi ri Elias u tea u thoma u da? Ndi ngani Elias a tshi tea u da u thoma phanda ha musi hoyu Kristo a tshi da, lone Duvha la u luga? Ndi ngani vho amba izwi? Hafha, Wo no vha hafha, huno vhamañwalo vha ri—vha ri Elias u tea u da u thoma.*

Zwino, lavhelesani:

*Huno Yesu a fhindula huno a ri khavho, Elias u do da zwa vhukuma, u do da u thoma, huno a vhuyeyedzedza zwithu zweathe.*

*Fhedzi ndi ri kha vhoiñwi, Uri Elias o no da kale, huno a no ngo mu divha, (Ni a vhonā, Ha ngo amba uri o vha a nnyi, ni a vhonā.) fhedzi no ita khaye tshinwe na tshinwe tshe na funa. Zwi do ralo na kha Murwa muthu vha tshi do mu ita nga u ralo.*

*Huno vhafunziwa vha pfesesa uri o amba navho nga ha Yohane ene Mulovhedzi. (Zwino—zwino, Yohane ene Mulovhedzi o vha a Elias we a vha a tshi tea u da.)*

<sup>66</sup> Zwino lavhelesani, ndo humela murahu kha Maleaxi ndima ya vhu4, hafhu. Zwino elelwani, O amba hafha uri “Phanda ha duvha na lihulu, Duvha li ofhisaho la Murena li tshi da, Ndi do ni rumela Elias ene muporofita.” Ndimana ya vhu5:

*Fhedzi ndi do ni rumela kha inwi...ene muporofita...ndi do ni rumela Elias ene muporofita phanda ha u da ha lihulwane na li ofhisaho duvha la... [Tshividzo tshi ri, “MURENA!”—Mudz.]*

<sup>67</sup> Naa ri wana mini “kha Duvha la Murena”? Magumoni a tshikhathi! Ndi hone musi shango li tshi khou ya u fhisawa. Ni a elelwa uri ro Mu dzhia hani a na dugu tshena, ni a divha, huno—huno Yawe khana, huno o pombiwa u mona na khundu. Ni a elewa izwo? Huno ra tikedza nga Bivhili, ho vha hu si duvha la savhatha kana Swondaha, ho vha hu Duvha la Murena. Naa izwo ndi zwone? Huno ilo ndi duvha line A da sa Muhañuli, “Huno u do rwa lifhasi nga samba.” Naa izwo ndi zwone?

*Huno ndi do ni rumela Eliya ene muporofita phanda  
ha u vhuya ha līhulu na li ofhisaho dūvha la MURENA:*

<sup>68</sup> Zwino, lavhelesani u da luvhili ha Eliya. Zwino, arali na nga dzhieila nzhele, Mañwalo othe a na nyamba huvhili, “Fhedzi zwo dzumbiwa kha maço a vho ḥalifahō na vhadihudzaho, huno zwa dzumbuluwa kha vhana vhane vha do guda.” Naa a ni tendi izwo? Zwino, farani Maleaxi 4 henefho.

<sup>69</sup> Huno zwino kha ri humele murahu kha Mateo 2 lwa minete, u tou mona na siatari, Mateo 2. Ndi a tenda ndo vha ndi thi khou ri Luka 2 madzuloni ha Mateo 2. Ndi nayo yo ḥwaliwa fhasi hafha, fhedzi ndo vha ndi tshi khou dzhaya minete i si gathi yo fhiraho, huno Muya Mukhethwa wo vha u lu fherani na nne huno ndo vha ndi khou to vha na tshifhingga tshanga tshavhuđi. Ngauralo ndi amba...2, kha ri vhone arali iyi i tshi do vha yone. Zwino, irani ndi vhale hafha lwa minete fhedzi. Mateo2? Hafho a si hune nda khou ṭoda hone, ndi hone? Zwino lwa minete, ndi do iwana... Irani ndi tou vha na tshifhingga tshiṭuku hafha ngauri ndi khou ṭoda inwi ni tshi i vhona, uri Mañwalo a na nyamba huvhili Kha. *U reshwa ha Anna; U humela Nazaretha; Yone Paseka; Hone Vhushumeli ha Yohane.* Zwino, irani ndi vhone arali ndo vha ndi tshi khou amba Luka, ndo vha ndi tshi khou vhala huñwe fhethu huno...Ndi—ndi khou amba Mariko madzuloni a Luka, hu nga di vha hu Mariko. Fhedzi ndi khou ṭoda inwi ni tshi wana holwu Luñwalo uri ri kone—kone u divha uri hoyu ndi mushumo wa Murena, uri U ita hezwi nga ndila heyi. Zwino, ndi do ni vhudza hune nda khou ṭoda hone, hune ha, “Nnda ha Egipita Ndo vhidza murwa Wanga.” Muñwe muthu a na maipfi a thohoni ane a nga i wana nga u ḥavhanya kana u i wana? “Nnda ha Egipita ndo vhidza Murwa wanga, ndo vhidza Murwa wāga.” Zwino, lwa tshikhathinyana.

<sup>70</sup> [Murathu u ri, “Luke 1:17.”—Mudz.] Luke 1:17. Ndo livhuwa, murathu. Ndi zwone, Luke 1. Mariko...Luke 1:17, madzuloni a 2. Ndi khou ṭoda u wana ya vhu14, ndi hune...Ndi yeneyo, mukomana. Ndi zwone kokotolo, Luke 1:17. Zwo luga. Zwino, ni nga i swaya fhasi. Zwino, zwine yavha zwone, zwi kha phaṭhushedzo dla Murena, uri yo fhaṭutshedzwa.

*Huno iwe u do vha na dakalo na u pembela; huno  
vhanzhi vha do takala kha u bebiwa hawe.*

*Ngauri u do vha muhulu phanda ha Murena, huno ha  
nga nwi veini kana tshiñwe tshiñwiwa tshi kambaho;*

<sup>71</sup> Hoyu munna ane a khou da u do funzwa u bva hanani hawé uri a songo ḥwa kana u vha na tshiñwe tshithu tshi kwamanaho na tshivhi nga u ralo. Ni a zwi wana?

*...huno u do dadzwa nga Muya Mukhethwa, na u bva  
kha mbumbelo ya mme awe.*

*Huno vhunzhi ha vhana vha Isiraele vha do humiselwa  
kha Murena Mudzimu wavho.*

*Huno u do tshimbila e kha maya na one maanda a Eliya, u rembulusa dzimbilu dza vhokhotsi kha vhana, huno na vha sa pfi kha vhuçali ha u luga; huno na u lugisela vhathu kha Murena.*

<sup>72</sup> Zwino, zwino ri a limuwa uri o porofitiwa, huno Yohane o vha a muthu! Naa izwo ndi zwone? Yohane o vha a Eliya, wa ilo duvha, ane a khou teya u da.

<sup>73</sup> Zwino, ri do vha ra divha uri Mañwalo tshiñwe tshifhinga a amba zwithu zwivhili. A do amba tshiñwe tshithu, u fana na hafha kha Mateo hune A ri, “U bva Egipita ndo vhidza murwa Wanga.” Zwo luga, ndi a tenda ndi zwone zwe nda vha ndi tshi khou ḥoda zwone, “U bva Egipita ndo vhidza murwa Wanga.” Huno zwenezwo arali na nga tevhela izwo “murwa” mbampedzo henefho, O vha a...ha ngo...Lwo humela murahu kha Hosea, zwine zwa sa ambe Yesu, Murwa Wawe; ho vha—ho vha hu Isiraele, murwa Wawe, “U bva Egipita O vhidza Isiraele.” Fhedzi lwo vha na nyamba huvhili na u pfesesa huhulwane khalwo musi lu tshi amba na u bula nga ha—ha u da ha Yesu, hune ha vha huhulwane kha—kha Isiraele, musi A tshi vhidzela Isiraele nn̄da. Zwo luga.

<sup>74</sup> Zwino, ri do vha ra wanulusa uri...kha u vhuya Hawe ha u thoma ho vha hu kha Duvha la Murena. Naa ndi zwone? Zwino, murahu kha Mañeaxi, kha ri onyolose hezwi u thoma, “U vhuya nga Duvha la Murena.” Zwino, lavhelesani u vhuya Hawe huvhili, Hawe u vhuya ha u thoma na Hawe u vhuya ha vhuvhili. Naa ni na u humbula hanu ha tshimuya ho lugela? Ndimana ya vhu6 zwino, “U do...”

... *U do rumela...Eliya...phanda...lihulu na li ofhisaho duvha la MURENA:* (Naa izwo ndi zone?)

<sup>75</sup> Zwino, ri limuwa uri ho vha hu si Yohane, ngauri ho vha hu si Duvha li ofhisaho la Murena (lo ralo?), huno O...nahone Ha ngo fhisa lifhasi. Ngauralo zwi teya u vha zwo amba mbonalo ya phanda, kana—kana huñwe u vhuya hu ḥaho ha Yohane...kana ha—ha Eliya. Naa izwo ndi zwone? Ngauri O ri, “Ndi do rumela Eliya, nahone ndi khou ya u fhisa lifhasi lothe, nahone ndi khou tou ya u li kunakisa, huno ni do tshimbila nn̄da kha milora yanu.” Heyo ndi yone Miliniamu, ri a zwi divha. Nga murahu ha bomo ya athomiki i tshi do li thuthubisa, zwenezwo hu do vha... lifhasi li do vusuludzwa. Huno hu do vha na Duvha lihulu kha lifhasi, huno tshone Tshihidzo tshi do vhusa na Yesu kha lifhasi lwa miñwaha ya tshigidi. Naa ndi zwone? “Fhedzi phanda ha helo lihulu na li ofhisaho Duvha la Murena, musi li tshi khou ya u thuthubiswa, ndi do ni rumela Eliya ene muporofita.” Naa ndi zwone? Ngauralo a zwo ngo amba Yohane Mulovhedzi kha itsho tshiimo, ngauri lone li ofhisaho Duvha la Murena a lo vha nga itsho tshifhinga, miñwaha ya zwigidi zwivhili yo fhiraho. Naa ndi zwone?

<sup>76</sup> Zwino, lavhelesani ndimana i no tevhela. Nahone arali na nga vha wa tshimuya zwa vhukuma zwino; zwino, hovhu ndi vhurifhi ha lufuno, huno ni tea u vhala vhukati ha mitalo huno zwenezwo zwi vha khagala. Ni a divha zwine nda khou amba. Elelwani uri ndo ri, lwone Luñwalo, “Yesu o livhuwa Mudzimu ngauri O Zwi dzumba kha vha vhutali (kha maço) na vha u dihudza, a Zwi dzumbulula kha vhushiye.” Zwino, ndo dzulela u ḥalutshedza nga ha mufumakadzi wanga musi a tshi ḥwalela vhurifhi; Ndi a kona u vhona zwine a khou amba kha vhurifhi, fhedzi ndi vhala vhukati ha mitalo u divha zwine a khou amba, ni a vhona, ngauri ndi a mu funa huno ndi—ndi divha vhuvha hawe. Huno ni teya u divha vhuvha ha Mudzimu huno na Mu funa, zwenezwo one Mañwalo a ya bvela khagala kha inwi. U ya A dzumbulula.

<sup>77</sup> Zwino, lavhelesani ndimana i no tevhela:

*Huno u do rembulusa dzimbiyu dza vhokhotsi kha vhona vhana, (Zwino, lavhelesani.) na dzone mbilu dza vhana kha vhona vhokhotsi, . . . (Ni a vhona?)*

<sup>78</sup> Zwino, musi Yohane a tshi da sa Eliya, o rembulusa mbilu dza Vhaisiraele, dzone mbilu dza vhana vhe vha vha tshi khou ḥanganedza mulaedza wawe, mbilu dza vhokhotsi kha vhana. Fhedzi musi a tshi da nga *tshino* tshifhinga, u khou ya u rembulusa dzimbiyu dza Tshivhidzo kha vhokhotsi vha Pentekostała. Ni a vhona, zwi tou liyana heneffho. Ni a zwi wana? Zwino, I vhalen!

<sup>79</sup> Zwino, thetshellesani nga maanda:

*Huno u do rembulusa dzone dzimbiyu dza vhokhotsi kha vhana . . .*

<sup>80</sup> Vhone vhotsifhe vha kale; u khou ya u vha vhudza uri, “Ndi ngani, Mudzimu u ya kona nga haya matombo hafha u vusa vhana kha Abrahamu. Naa a ni elekanyi uri ni nga kona . . .” Ni a vhona? Zwino, u khou ya u dzhiya mbilu dza vhotsifhe vha vhubvo huno a dzi rembulusela kha Lutendo lwe vhana vha vha nalwo heneffho. Ni a vhona, “Zwino, vhothe havha vhe vha lovhedzwa nahone vha khou lindela u vhuya hā Mesia. Ndi nnyi o ni tsivhudzaho, vhoiñwi murafho wa mavuluvulu, u shavha kha mbiti ine ya khou da?” Yawee, nne nne! Ni a vhona, “O vha a tshi khou rembulusa mbilu dza vhokhotsi kha vhana.”

<sup>81</sup> “Huno na mbilu dza vhana kha vhokhotsi.” Zwino, musi *hoyu* Eliya muhulwane a tshi da kha magumo a tshikhathi, u do vha a tshi khou dzhiya Mulaedza wa Pentekoste u rembulusa vhana kha Lutendo lwa vhokhotsi, ngauri u do vha a tshi khou vha kaidza ngauri a vho ngo vhulunga holwu Lutendo luthihil lwe lwa vha lu hone heneffho u rangani. Amen! Zwino, ndi a kholwa uri ri a limuwa nga maanda uri hu khou ya u vha Eliya. Naa a ri ralo? Zwino ri a zwi divha.

<sup>82</sup> Huno zwo no vha... Zwino ni a vhona, lone li ofhisaho Duvha la Murena a li athu da. Ndo dzulela u divhudzisa, "Naa uyu u do sokou vha mureri zwawe, zwenezwo?" Eliya o ita madembe othe, hu si na u funza. Fhedzi musi Muya wawe u kha Yohane, Wo ita u funza hothe hu si na madembe. Ndi ngani? Yesu o vha a tshi khou ya u mu tevhela, O vha a tshi do ita madembe, "Ngauri Duvha la u luga li do tavha," a ri, "na phodzo kha phapha dzalo." Ngauralo Yohane o vha a si na thodeya ya u ita madembe, o tou divhadza u da ha Kristo. Huno vha . . .

<sup>83</sup> Zwino, elelwani, huno hoyu Yohane . . . kana hoyu Eliya ane a do da, ha nga do pfeseswa, u do vha munna muhulu wa maanda phanda ha Murena u swika vhathe vha tshi vhuya vha elekanya uri ndi Mesia.

<sup>84</sup> Ngauri dzawekhonani dzo ri khae, "Ndi inwi Mesia."

<sup>85</sup> A ri, "A tho ngo fanelwa u vhofholola khanzu Dzawe, fhedzi O ntsala nga murahu!"

<sup>86</sup> Ngauri vho vha vha fhasi ha ndavhelelo, zwenezwo, u vhona Mesia, vho elekanya uri Mesia o vha a tshi khou da . . . Musi vha tshi vhona heyi mvumbo i songo doweleaho i tshi vuwa vhukati havho, vha ri, "Ndi ene Mesia."

<sup>87</sup> Yohane a ri, "A thi Ene! Fhedzi U khou ntsala nga murahu!"

<sup>88</sup> Yawee, nne nne! Ni a zwi wana? Ngauralo khonani dzawe dza tsini dici do humbula uri ndi Mesia.

<sup>89</sup> Zwino, dzhielani nzhele tshiñwe tshithu tshine tsha do itea, vhuvha ha hezwi, u doda phanda ha Duvha la Murena. Zwino, lifhasi a lo ngo vhuya la fhisa maduvhani a Yohane, zwo ralo na kha vhumatshelo. Musi a tshi da lwa u thoma, o tou funza; lwa vhuvhili, u—u do ita zweithe u funza na zwiga zwa fulufhedziswa nga Yesu Kristo. Zwo luga, zwino, kha ri lavheleso kha vhuvha, zwine zwa do vha zwone, vhuvha ha uyu muporofita ane a khou da.

<sup>90</sup> Zwino, ri a fusheyra uri muruñwa wa hetshi tshikhathi tsha u fhedza tsha tshivhidzo, o bvumbiwa u bva kha Testamennde Ndal u tsa fhasi; zwino, vharñwe vhothe a vho ngo ralo. Paulo, Irenaeus, a vho ngo bvumbiwa. Fhedzi hetshi tshikhathi tsha u fhedza, kha magumo a vhufhelo, magumo a shango, tshi do vha tshifhinga tshi shushaho nga maanda tshine tsha vha phanda hashu, ngauralo hoyu muruñwa wa hetshi tshikhathi o vha o bvumbiwa u bva murahu kha Manwalo, kha Testamennde Ndala, u guma ha hetshi tshikhathi. Ndi Eliya, ene muhulwane o doliswaho nga maanda.

<sup>91</sup> Zwino, lavhelesani! Naa Eliya u do vha na vhuvha ha hani? Tsha u thoma, u do vha muporofita wa maanda a fulufhedzeaho kha Ipfi la Mudzimu, ngauri Eliya o vha a wa ngoho, nahone Yohane o vha a wa ngoho. Ndi zwone. A tshi ita zwiga na zwi mangadzo, u do rembulusa mbilu dza vhana murahu

kha Lutendo lwa vhokhotsi vha Pentekostała. U do vhenga dinomineisheni u fana na Eliya o ralo. Ndi zwone, u do ralo! Ndi humbula uri ro tou mu thomela tshithu zwino; ndi tshifhinga a tshi bvelela. U do vhenga dinomineisheni! Eliya o i vhenga, na Yohane o vhenga dinomineisheni.

<sup>92</sup> Yohane o ri, “Ni songo da, na humbula ‘Zwino ri na Abrahamu sa khotsi ashu.’ Vhoinwi Vhafarisei na Vhasadukei, vhoinwi tshigwada tsha mavuluuvulu! Nowa mahatsini,” nga mañwe maipfi. “Ngauri ndi a ni vhudza, Mudzimu u a kona u vusela Abrahamu vhana kha haya matombo.”

<sup>93</sup> Eliya a ri, “Vhothe vho pambuwa, muñwe na muñwe wawho! A hu na o salaho fhedzi nñe ndi ndothe.” Yawee, nñe nñe!

<sup>94</sup> U do vhenga na vhasadzi vha u ṭonga! Eliya o ralo: Isabele. Naa ndi zwone? Yohane o ralo: Herodiasi. Vhothe avho vhaporofita, wone Muya, wone Muya muthihi. Vho vhenga shango la dinomineisheni, tshivhidzo tsha shango. Vho vhenga, na, vha u ṭonga, vhasadzi vha sa divhalekani. Vha... Tshiñwe tshithu kha mimuya yavho tsho tzhema tshi tshi hanedzana nazwo! Isabele o vha a tshi khou ṭoda thoho ya Eliya nahone o vha a tshi khou ya u i tumula; huno o vha na ṭoho ya Yohane yo tumulwa, Herodiasi o ralo. Vhothe!

<sup>95</sup> Hoyu muporofita u do vha mufuni wa phangani! U fana na Eliya, O tshila phangani, a eþhe. Yohane, ngei sogani, a eþhe. Zwenezwo ri a zwi divha uri u khou ya u vha Eliya. Zwo luga.

<sup>96</sup> Huno hoyu muporofita u do vha muñwe ane a do dzula na Ipfi la ngoho la Mudzimu. Ee, u do dzula Nalo, Ipfi lothe. U itela mini? U vhuyedzedza murahu Lutendo (kha tshivhidzo tsha Efesa) lwe lwa xedzwa tshifhinga hetshi tshoþhe, Lutendo, kha tshivhidzo tshe tsha vha na “Munango wo vuleyaho” wo vheiwa phanda hatsho nahone vha U landula.

<sup>97</sup> Hu si muthu o funzeaho. Eliya o vha a si muthu o funzeaho, wa Tishibe. Yohane o vha a si muthu o funzeaho. Luke 1:67, yone Bivhili yo ri o vha... “Uri ñwana o vha a... nga u ṭavhanya musi a tshi bebiwa, o iswa phangani, o vha a phangani u swika ðuvha le a sumbedzwa kha Isiraele.” Ndi zwone. 1... Luke 1:67 u swika kha ndimana ya vhu80, arali ni tshi khou ṭoda u i swaya phasi.

<sup>98</sup> Hoyu muporofita u do vha muthu wa zwiito nyana. Eliya, nga murahu ha muñtangano muhulwane, ho vha hu si na muthu ane a nga andana naye. Eliya o vha na zwiito. Musi a tshi bva heneho huno a vhidza mulilo u tsa phasi u bva ngei ṭadulu huno a phisa dialetari dla Baali na tshiñwe na tshiñwe, a gidimela phangani huno a ri, “Murena, a thi khwine u fhira vhokhotsi anga, irai ndi fe.” Naa izwo ndi zwone? (Huno Yohane...) O—o dzula phasi ha muri wa mupfure, huno nga murahu ha mvuseledzo khulwane, zwino o vha a tshi khou ṭoda u fa.

<sup>99</sup> Huno Yohane, musi vha tshi mu posa dzhele (hoyu musadzi muvhii) o dzula murahu heneffo huno a thoma u kwata. Ndi

a tenda ndi Pember kana muñwe wavho we a ri, “Awe maṭo a goni a thoma u swinga, ngomu dzhele.” A rumela vhañwe vhafunziwa vhawe.

<sup>100</sup> Huno, mulandu, o vha o ṭanziela, a ri, “Kheyo Ngwana ya Mudzimu ine ya dzhiya tshivhi tsha shango.” Yohane o vhona Khavhu ya Mulilo yo nembelela Khae, u fana na Liivha, huno la tsa fhasi, la dzula Khae. O zwi ṭanziela zwothe, huno a ri, “Ndi yone Ngwana ya Mudzimu!” Huno a ri, “Ndi na ḥodheya ya u lovhedziwa nga Iwe, huno ndi ngani U tshi da kha nne?”

Yesu a ri, “Zwi litshe zwi vhe nga u rali.”

<sup>101</sup> Fhedzi musi vha tshi mu vheya dzhele, a thoma u vha wa zwiito nga u ṭavhanya. Nia vhona, u nga zwi ya konḍa, ni nga si tsha mu fara. Huno musi vha tshi ralo, a ri, “Iyani ni Mu vhudzise arali A Ene, kana ri lindele muñwe ane a do da?” U tou fana na Eliya o ita kokotolo, ni a vhona, u tou fana.

<sup>102</sup> Ene, a tshi vha wa zwiitoniana, ngauralo ri a mu pfela vhuṭungu ngauri ri a divha uri izwo ndi mini. Zwo luga.

<sup>103</sup> Zwino, zwino kha... Tshone-tshone Tshivhidzo, kha u vhonadzwa hawe... ndi khwine ndi tshi litsha hezwo. Kha u vhonadzwa hawe, tshone-tshone Tshivhidzo... Musi a tshi di divhisa, hoyu Eliya muhulwane ane Mudzimu a do ri rumela, musi a tshi didivhisa u fana na Eliya o ralo, tshone Tshivhidzo tsho vha tsho lugela u vhofhololwa, o vha o vhofhololwa kha zwanda zwa vhuhedeni. naa izwo ndi zwone? Musi a tshi tou da henehfo huno a ri, “Ri do sumbedza uri ndi nnyi Mudzimu,” Eliya o vhofholola tshone Tshivhidzo. Huno Yohane, u tou fana na zwe Yohane a ita, o amba musi a tshi vhona Yesu, a ri, “Ndi teya u ṭukufala huno Iwe u hule.” Yohane a thoma u funza, a didivhisa phanda ha u da ha Murena. henehfo magumoni, hone u vhonadzwa. Zwo luga.

<sup>104</sup> Zwino, ri wanulusa uri Eliya u teya u vha a tshi khou amba hetshi tshikhathi kha hetshi Tshivhidzo. U tikedza uri ho vha hu Eliya: Eliya nga murahu ha musi o neya tshiporofito tshawe, Eliya ha ngo teya u fa, o tou shandukiswa huno a iswa n̄tha Tađulu; tshifanyiso tsha Tshivhidzo (kha magumo a hoyu Eliya ane a do da, kha magumo a hetshi tshifhinga *tshawe*), tshone Tshivhidzo tshi do ya kha u Takulelwa Tađulu, hu si na u fhira nga kha mirunzi ya lufu. Hu do vha u Takulelwa Tađulu! Ndi a tenda uri Eliya muhulwane, ene muhulwane ane a teya u da, u do vha Eliya o doliswaho we a porofitelwa maduvha a u fhedza. Amen! Ndi elekanya uri u do ralo, musi a tshi da, ene muruñwa, kana muđinda kha tshivhidzo kha maduvha a u fhedza (o landulwaho, vhatu who nyadziwaho, samusi hetshi tshivhidzo tshi tshi dzhena, nahone tsho no di ralo). Ndielekanya uri Eliya o fulufhedziswa kha Bivhili. Ndi elekanya uri ri nga pfesesa hezwo, uri Eliya o vha a ene we a fulufhedziswa kha Bivhili u da kha lino đuvha. Naa ni a tenda izwo?

<sup>105</sup> Zwino, kha ri ye zwino kha Ladokia huno ri do vhaba zwe Murena washu a teya u amba na riñe madekwana a ñamusi nga Ladokia, tshone Ladokia. Zwo luga, ndumeliso kha tshivhidzo:

... *kha muruñwa wa* Murena...

<sup>106</sup> Yone ndimana ya vhu<sup>14</sup> kha ndima ya vhu<sup>3</sup> ya Nzumbululo:

... *kha muruñwa wa* Murena... *wa...Ladokia*  
*nwala; Hezwi zwithu zwine zwa ambiwa nga Amen,*  
*ene a fulufhedzeaho na thanzi ya ngoho, na u ranga ha*  
*tsiko ya Mudzimu;*

<sup>107</sup> Yawee, nne nne! Ri na zweþhe... Arali ro vha na vhusiku hoþhe kha hezwo heneþho, nga ndila ine Murena a do dzumbulula izwo kha riñe! Lavhelesani!

<sup>108</sup> Yone “Amen” ndi u “Fhedza.” O vhabala u tsa fhasi hoþhe, na zwithu zwo fhambanaho, fhedzi khetshi tshikhathi tsha u fhedza tsha tshivhidzo hune ya ri, “Ndi nne... Hafha ndi u fhedza, Ndi nne Mafhedzo.”

<sup>109</sup> Zwino, u ni sumbedza uri O vha a “Mathomo” nao, samusi O ralo, ndi Ene “u ranga ha tsiko ya Mudzimu.” Oo! Naa ni khou Zwi wana? Ni a vhaba? Naa Mudzimu a nga sikiwa hani arali A Muya? Naa A nga vha hani? Ndi—Ndi wa U Ya Nga Hu Sa Fheli! Ha ngo vhuya a sikiwa, Ha nga do vhuya a sikiwa, ngauri O vha a Mudzimu u rangani. Fhedzi Uyo a re “u ranga ha tsiko ya Mudzimu” o vha a Yesu Kristo musi A tshi vhabadza, musi Mudzimu a tshi tshila Khae. Ndi ene *tsiko ya Mudzimu!* Yawee, nne nne! Ni a vhaba, “Wa u Thoma na Magumo; ene Amen, u ranga ha tsiko ya Mudzimu.” Musi Mudzimu a tshi Disikela muvhili, O da fhasi a tshila khawo, ndi hone u ranga ha tsiko ya Mudzimu. Ni a vhaba? Oo, naa A si zwavhuði?

<sup>110</sup> Zwino, ri wana kha tsha u thoma, O sumbedza Vhumudzimu Hawe *heneþha*, “Ndi nne Ramaanda-oþhe! Ndi Nne we a vha A hone, Ane A vha, nahone Ane a Do da. Ene Ramaanda-oþhe!” Kha tshivhidzo tsha Efesa, o zwi amba luraru. Naa izwo ndi zwone? U da nga hafha kha tsha Ladokia huno a ri, “Ndi nne Amen. Ndo vha wa u Thoma murahu *hafha*, Ndi wa u Fhedza nga *hafha*. Huno ndi u ranga ha tsiko ya Mudzimu. Nga kha tshikhathi tsha tshivhidzo tshire ra do vha natsho, ni do guda uri Ndi nne Mudzimu, Mudzimu o sikiwa nga tshivhumbeo tsha muthu. Ndi nne u ranga ha tsiko ya Mudzimu!” Amen.

<sup>111</sup> Izwo zwi do ita Vhaphuresibetheriene uri vha tzhembe. Itanu humbula nga hazwo! “U ranga ha tsiko ya Mudzimu.” Zwino, ndi... Oo, ndi funa hani izwo, “yone tsiko ya Mudzimu,” musi Mudzimu a tshi sikiwa, musi Mudzimu a tshi itwa ñama kha Yesu Kristo huno a dzula vhukati hashu.

<sup>112</sup> Zwino—zwino, ndimana i no tevhela i do vha (kha zwiñwe zwivhidzo) u khoda, fhedzi Ha ngo vhuya a khoda hetshi tshivhidzo. O vha na u sola khatsho, hu si u tshi khoda. Ha

ngo khoda hetshi kha tshithu na tshithihi, hetshi tshikhathi tsha Ladokia. Na Tshedza tshothe tshe vha vha natsho, huno vha humela murahu Khatsho, a vho ngo ṭoda huñwe u khodiwa. Uh-huh. Vha khou ṭoda u kaidziwa, nahone vho hu wana! O vha na u sola kha hetshi tshivhidzo, hu si u khoda.

<sup>113</sup> Zwino ndi khou ṭoda u vhala ya vhu<sup>15</sup> na vhu<sup>16</sup> ndimana hafha zwino:

*Ndi a divha mishumo yau, . . . iwe a u rotholi na u fhisa:  
ndi nga tama uri iwe wo vha u tshi rothola kana u  
fhisa. (Nga manwe maipfi, “U songo—u songo tou vha  
a dudelaho.”)*

*Ngauralo zwenezwo ngauri iwe u ya dudela, nahone  
a hu rotholi kana u fhisa, ndi ḍo u pfela kha mulomo  
wanga. (Hmm!)*

<sup>114</sup> U funza . . . Naa izwo ndi u khodiwa? Ndi u kaidziwa kha hetshi tshi si tshikhethwa tshikhathi tsha Ladokia, tsho vhifhesaho u fhira zweithe. Hezwi zwiñwe zweithe fhasi ha u tambudzwa na tshiñwe na tshiñwe tshe vha vha natsho; vho vha vha si na tshithu, vho vha vha kha vhushai, vha tendelakaho kha mikumba ya dzinngu na dzimbudzi, na tshengelo, huno vha saiwa na u fhiswa u ya lufuni, ndau dza kanzwa ngavho, na tshiñwe na tshiñwe, hone vha difarelela kha Lutendo. Huno hetshi tshigwada tsho “pfuma nahone a tshi ṭodi tshithu,” na tshiñwe na tshiñwe, na phombwe! Ndi zwone.

<sup>115</sup> Zwino, ri na ngudo khulwane, ndi a kholwa Murena vha ḍo ri thusa. O—O ri, “Ngauri a ni fhisah kana u rothola, u dudela.”

<sup>116</sup> U fana na mafhi, ni a vhona. Mafhi a rotholaho ndi avhudì. A zwi ngo ralo? Mafhi a fhisah o ndi avhudì. Fhedzi a dudelaho a ḍo ni ita uri ni ḫanze.

<sup>117</sup> Elelwani vhunwe vhusiku ndo lwala, fhasi mulamboni, zwa miñwaha ya fumbiliñhanu yo fhiraho. Ndo vha ndi kha tshikewkwe tshiñku, ndi tshi khou tshila fhasi heneffo. Nda mbo di lwala, huno vha da n̄tha, mulamu wanga vha nnyisa ha Dok. Isler. A ri, “Thaidzo ndi mini?”

Nda ri, “Ndi khou lwala nga maanda thumbuni!”

<sup>118</sup> A ri, “In̄wani ngilasi yanu ya mafhi a dudelaho.” Oo, mukomana! Mafhi a dudelaho, o nnyita uri ndi lwale, ngauralo nda tou kunakisa zweithe zwa zwa vha zwi nga ngomu.

<sup>119</sup> Zwino, Mudzimu o ri, “Ndi nga namba nda vha na inwi ni tshi fhisah, u fhisah ha vhukuma, kana u rothola, ivhani tshithihi kana tshiñwe. Ni songo vha a dudelaho, ngauri ni Nnyita uri ndi lwale.”

<sup>120</sup> Ndi zwine hetshi tshikhathi tsha tshivhidzo tsha ita kha Mudzimu, tshi Mu ita uri a lwale! Ni a vhona? “Kana u vha . . . Ni songo . . . Ei- . . . ni so ngo vha red- . . . Nambani ni vhe a fhisah o

nga maanda kana . . . Ni songo vha a dudelaho! U dudela kana u fhisa; ngauri ni Nnyita uri ndi ṭenze.”

<sup>121</sup> U dzika ha tshivhidzo tsha Anglikheni maduvhani a John Wesley zwo mu ita uri a vhe na mut̄angano huñwe fhethu, ngauri ho vha hu tshi rothola, u dzika.

<sup>122</sup> U dzika ha tshivhidzo tsha Methodisi zwo vhanga uri William Booth a vhe a fhisaho wa ya tshidzo. Ni a vhona, Mudzimu o ri, “Arali ni sa ḍo ḍa na shanduka, ndi ḍo bvisa tshitomambone. Ndi ḍo tshi bvisela nnnda, nda tshi neya munwe muthu.” Ngauralo musi tshivhidzo tsha Methodisi tshi si nga ṭanganedze u khethefhadzwa ha John Wesley, Wiliam Booth a bvelela na Mmbi ya Tshidzo a tshi isa phanda. Ndi zwone. Ndi ngani? Vho tshi dzudzanya! Ndi zwone kokotolo. Vha ita dzangano khatsho, huno Mudzimu vha ri, “Ndi a vhenga itsho tshithu!”

<sup>123</sup> Ngauralo yone . . . William Booth a bvelela huno a tshi doba, na yone Mmbi ya Tshidzo, zwenezwo u ḍo ita mini? Tshithu tshi fanaho, a rembuluwa a tshi dzudzanya hafhu. Nga murahu hawe ha ḍa Campbellites, huno vha vha hone lwa tshifhinganyana; huno zwenezwo John Smith na vha Baphuthisi; huno zwenezwo nga murahu ha hezwo ha ḍa Vhanazarini; huno zwenezwo nga murahu ha Vhanazarini ha ḍa Pentekoste.

<sup>124</sup> Vhanazarini, naa vha do ita mini? Vha ḫidzudzanya nga ndila i fanaho, vha tshi ita dinomineisheni.

<sup>125</sup> Ho ḍa mini nga itsho tshifhinga? Matavhi mavhili, Tshivhidzo tsha Mudzimu na zwiñwe zwinzhi, zwa bva henefho. Naa vha ḍo ita mini? Vha tshi dzudzanya; itanu vha litsha vha ḫuwe.

<sup>126</sup> Zwenezwo ha ḍa Vhapentekostała na phaṭhutshedzo ya mvula tsenyela, naa vho ita mini? Vha dzudzanya, ngauralo A tou vha litsha vha ḫuwa. Ndi zwone.

<sup>127</sup> Zwino ri khou ya u dzhena fhasi hafha kha magumo, ni ḍo wana tshithu tsho khwathaho nga minete i si gathi. Zwo luga.

<sup>128</sup> Zwo luga, U khou ni ḫoda ni tshi fhisa kana—kana u rothola, tshithihi kana tshiñwe. Ni songo vha a dudelaho! Ni songo diita tshiñwe tshithu tshire a ni natsho, ni nga lamba na vha kha mulilo wa Mudzimu kana na humela murahu kha—kha—kha dzangano. Ni songo—ni songo vha a dudelaho!

<sup>129</sup> Ndi tshithu tshi fanaho zwino! Ndi tshone tshithu tshi anaho tshe tsha iteya kha . . . kha zwivhidzo hafha. U khou ni ḫoda ni tshi fhisa kana na rothola. Ha khou ḫoda “u dudela.” Ndi zwine Pentekoste ya vha nazwo, nyimela ya u dudela. Vha ya kha piano zwenezwo, na madirama a si gathi, huno vha lidza tshifhinganyana; huno vha wana muzika wo edanaho, munwe muthu a takuwa huno a nga u ya . . . ni a divha, u nga u ya ri, “Rendani ene Murena! Halełuya!” Uh-huh. Huno muzika wa

tsima, “UH, Uh, uh, *uh*,” ndi zwenezwo fhedzi. Yawee, nne nne, zwi tou ita uri Mudzimu a lwale thumbuni Yawe! Ni a vhona? Uh-huh. Zwo luga.

<sup>130</sup> A hu na zwinzhi zwine zwa khou iteya zwenezwo, sa i—sa i fhisaho mvuseledzo i tshi bvela phanda khavho, fhedzi vho vha na zwinzhi zwa mitshini ya mekhenikha la kha hetshi tshivhidzo, ni a vhona, ngauri vho vha vho pfuma na, yawee, nne nne, vho vha vha tshi khou tangana na u ita mitangano mihulwane na tshinwe na tshinwe. Vho vha vha tshi khou vha na tshifhinga tshavhu di kha hetshi tshivhidzo, ndi ngoho zwe the, fhedzi ndi mutshini wa mekhenikha la. Fhedzi a hu na vhududo ha Muya Mukhethwa. Ni a vhona?

<sup>131</sup> Lavhelesani hafha zwe A amba hafha, ni a vhona:

*Ndi a divha mishumo yau, . . . iwe a u rotholi kana u fhisa; ndi nga namba nda vha na iwe u tshi rothola kana u fhisa.*

Huno ngauri u ya dudela, . . . nahone u sa rotholi kana u fhisa, ndi do u pfela kha mulomo wanga. (Ni a vhona?)

<sup>132</sup> Zwino, A ri, “ndi namba nda vha na iwe u tshi rothola kana u fhisa. Huno ngauri a u ngo ralo, ndi—ndi tou teya u u pandela, ndi zwenezwo fhedzi, u tou u pfela kha mulomo Wanga.”

<sup>133</sup> Zwino, vho vha na tshelede nnzhi, vho vha na zwifha to zwi hulu, vho vha na zwithu zwi hulu, fhedzi a vho ngo vha na vhududo ha Muya Mukhethwa. Oo, vho vha na mutshi—lone—lone dzangano. Yawee, nne nne! Vha na tshivhidzo tsha Vhuthihi vho the. Mutukana, vha na tshifha to tshihulwanesa tshe vha vhuya vha natsho, na zwithu zwi tshi khou bvela phanda, fhedzi hu si na Muya Mukhethwa. Ni a vhona? Ndi zwine Mudzimu a rumela u itela Tshivhidzo, wone Muya Mukhethwa.

Zwino, vhunga ri tshi bvela phanda kha ndimana ya vhu16.

<sup>134</sup> Vha na tshaka dzo the dza komiti. “Oo, ri na dzangano lihulu la hezwo. Dzone sosaithi dza vhakegulu, na yone—yone mitambo ya vhatukana vhaswa, na—na mitambo ya bankho nga madekwana a la Vhuhanu, huno na—na mitambo ya basikete nga Swondaha ngā masiari, huno, oo, mitambo ya bola ya beisi na zwikene-nene. Huno, oo, ri tou vha na—na sosaithi ya vhanna. Huno, oo, ri na tshaka dzo the dza zwithu.”

<sup>135</sup> Ndi a ni vhudza, yo hwala, sosaithi, na kilaba, na rwana, na tshinwe na tshinwe, fhedzi a hu na vhududo ha Muya Mukhethwa. Ni a vhona, ni na dzangano, fhedzi a ni na tshithu benefho tsha u ni dudedza. Ni khou vha na vhududo na shango fhedzi hu si kha Mudzimu, ndi ngazwo ni tshi vha a dudelaho.

<sup>136</sup> Oo, ni na mira do minzhi u fhirisa ye na vhuya na vha nayo. “Zwa vhukuma, mutukana! Mulandu, ri na vha milioni vhanzhi nga ‘44,’ o ralo Mubaphuthisi. Fhedzi—fhedzi naa ni na mini? Wone mutshini muhulu!”

<sup>137</sup> Henefho kha tshenetsho tshivhidzo he nda pfa uho u redzwa hu tshi itwa, vha teya u balanganya nga minete ya fumiñthanu, u fha vhafunzi tshikhala tsha u ya nn̄da, na vhañwe madikoni na vhañwe vhoñthe, u dahan, huno vha vhuya murahu hafhu. Ni a vthona? Khezwo-ha. Yone Bivhili i ya hañula izwo zwithu! “Arali na tshikafhadza hoyu muvhili . . .”

<sup>138</sup> Na madokotela vha ya zwi hañula huno vha ri, “Lo dala pfuko.” Zwenezwo vha ya kha radio vha ri, “Sefo ya munna a elekanyaho.”

<sup>139</sup> Vhunga Billy Graham o ri, “Ndi tshiñahela u humbula zwenezwo na mathomoni.”

<sup>140</sup> “Sefo ya munna a elekanyaho,” ene munna a *humbulaho* a nga si dahe na khathihi, ndi zwone, ni dzhiya muhumbulo wa vhuvhili. Fhedzi u vhudza vhasadzi uri zwi vha ita uri vha sekene, ni a ñivha, uri vha kone u ambara zwiñwe zwa hezwi zwiambaro zwiswa zwine vha vha nazwo. Mutukana, izwo zwi a kona! Vhasadzi vhanzhi vha a dahan fola u fhira vhanna zwino, huno vhasadzi vha ño dahan mararu kha lithihi, sigarete, kha munna. Ndi zwone kokotolo, ngauri u khou ñoda u sekena. Ha limuwi uri ndi TB na pfuko zwine zwa khou mu ita nga u ralo, nga tshiyhumbeo tshiñuku, zwi tshi ña khae, zwi tshi mu ña nga u ralo, zwi tshi mu vhulaha. A hu na tshithu tshine tsha nga fhedzi vhuvhi! Ndi zwone. Ni a vthona? Fhedzi hezwo, “Ndi—ndi sefo ya munna a elekanyaho.” Ha! Yawee, nñë nñë!

<sup>141</sup> “Hai! Hai! Oo,” vha ri, “fhedzi ri na . . . Mukomana Branham, ndi hanedza hezwo! Ri na miñangano mihulwane! Lavhelesani zwine Billy Graham a vha nazwo u mona na shango.” Oo, zwa vhukuma, dzangano ñihulu, vhaivangeli vho tholwaho, vhaimbì vha badelwaho.

<sup>142</sup> Ee, vha thola vhaivangeli vhavho. “Zwo ralo, naa ni ño mpha vhugai arali nda ña nda fara iyo mvuseledzo? Zwo ralo, arali ni si nga koni u bvisá dolara *dza u rali* ndi nga si ñe na luthihi. Ndi zwone. Huno inwi ane na khou ya u ranga phanda dzinyimbo? Zwo ralo, tshimbilani ni ye u thola *Mukene-nene*, ndi muimbi muhulu. Ni mu thole uri a . . . U ño kokodza gogo ñanga nga hafu, u ño ralo a eñhe.”

<sup>143</sup> Muimbi o badelwaho! Muivangeli o badelwaho! Ndi ngani, zwi ña fhethu hune u tshidza mimuya ndi bindu. U tshidza mimuya a si bindu ña tshivhidzo, ndi maandà a Muya Mukhethwa kha tshivhidzo. Ú tshidza mimuya a si . . . a ni zwi rengi nga tshelede. Hai, mune wanga! Hai! Zwoñthe ndi, mishumo, mishumo, mishumo, vhaivangeli vho badelwaho, vhaimbì vho badelwaho, khwairi dzo badelwaho, na tshiñwe na tshiñwe. Mudzimu ha ñodi hezwo, zwoñthe ndi mishumo! Mudzimu ha ñodi mishumo, U khou ñoda Muya Mukhethwa u tshi shuma kha inwi. Ndi zwone.

<sup>144</sup> Ndimana ya vhu17 i ri:

*Ngauri iwe uri, ndo pfuma, . . . Ndo anda nga ndaka, nahone a thi na tshire nda ḥoda; huno u sa zwi divhi uri u ya ṭungufhadza, (Oh!) . . . huno a u zwi divhi uri u ya ṭungufhadza, . . . wo dzhielwa, . . . mushai, . . . pofula, nahone u fhedzi: (Hmm! Hmm!)*

<sup>145</sup> Vho elekanya uri vho vha na “lupfumo,” hetshi Pentekostała kha tshikhathi tsha u fhedza tsha zwivhidzo. Vho elekanya. . . Huno nga nnnda vho vha vho ralo. Ee, muñe wanga. Vho pfuma. Itanu humbulā nga ha tshihidzo, zwo vha zwi tshi anzela u vha miñwaha i si gathi yo fhiraho, vha ima dzikhudani, vha tshi tendelekiswa u bva fhethu u ya fhethu, vha vha na tshifhinga tshi kondaho. Fhedzi zwino vha na zwifhaṭo zwihulusa zwine zwa vha hone.

<sup>146</sup> Ni a vhona hune Khuvhangano dza Mudzimu dza vha nnđa hafha, vhe vha vha vha tshi anzela u vha na fhethu havho kha tshifhaṭo tsha mabulanga, tshinwe tshithu tshi ngaho hetshi hafha, zwino vha khou fhaṭa tshifhaṭo tsha dolara dza miljoni dza rathi, huno vha ri, “Yesu u khou vhuya nga u ṭavhanya.” Mishumo yanu i sumbedza uri a ni tendi hezwo. Ndi tshi mbevha! Ni tshi fhaṭa zwifhaṭo zwa dolara dza miljoni na zwithu zi ngaho izwo, huno na ri, “Yesu u khou vhuya nga u ṭavhanya.” Huno vhafunziruňwa vha ṭungufhadzaho midavhini, vha si na zwienda kha milenzhe, vhafunziruňwa vha ofhaho Mudzimu zwa vhukuma, hu si na zwienda kha milenzhe yavho, huno vha tshila nga raisi ḥukhu-ḥukhu nga vhege; vha la luvhili nga vhege u hwala Mafhungo-madifha nga kha maṭaka na zwithu zwi ngaho hezwo, u Zwi isa kha vha havho. Huno ri fhaṭa tshifhaṭo tsha dolara dza miljoni dza rathi, huno na tshihidzo tshi na mahulu, mafasit̄ere a ngilasi, na tshinwe na tshinwe na tshinwe, na u zwi vheya kha hezwo. Oo, ni na tshelede nnzhi nga maanda u swika ni tshi vha na zwi imiswa zwa khadzimiso ya masheleni nga ngomu zwivhidzoni. Ndi zwone!

<sup>147</sup> Dokotela ngomu heneffo u ḥaṭhuvha vhaivangeli kana vhafunziruňwa. Huno muňwe mutħu u khou ḥoda u ya mudavhini, vha mu fha u ḥaṭhuvhiwa ha dokotela u vhona arali a . . . kana mudivhi wa muhumbulo, u vhona arali a . . . oo, arali muhumbulo wawe u na IQ yone, ni a vhona. Wone Muya Mukhethwa u ḥaṭhuvha hezwo, a ni ḥodi mudivhi wa muhumbulo.

<sup>148</sup> “Fhedzi, no pfuma a ni ḥodi tshithu.” Oo, zwa vhukuma. Ni na tshelede nnzhi nga maanda. Nga nnđa, no pfuma nga maanda; ni na zwifhaṭo zwihulu, ni na mafasit̄ere a na makolo.

<sup>149</sup> Na vhafunzi vha konaho u amba! Yawee, nne. Nne, ndi do ni vhudza, hmm, vha ya kona u amba nga maanda. Vha nga ima vha amba vhusiku hoṭhe, huno vha si ambe tshithu. Ni a vhona? Musi vha tshi da . . . Ndi amba nga ha zwithu zwine a vha teyi u amba, ni a vhona. Imani, huno zwiňwe zwa hezwi zwithu, huno

na amba nga ha *mukene-nene* na hezwi *mukene-nene*. Huno ni a *divha* uri zwi hani. Vhaimbi vho badelwaho. Ndi zwone. Zwo luga. Fhedzi, vha da kha phuluphithi, vhafunzi vha elelaho. Arali vha songo ambara suthu ya mavhaivhai na kholara yo rembuluswa, na luniwe lushaka lwa badzhi ya mutzhila khavho, mulandu, tshivhidzo tshavho tshi pfa tshi na ḥonni nga maända.

<sup>150</sup> Huno avho vhaimbi vha ya da hafha, avho vhasadzi, vha na mavhudzi mapfufhi o geriwaho sa Isabele, vha na tshifhaṭuwo tsho pendiwaho nga pennde yo edanaho u penda tshitumba. Vha tshi tou fhedza u bvula badzhi, vha thoma u ambara zwipfufhi na zwiambaro zwa vhanna, huno Bivhili yo ri, “Arali musadzi a ambara tshiambaro tsha munna, ndi vhuṭudzi phanda Hawe.” Vha tshimbila zwiṭaraṭa na ningozavho dzo ima, arali ya nga na i nga ḥwelisa khothe. Smart alecks, u ḥihudza, Vhoisabele vha mbiti! Ndi zwone zwi itisaho uri ri si vhe na mvuseledzo, ndi tshipida tshihulu tsha mushumo wa mutshini.

<sup>151</sup> Oo, ni nga vha na ipfi ḥi ngaho ḥa muruṇwa muhulu, huno Mudzimu u ḥo ni ita uri ni zwi fhindulele zwenezwo! Havha vho Elvis Presleys na zwiṇwe zwinzhi, na Ernie Fords, kana tshiṇwe na tshiṇwe tshine vha tshi vhidza hafha nn̄da na maipfi avhudi huno vha tshi a shumisela diabolo, Mudzimu o ri, “Ndi ḥo vhiła hezwo zwāndani zwavho.”

<sup>152</sup> Ndi ngazwo ndi tshi ḥonifha bofu Fanny Crosby; ha ngo vhuya a rengisa tshifhiwa tshawe kha shango. O dzula na Mudzimu.

<sup>153</sup> Vhunzhi ha havha vhathu ndi vha imbi vha dziṇambi, vhanna vha lulimi lu ḥapilaho, vhanna vhahulu, na zwiṇwe zwinzhi, madzuloni a u shumisa zwifhiwa zwavho kha Mudzimu, ene diabolo a zwi shandukisa huno vha nga hangei vha tshi khou mu shumela. Vhuvha, vhavha ha radio na thelevishini, vha tshi khou direngisa, nn̄da heneffo u itela shango madzuloni a u zwi fha Mudzimu. Vhaṇwe vhavho vha da tshivhidzoni, vha ya tshivhidzoni, vha ambara khanzu khulu dzavhudi, vha bvela nn̄da heneffo vha imba nga u ralo, huno vha humela murahu vha imba roko na rolo vhusiku hu no tevhela. Vha imbi vho raloho vhane ra vha *divha*, vha wela kha zwivhidzo zwa u rali, vha bvela nn̄da heneffo huno vha ita zwifanyiso, izwo zwifanyiso zwa baisikopo, vha bvela nn̄da heneffo vha imba dzi roko na rolo. Vhone dzikhosi dza roko na rolo, huno vha vhlia u vha vha vhurereli! Ndi tshikwekwe tsha diabolo!

<sup>154</sup> Muṇwe munna o vha nayo i edanaho—i edanaho ḥalukanyo n̄ha hafha. We a ri u khou ya u vha mureri, o vha a tshi ḥo ya nga matsheloni a Swondaha huno a funza, huno zwenezwo o vha a tshi ḥo tsela fhasi heneffo . . . huno a dzhena kha khasho ya radio huno a imba nyimbo dza roko na rolo huno na tshiṇwe na tshiṇwe nga u ralo, huno mafhedzisloni a dzhia tshigidi a thuthubisa maluvhi awe. Ndi ḥonifha munna nga u zwi ita. Ndi zwone. Ndi

zwone. O—o vha a na zwinzhi . . . O vha a na ḥalukanyo u fana na idzo nguluvhe dzo ralo, naho two ralo, musi dzi tshi wana diabolo khadzo dzo mbo gidimela mađini huno dza tzhipwa. Vhañwe vhathu a vha vhuyi vha vha na hezwo.

<sup>155</sup> Ndi a zwi divha uri ni . . . Ndi—ndi a vhenga u vha a kondaho nga u ralo, fhedzi, mukomana, khaladzi, ni teya—ni teya u ombela tshithu fhasi u tshi ita uri—tshi ita uri tshi fare! Ndi lone duvha line ra khou tshila khalo. Ndi a kholwa arali Yesu o vhidza Herode yone “phunguwe ya kale,” huno Yohane o vha vhidza “murafho wa mavuluvulu,” two luga.

<sup>156</sup> Vha na zwifha ṫ zwi hulu, mafasiṭere a dzingilasi, vhafunzi makone, vha imbi vho badelwaho. Ee, muñe wanga. Ndi mini zwine vha vha nazwo khazwo? Ndi mini zwi re ngomu? A hu na tsha Muya Mukhethwa. U ima heneffo huno vha bvela nnđa vha ambara zwipfufhi, huno vha dzhena ngomu vha imba kha dzikwairi dzavho. Vhoinwi vhadziatshimbevha vha tungufhadzaho! Ee, muñe wanga. Ndi zwone.

<sup>157</sup> Huno inwi, vhareri, vhanne na do ya kha muṭangano ngauri vha do ni fha tshelede nnzhi u fhira zwine vha ralo kha miñwe! Inwi liravhele, a no ngo lugelwa u vha kha phuluphithi. Ndi zwone. Tshelede! “Arali na sa zwikisa dolara *nkene-nene*, two ralo, ri nga si de. Vhashu—vhashu—vhashu vhalanguli na zwithu vha do da, arali na nga wana tshelede ri do da. Arali nda sa wana tshumisano na muñwe na muñwe, ndi nga si de. Arali muñwe na muñwe a sa shumisana nae (zwivhidzo zwoṭhe) uri ndi vhe na tshelede nnzhi u badela zwikolodo zwanga, ndi nga si de.”

<sup>158</sup> Mukomana, munna wa vhukuma wa Mudzimu u do ya arali Muya Mukhethwa wa mu tendela, zwi si na ndavha uri hu na mini kha munikeloo. Arali a tshi teya u la makuku a soda na u ñwa mađi a muri. Ndi zwone, ndi muqinda wa vhukuma wa Mudzimu.

<sup>159</sup> Fhedzi vhathu vha ya di vhofha nga dzikhacho na radio na thelevishini, na tshaka dzóthe dza zwithu zwa shango, u swika vha tshi vha na ulwo lushaka lwa tshelede. Ndi zwone kokotolo. Ni a vhona? Izwo a si Mudzimu.

<sup>160</sup> A ri, “Oo, no pfuma, a ni ḥodi tshithu.” Zwa vhukuma, fhedzi tshenetsho tshithu tshire na khou ḥoda, a ni natsho. Ndi zwone. Fhedzi a no ngo zwi divha. Ni a vhona, “U pfuma, a ni ḥodi tshithu.” U badelwa u ita zwithu zwine vha khou ita, u tamba magaraṭa. “Oo,” ni ri, “ri na tshivhidzo tshihulu.” Oo, zwa vhukuma. Ee, muñe wanga. “Tshivhidzo tshihulwanesa! Mulandu—mulandu, ni a divha, ene radorobo wa dorobo u ya da tshivhidzoni tshashu.” Um-hum. Ndi zwone. “Zwo ralo, ni a divha, *Mukene-nene*, musi vha tshi da doroboni, vha da tshivhidzoni tshashu.” Um-hum. “Ri na vhadivhaleya vhoṭhe tshivhidzoni tshashu.”

<sup>161</sup> Ee, irani mushayi, mukhethwa a shayah a de tshivhidzoni, huno ndi ḥoni kha inwi. A ni vhuyi na vha ḥoda heneffo. Ni ofha uri muñwe muthu u ḥo ri “Amen!” musi ni tshi khou funza.

<sup>162</sup> Vhunga mufumakadzi muñku we nda vhala tshiñwe tshifhinga kha bugu ḥukhu n̄ha hafha, u ya da tshihidzoni. Vhawa, o vha alusa kha tshivhidzo tsha fesheni ya kale murahu mañakan huñwe fhethu he vha vha vhe vhakhethwa vhukuma. Ngauralo vha... Muthu muswa a da ngomu liñwe ḫuvha huno a mala musidzana. A ri u wela kha tshivhidzo tsha *nnda*, nia ñivha, tshiñwe tsha zwivhidzo zwihulu zwa dinomineisheni nthihi nn̄da ha dorobo. Ngauralo a vhudza mme uri o vha a Mukriste. Ngauralo a mala ñwananyana huno a tuwa naye.

<sup>163</sup> Zwo ralo, mafhedziseloni a mu ita uri a hangwe nga ha tshivhidzo tshiñku tsha kale murahu dzithavhani, nn̄da hafha, hetshi tshivhidzo tshihulu, dzina liñhihi; fhedzi murahu heneffo vho vha vha na Muya Mukhethwa, nn̄da hafha vho vha vha si na tshithu. Ngauralo musi vha tshi da, hetshi tshivhidzo tshihulu.

<sup>164</sup> Ngauralo Mmme vha ri, liñwe ḫuvha, vho vha vha tshi khou da phasi u—u vhona ñwananyana wavho. Zwo ralo, vha ñivhudzisa uri ndi mini kha shango zwine vha nga ita ngaye. Ngauralo musi vha tshi da phasi vho vha vha tshi vhonala sa tshiñwe tshithu kha bugu ya relic, inwe ya idzo ḥukhu, rokho ndapfu, ni a ñivha, na zwanda zwilapfu, huno na mavhudzi awe o gamelwa murahu heneffo, tshifhañwo tsha nyala, nga u ralo (gamelwa murahu, ni a ñivha). Huno a da phasi, huno a ri, “Zwo ralo, Hañeluya, mufuñwa! Ni khou andana hani nga tshanu?” Zwo ralo, vha ri, “Zwino, nga matsheloni ndi Swondaha.” A ri, “Noñhe ni khou ya muñganoni, a ni khou ralo?”

<sup>165</sup> (Wa munna a ri, “Naa ri ḥo itani ngaye?” A ri, “Ri nga si mu ise heneffo o tou ralo!” Huno a ri, “Zwo ralo, a thi ñivhi uri ndi iteni.”) Zwo ralo, a ri, “Mme, ndi a ni vhudza, ri...”

<sup>166</sup> “Oo,” a ri, “fhedzi, mufuñwa, ndi si dzule u ya tshivhidzoni. Zwa vhukuma hu na tshivhidzo *tshikene-nene* u mona na hafha.” “Oo,” o... a ri... A ri, “Ndo vhona iñwe khuñani heneffo, ndi ḥo tou ya.”

(A ri, “Oo, zwo ralo, ri ḥo tou zwi ita.”)

<sup>167</sup> Ngauralo musi vha tshi dzhena, vha ri a thome u dzhena, (Ni a vhona?) vha tshi shoniswa ngaye. Hafha a da u mona na tshiñaraña na itsho tshikete, ni a ñivha, na Bivhili yawe phasi ha tshanda tshawe. Zwo ralo, mukomana, a nga vha a si ngo vha na dzina ñawé kha *Nnyi ndi Nnyi*, fhedzi ndi a humbulela uri o vha na dzina ñawé kha Bugu ya Ngwana ya Vhutshilo. Hetsho tsho vha tshi tshithu tsha ndeme.

<sup>168</sup> Musi a tshi dzhena tshivhidzoni a dzula murahu heneffo, a dzhiya tshidulo tshawe, ni a ñivha, huno vha vula Bivhili huno vha thoma u vhala. Huno muñwe na muñwe a thoma

u lavhevhelesa u mona, vha elekanya uri luñwe lushaka lwa tshithu tsha kale tsho bvelela u bva huñwe fhethu. Vha tshi sedza u mona nga u ralo, “Yawee, nñe nñe!” Na zwiambaro zwavho zwavhuđi, ni a ñivha, vhone vha lushaka lwa Ladokia, na zwiambaro zwavhuđi na zwiñwe zwinzhi. Vha lavhelesa murahu huno vha vhone mme muñuku vho dzula heneffo, na u rwethuwa huhulu kha tshifhađuwo tshavho, ni a ñivha, vha tshi vhala Bivhili. Ee.

<sup>169</sup> Huno vhafunzi, nga murahu ha tshifhinganyana, nga murahu ha musi vho no fhedza zwiñwe zwithu zwothe, mafhedziselonni, vho vha vha na minete ya fumiñhanu ya u amba. Ngauralo vha takuwa vha ri, “Ene Murena ndi wavhuđi.”

<sup>170</sup> A ri, “Rendani Mudzimu! Ndi zwone! Haleluya!” Huno muñwe na muñwe a rembulusa mukulo wawe sa sekhwaa, vha tshi lavhelesa u mona, “Ho vha hu nnyi?”

<sup>171</sup> Huno zwenezwo nga murahu ha tshifhinga, a ri, “Uhm! Uhm! Uhm!” A ri, “Vhakriste kha tshikhathi tshinwe na tshinwe vha teya u vha vhahulu, miswonda, Vhakriste vhavhuđi,” kana tshinwe tshi ngaho tshenetsho.

<sup>172</sup> A ri, “Rendani Mudzimu! Ndi zwone!” Huno vha sedza u mona vhothe.

<sup>173</sup> uno a, “Uhm!” a lavhelesa kha bodo yawe ya madikoni.

<sup>174</sup> Huno bodo ya madikoni ya zwi gavha. Vha ya murahu vha dzhiya musadzi muñuku nga tshanda huno vha bva naye nga munango, vha ri, “Ni khou thithisa vhafunzi.”

<sup>175</sup> No fa huno a ni zwi ñivhi! Ee. Oo, naa ayo mafasiđere anu a ngilasi a khou yo u shuma mini? Naa mimethe yanu yavhuđi? Naa tshivhidzo tshanu tshihulu? Ni tshi khou to ya thwii heleni, sa martin kha bogisi ïayo. Ngauri arali ni si na Muya wa Mudzimu, no xela! Nga nnda ha musi ni tshi bebiwa hafhu ni nga si vhone Muvhuso wa Mudzimu.

<sup>176</sup> Hezwo zwi a vhavha. Zwi nga ndo vha ndi tshi anzela u dziya mapfura a ñawa, nda ri, “Mma, ndi nga si zwi imele.”

<sup>177</sup> Vha ri, “Arali zwi sa ni lwadzi, a zwi nga ni fari zwavhuđi.” Ngauralo ndi a kholwa ndi nga ndila ine Hezwi zwa vha, nazwo.

<sup>178</sup> Oo, arali ni tshi nga amba navho! Oo, zwi hulu, zwifhađo zwavhuđi, na zwiñwe zwinzhi. Oo, vha—vha—vha... Ni ya kha zwivhidzo zwavho, zwi nga iteya na ri... Iyani tshivhidzonni tshavho ni ri, “Zwo ralo, ndi a ni vhudza, ni Mupentekostałaa?”

“Oo, ee. Uh-huh. Zwa vhukuma, ri vha Pentekostałaa.”

“Ni a tenda kha u bebiwa hafhu?”

“Ee.”

“Zwo ralo, ndi khou ḥoda u ni sumbedza tshinwe tshithu...”

<sup>179</sup> “Oo, lavhelesani kha hetshi tshifhađo! Ni a ñivha uri ndi zwi ngafhani zwine tshifhađo... hetshi tshifhađo tsha ḥura? Tshi

dura dolara dza milioni dza kotara tharu u imisa hezwi. Nia divha, ro vha ri si natsho nga heyi ndila. Ro—ro vha ri tshi anzela u vha fhasi hangei kha muedzi.” Üm-hum, huno u lavhelesa u mona, ni wanulusa hezwi zwithu zwi hulu zwine vha vha nazwo. Ee, muñe wanga. Huno zwenezwo vha ri, “Oo, ri—ri na hezwi zwithu zwi hulu!” Fhedzi a vha na u swela ha mimuya yo xelaho! Vha dzulela u ḥoda u ni sumbedza uri ndi tshifhaṭo tsha vhugai tshine vha vha natsho. “Lavhelesani kha rekhodo dzañu dza tshikolo tsha Swondaha, naa ndi tshihulu hani!” Naa zwi farisa mini izwo arali vha si na Muya Mukhethwa? “U pfuma, u anda naga ndaka, vha sa ḥodi tshithu.”

<sup>180</sup> Ndi zwe A amba, “Ni humbula izwo, fhedzi a ni zwi ḫivhi uri ni mushayi, no dzhielwa, ḫungufhadza, pofula, fhedzi. Huno a ni zwi ḫivhi!” Ni a vhona? Ndi zwenezwo.

<sup>181</sup> Oo, zwa vhukuma, vha ri, “Ni a ḫivha uri mini? Ro vha ri tshi anzela u vha... Hetshi tshivhidzo tshiṭuku tshe ra vha ri tshi anzela u tshi shumisa kha tshipida tsha murahu, hetshi ndi tshihulwane tshatsho zwino!” Huno ndi a ni vhudza, a hu na u swela mimuya, fhedzi vha teya u vhona uri hezwi zwiñwe zwithu zwi ya londiwa. Thuso ya vhasadzi, hezwi zwiñwe zwithu zweṭhe, zweṭhe zwi a londiwa, fhedzi a huna u swela mimuya yo xelaho. Oo, muthu, naa—naa ithsi tshivhidzo tsho dzhena kha mini!

<sup>182</sup> A vha na u swela mimuya yo xelaho, fhedzi vha na u swela lupfumo. Ndi zwone. Vho vha vha na u swela hu si hone. Vho vha na u swela lupfumo lwavho fhedzi hu si mimuya yo xelaho. One Mañwalo a ri, “A vha zwi ḫivhi uri vho dzhielwa,” (Oo!) “ጀungufhadza, pofula.”

<sup>183</sup> Vha elekanya u nga ri vha nga dzhiya tshelede huno vha shandukisa shango. “Oo, arali ra nga tou wana mbekanyamushumo khazwo, uri ri nga wana tshelede nnzhi hafha, ndi a tenda uri ri nga shandukisa shango. Arali vhañwe vha vhatu vho pfumaho kha tshivhidzo, Mukomana Branham, arali ra nga tou vha ita uri vha bvise, huno ndi a tenda uri ri nga thoma sosai thi ine i nga—i nga ya u mona huno—huno ya shandukisa shango. Ri nga dzhiya dziaropuleini huno ra isa litheretsha Afrika loṭhe, na zwithu zwi ngaho izwo. Arali ro vha ri tshi tou vha na tshelede!”

<sup>184</sup> Mukomana, shango li nga si shandukiswe nga tshelede. Shango li do shandukiswa nga Muya Mukhethwa; u funza ha maanda ha Muya Mukhethwa na tshone Tshifhambano hu do vha zwone fhedzi zwine zwi nga shandukisa shango. Mbekanyamushumo ya Mudzimu a si tshelede. Ndi Muya Mukhethwa, ndi zwine mbekanyamushumo ya Mudzimu ya vha kha Tshikhathi tsha Tshivhidzo Tsha Ladokia kana tshiñwe tshivhidzo. Ee, muñe wanga.

<sup>185</sup> Vha Ძoda wone Muya Mukhethwa. Oo, vha ri, “Ri vha . . . na musuku.” Ho vha hu musuku, zwo luga, fhedzi hu si hoyo. Vho vha na musuku munzhi fhedzi hu si hoyo. Zwino, ngauralo vho laiwa nga Yesu, “Ndi a zwi ḋivha uri no pfuma, nahone ni na musuku, nahone a ni Ძodi tshithu,” fhedzi:

*Ndi a ni laya u da na renga kha nne musuku wo  
lingiwaho kha mulilo, . . .*

<sup>186</sup> Luṇwe lushaka lwa musuku, ee, musuko wo lingiwaho kha mulilo, we wa fhira nga kha mulilo wa lufu, we wa fhira nga kha Khalivari, u bvela nn̄da.

<sup>187</sup> Musuku munzhi u ne na wana zwino ndi thanishi, u do nyetha, u do bva vhulali. Arali na nga swaya fhasi hezwi, Yakobo . . . Yakobo Mukhethwa 5:1 u swika 4, huno ni do wana zwine zwa vha zwone, i ri, “Iyani vhoiñwi, vhanna no pfumaho, zwino kha u da ha Murena, ni lilele na u honđela matungu anu a no khou da kha inwi, musuku wanu wo nyet̄ha kha inwi.” Ni a vhona, ndi lwone lushaka lwa musuku une wa nyet̄ha.

<sup>188</sup> Fhedzi wone musuku une Yesu a ḅeya ndi Muya Mukhethwa, one Mapfura a musuku a Muya, a shelwa mbiluni yanu. Huno—huno, yawee, nne nne, “Ndi a u laya, idani ni renge musuku kha nne, arali ni tshi Ძoda u pfuma.” Oo, ee.

<sup>189</sup> Nazwo, vho vha “vhopofula.” Zwino, ndi ndila i si yavhud̄i ya u vha. A thi humbuli uri a ha vha Vhakriste vho vha vho pofula sa zwine vho vha “u vphonela tsini.” Ndi a tenda vho vha vha tshi vphonela tsini. Tshithu tshi tshothe tshe vha lavhelesa khatsho ho vha hu zwifhaṭo zwavho zwihiulu. Tshithu fhedzi tshe vha vha vha tshi nga lavhelesa ho vha hu tshivhidzo tshihulu. Tshithu fhedzi tshe vha vha vha tshi nga lavhelesa ho vha hu khwairi yavho yavhud̄i na nguvho dzayo khulu na zwithu. Ndi elekanya uri vho vha vha tshi tou vphonela tsini, vho vha vha sa koni u vhonga seli ha ningo, kaṭuku-ṭuku. A thi elekanyi uri vho vha vhopofula, vho vha vha tshi tou vha na luvhonela tsini. Zwothe zwine vha nga vhona ho vha hu dzavho . . . “Zwo ralo, ni a ḋivha mini? Ri wela kha *Tshikene-n̄ene!*” Dinomineisheni dzavho khulu, magogo avho manzhi, mirado minzhi, zwikolo zwavho zwa Swondaha, zwifhaṭo zwavho zwavhud̄i.

<sup>190</sup> “Fhedzi vho vha vha na Ძhodeya ya Muya Mukhethwa,” Yesu o ralo. Vho vha vha tshi Ძoda Muya Mukhethwa! Ngauralo ene Murena a ri khavho, “Lito . . . Arali ni . . . maṭo o vhibha nga maanda, huno ni na luvhoneletsini u swika ni si tsha vhona tshithu fhedzi zwifhaṭo zwihiulu zwanu hafha na tshivhidzo tshau tshihulu, huno yanu . . . ene meyara wa dorobo na vhothe vha tshi da tshivhidzoni tshau, huno ni na vhađivhaley. Huno no Nkhangwa. Fhedzi arali no pofula nga u ralo, nahone maṭo anu a tshi vhavha nga u ralo, Ndi do ni rengisela muñwe mushonga wa maṭo.” Ee.

<sup>191</sup> Ni a vhona, zwi a mangadza uri ayo madokotela a vhukhethwa o vha a si na uyo, a zwi ralo? Vho vha vha na phefumu nnzhi, vha na theolodzhi nnzhi. Fhedzi vha ṭoda mushunga wa maṭo, Muya Mukhethwa wa Mudzimu, u kwiṭa maṭo avho huno wa vha ita uri vha lavhelese u vhuya ha Murena, vha lavhelese kha Bivhili, vha lavhelese kha Ipfi. Vha ya ḋivha uri zwi ambiwa hani “ah-vhathu” kokotolo. Vho vha vha na phefumu, vho vha vha na zwidolo zwot̄he. Fhedzi, “Vho vha vha tshi kha di ṭoda mushonga wa maṭo,” ene Murena u ralo. A ri, “Ni ṭoda mushungo muṭuku wa maṭo ui u ye maṭoni anu, huno u do vha swingulusa.”

<sup>192</sup> Zwo vha zwi tshi anzela u ralo, musi ndo vha ndi mutukana muṭuku... Ndo no zwi amba hezwi, ndi atenda, ndi nga vha ndo zwi amba tshivhidzoni. Hezwi zwi da kha muhumbulo wanga zwino. Ndo aluswa fhasi kha thavha dza Kentucky, tshipida, huno ro vha ri tshi dzula kha nndu ya kale ya mabulannga. Mmawe, hafha... Huno ro vha na—vha na fhetheu huṭuku ha kale nga nn̄ha, huno na thovho ya—ya maṭanga. Huno nga n̄ha ha heyo thovho ya maṭanga ho vha na nguvho i na mathenga. A thi ḋivhi uri ni a ḋivha uri nguvho i na mathenga ndi mini kana hai, kana mbete wa maṭanga; mbete wa kale, ro vha ri tshi tambula nga maanda. Baba na mma vho vha na mbete fhasi. Huno ngauralo ra gonya nga leri ḫukhu huno ra ya nga n̄ha, huno mme vho vha vha tshi do vheya, tshinwe—tshinwe—tshinwe tshifhinga, tshipida tsha bulanga nga kha mavothi na zwithu, u thivhela... Ni a ḋivha, ni ima... na edela benefho huno na vhala naledzi vhukati ḥa mabodo a kale dži tshi vhonala na tshedza tsha nwedzi, ni a ḋivha, huno hu na mulindi muhulu kha ḫanga nga heyi ndila.

<sup>193</sup> Huno ngauralo musi hu tshi do vha na mahaḍa kana tshinwe tshithu, kana mvula i tshi na, riñe vhaṭuku ro vha ri tshi do dzumbama fhasi ha hetshi—hetshi tshipida tsha bulanga, ni a ḋivha, u dzudza izwo... u shavha u ḫukalu. Huno tshinwe tshifhinga muxwatu nga kha haya mabuli, ro vha—ro vha—ro vha ri tshi do wana phepho huno maṭo ashu a tshi vala. Ni a ḋivha, u thivhiwa hoṭhe nga phepho, phepho kha maṭo ashu. Huno ngauralo mme vho vha vha tshi do ri vhidza nga matsheloni, “Dani fhasi.” Ndo vha ndi tshi do ri, “Ndi nga si de, mmawe, ngauri maṭo anga o swinga.” Ndi na—na zwithu khao, ni a ḋivha, u rothola maṭoni. Ndi nga si kone u a vula, ni a ḋivha. Vhañwe vhaṭuku vho edela benefho, huno nne na Humpy na vhañwe ri tshi lingedza u vula maṭo ashu huno ri sa koni u zwi ita, pofula.

<sup>194</sup> Makhulu vha mukalaha wanga vho vha vha muzwimi, vho zwima ndovhi, tshedzi. Huno ho vha hu mushonga wa zwot̄he n̄duni yashu, ho vha hu mapfura a ndovhi. Ro pholitsha zwienda nga mapfura a ndovhi. Huno arali no vha na thanga, vho vha vha tshi a dudedza zwiṭuku huno vha tou, ee, no do teya u a mila, ngauralo, u itela thanga.

<sup>195</sup> Huno zwenezwo musi maṭo anu o pofula, mme vho vha vha tshi ḍo dzhiya hezwi zwithu... “Zwo luga, lwa minete, mufuṇwa.” Vha gidimela tshitangani huno vha dzhiya heyi komiki khulu ya kale ya mapfura a ndovhi huno vha a vheya vheya heneffo, huno vha ita uri a fhise vhukuma. Huno vha da n̄tha vha sikiṭedza maṭo ashu, ni a vhona, u swika zwi tshi ita mushumo. Huno nga murahu ha tshifhinga nda vha ndi tshi vho vhona, nda vula maṭo anga. Nda wana... One mapfura a ndovhi a a vula.

<sup>196</sup> Huno ndi a ni vhudza, ro vha na phepho i si yavhudzi! Ni a vhona? Ho vha na u rothola hu si havhudzi u mona na shango. Ene Mubaphuthisi o ri, “Maḍuvha a madembe o fhira. A hu na tshithu tsha u ralo sa Muya Mukhethwa na u amba nga dzindimi. A hu na ndovhedzo nga Dzina la Murena Yeso.” Huno, oo, tshaka dzoṭhe dza phepho, huno zwo vala maṭo manzhi nga luṇwe lushaka lwa u rothola ha tshimuya. Zwi ḍo dzhiya u fhira mapfura a lukhoye u vula ayo maṭo, mukomana. Zwi ḍo dzhiya ndovhedzo ntswa ya Muya Mukhethwa... ?... u sikiṭedza maṭo anu uri ni vhone, u bvisa u vhone latsini kha inwi uri ni kone u vhona uri Ipfi la Mudzimu ndi ngoho. Ndi zwone. Oo, “Ndi a ni laya uri ni de ni wane maṇwe mapfura a maṭo kha N̄ne, ane a nga u ḫolisa maṭo anu.” Ngauralo ni... Ngauralo...

<sup>197</sup> One madokotela a thiolodzhi a na... thiolodzhi yothe, na phefumu dzavho na zwithu, fhedzi zwo dzhiya zwi fhiraho hezwo. Zwi dzhiya Muya Mukhethwa u ḫeya mabono a tshimuya u vhona maanda a Taḍulu a tshi shuma. Wone Muya Mukhethwa, mushonga wa Muya Mukhethwa! Wone mushunga ndi mapfura a fhisaho, ri a zwi ḫivha hezwo, huno zwenezwo wone Muya Mukhethwa ndi Mapfura a Mudzimu.

<sup>198</sup> Huno thiolodzhi dzoṭhe na phefumu, “Oo, mukomana, mufuṇwa, no luga. A hu na tsho khakheaho nga... Tshiṇwe na tshiṇwe tsho khakheya. Zwo ralo, ri na tshivhidzo tshihulwanesa tshi re hone ḫoroboni.” Iyo phefumu i nga si shume! Hai, muṇe wangan! I do ni ita uri ni vhone u mona na *hafha* (luvhonelatsini) huno na ri, “Ee, ri na tshivhidzo tshihulwanesa.” Fhedzi mini-ha nga Khaṭhulo i no khou ḫa musi Mudzimu a tshi ḍo ni ita uri ni zwi fhindulele, vhoiṇwi mirado ya Ladokia?

<sup>199</sup> A thi khou amba zwinzhi hafha, fhedzi ndi kha theiphi huno dzi tshi ya u mona na shango, ni a vhona ngauralo ni tshi amba nga ha vhathe vha milioni dzi si gathi nga tshino tshifhinga, ni a vhona.

<sup>200</sup> Ngauralo zwenezwo ndi hezwo. Ladokia! U dudela! U humela murahu! U vhone latsini! A thi divhi zwoṭhe. Meila! Yone meila ndi haibiridi, a i na na tshivhit̄i tsha u tou thoma. Huno ni amba nayo, i imisa idzo ndevhe n̄tha, ya tuwa, “Haw! Haw! Haw! Haw!” A hu na na vhulenda khayo. Ndi haibiridi, i vhukati ha bere na donngi. Ndi yone thaidzo zwino, ni vheya

Vhanikolatini na vha Ladokia fhethu huthihi, huno ni wana donngi hafhu. Zwine ra ḥoda... Ndi zwone. A vha ḫivhi. Ni na vhudza nga ha phodzo Khethwa, ndovhedzo nga Dzina la Yesu. I ri, "Haw! Haw! Mufunzi wanga ha... Haw! Haw! A ri tendi hezwo sa Vhaphuresibetheriene." Tshiḍahela! Ndi zwine na nga zwi vhidza zwone...?...

<sup>201</sup> Ndi a vhenga meila. Fhedzi ndi a ni vhudza, ndi a funa yavhuđi, bere yo dzikaho ya luňwe lushaka, mutukana, ni nga i funza tshinwe tshithu. Ni nga i vhudza uri i kwatame, huno i dzhene kha danga, huno ya tou ita sa muthu a tshi nga ralo, ngauri ndi... i ya ḫivha tshinwe tshithu. I na lushaka. Meila a i ḫivhi uri ndi nnyi khotsi ayo kana mme ayo ndi nnyi, i nga si ḫibveledze. Ndi nga ndila ine zwa vha ngayo na hedzi dza kale, dzi rotholaho, dinomineisheni dza fomala, dzi nga si tsha vuwa hafhu. Nga u ḫavhanya musi tshivhidzo tshi ya kha dinomineisheni, tsho fa! Tshi nga si tsha vuwa hafhu. Ndi mini? Ndi haibiridi!

<sup>202</sup> Martin Luther o vha o luga, fhedzi musi a tshi dzudzanya o ita mini? Methodisi yo vha yo luga, musi i tshi dzudzanya naa yo ita mini? Pentekoste yo vha yo luga, fhedzi musi ni tshi i dzudzanya naa no ita mini? No i haibirida, no i enda kha tshivhidzo tsha Vhanikolatini Katolika. Kokotolo zwe na ita! No dzhiya khayo tshivhumbeo tsha ndovhedzo, dzhiya ndila dzawe na vhudifari, huno yone Bivhili i ri, "Ni ḫwana wa phombwe, murengisamuvhili. ḫwana wa phombwe!" Ndi zwone kokotolo!

<sup>203</sup> Yone yavhudi bere ya lushaka, aye, yo dzika. Oo, ndi yavhuđi, ndi a i funa. Vheani thoho yayo kha mahada anu, i funaho, vhulenda. Ndi ngani? I ya ḫivha uri baba ndi nnyi, i ya ḫivha uri makhulu ndi nnyi, i ya ḫivha uri makulukuku ndi nnyi. I nga ya ya gogodela nga murahu, ndi ya lushaka.

<sup>204</sup> Huno ndi takalela u vhona wa vhukuma Mukriste wa lushaka! Hu si a hwalaho vhurifhi hawe: ndi Mumethodisi vhege yo fhelaho, huno Mubaphuthisi i no vhege, huno Mupentekostaļa ino vhege, huno wa Vhatsinda Vhakhethwa vhege i ḫaho. Ha ḫivhi uri khotsi awe ndi nnyi kana mme awe ndi nnyi. Fhedzi irani ndi ni vhudze, muthu o bebiwaho nga Muya wa Mudzimu a nga ni humisela murahu kha ḫuvha la Pentekoste; a nga ni vhudza uri ndi wa lushakani, pentekostaļa! Amen! Ndi khou ḥoda u vha pentekoste u bva kha ḥodzi ya luvhudzi u swika kha vhukando ha nayo dzanga. A thi khou amba Pentekoste ya dinomineisheni. Ndi khou amba maanda a vhukuma a Kristo o vuwaho, yone Phaṭhutshedzo ya vhukuma ya Pentekoste.

<sup>205</sup> Mushonga wa mađo, u vula mađo anu uri ri kone u sedza murahu huno ra vhona hune tsha bva hone. Ni khou tousedza zwine tshivhidzo tsha vha ḫamus; lavhelesani murahu huno ni vhone hune tsha bva hone, zwenezwo bvelani phanda na

u tshimbila ni tshi ya kha Mudzimu, ni do bva khatsho. Ee, muñwe wanga.

<sup>206</sup> Zwo luga, ndo dzhiela nzhele tshiñwe tshithu, a ri, “Vha fhedzi; fhedzi huno a vha zwi ñivhi.” Zwa vhukuma.

<sup>207</sup> Oo, fhedzi a vha zwi ñivhi. Zwino, uyo muthu u kha tshiimo tshi tungufhadzaho, arali muthu o dzhielwa, pofula, tungufhadza, fhedzi. Zwino, arali a—a tshi zwi ñivha, u do dithusa; fhedzi arali a sa zwi ñivhi, muthu a tungufhadzaho o ya kha ñhalukanyo. Naa izwo ndi zwone? Whew! Izwo two vha two khwañha. Muhumbulo wo ya, a ñivhi lwo edanaho u di thusa.

<sup>208</sup> Ni vhona muñwe muthu a tshi tsa fhasi na tshiñaraña, mushayi, tungufhadzaho, pofula, dzielwa, na u vha fhedzi, huno na ri, “Mukomana, ni fhedzi.” “Oo, ndo ralo? Oo, Oo, mukomana, nthuse huñwe fhethu, u nthuse uri ndi ambare.”

<sup>209</sup> Fhedzi ni tshimbila khavho huno na ri, “Muñwe wnaga, naa no tanganedza Muya Mukhethwa u bva tshe na ñenda?”

<sup>210</sup> “Naa ni mini, muvhumbuluwi mukhethwa? Zwo ralo, ni ri, naa ni khou amba mini? Ni songo amba na nne nga u ralo, ndi Muphureisbetheriene, ndi Mubaphuthisi, ndi bva *hukene-nene* na *hukene-nene*.”

<sup>211</sup> Ni fhedzi huno ni sa zwi ñivhi! Zwino, a tho ngo vhuya nda amba hezwo, yone Bivhili yo amba hezwo nga tshino tshikhathi, “Fhedzi huno ni sa zwi ñivhi. Idani ni renge zwiñwe zwiambaro kha Nñe,” A ralo.

... *masalela matshena* ...

Masalela matshena ndi a Vhakhethwa; ndi u luga ha Vhakhethwa. Ni a vhona?...

<sup>212</sup> Fhedzi? Oo, zwa vhukuma! Ee, muñwe wanga! Oo, inwi ni ri, “Mukomana Branham, hu si tshivhidzo tshanga, ndi tshivhidzo tsho ambaraho lwa khwine kha dorobo!” Ndi nga si time-time hezwo; dziñwe dza fesheni dza u fhedza, matheriala o rungiwaho lwa khwine, ane vha ñivhaleya vha tshizwino vha Hollywood vha ambara, lwa vhudzekani nga maanda lune zwa nga kunga tshenzhemo ya munna muñwe na muñwe tshiñarañani. Uh-hum. Zwa vhukuma.

<sup>213</sup> Muñwe khaladzi o ri kha nñe, a ri, “Mukomana Branham, ni khou ñoda u mbudza? Zwino, ri renga hedzi rokho kha vhengele huno ndi zwenezwo fhedzi zwine na nga renga.”

<sup>214</sup> Nda ri, “Vha kha ñirengisa malabi na u ita mitshini ya u runga. Hezwo a si yone mbuno ya u ñimelela.”

<sup>215</sup> Yone Bivhili yo ri, “Nnyi na nnyi ane a sedza musadzi u mu emula o no ita kale vhupombwe nae.” Naa izwo ndi zwone? Zwo ralo, zwenezwo, arali musadzi a di ambadza lwa vhudzekani huno a ñivheya phanda ha munna, ndi nnyi ane a tewa nga u

swaiwa phoswo? Ene musadzi o ralo, o zwi bveledza. Ndi zwone kokotolo.

<sup>216</sup> Zwino, ni nga di vha o kunaho sa volenga kha munna waṇu. Ni nga di vha ni musidzana muswa a sa athu ita tshithu tsho khakheho kha vhutshilo haṇu, na vha ni tshipofu musi ni tshi mala munna waṇu. Fhedzi arali ni tshi ambara nga u ralo huno na ita uri vhanna vha ni lavhelese nga u ralo, o no ita kale vhupombwe na *inwi* kale mbiluni yawe. Hoyo muitazwivhi o ni lavhelesa. Sa Mukriste ni nga di vha na zwiambaro two rungiwaho lwa khwine ngomu doroboni, zwa khwine zwa woolens, fhedzi a zwi ngo ḫa kha Mukhethwa wa Mudzimu u ambara nga u ralo.

<sup>217</sup> [A hu na tshithu kha theiphi—Mudz.] Oo, ee, a zwi di kha nwana wa Mudzimu.

<sup>218</sup> “Oo, hai,” vha ralo. Zwo ralo, vha ri, “Tshashu tshivhidzo...” No ambara zwavhudi? Vha ri vho ralo. Who vha “pfuma, vha sa ṭodi tshithu.” Zwa vhukuma. Mulandu, vha ri, “Na vhafunzi vhashu vha bvela nn̄da na nguvho khulu vho ambara. Yothe kwairi i tshimbila na nguvho khulu yo ambariwa.” Na diabolo a nga fhasi hayo. Uh-hum. Uh-hum, ndi zwone. Oo! Hmm, hmm! Zwo ralo, ndi khwine ndi sa ambi hezwo nazwo. Ngauralo, ndi nga litsha hezwo zwa ḫuwa. Zwo luga.

<sup>219</sup> Oo, hezwi zwithu zwiḥulu zweṭhe! Khairi dza nguvho, khwairi dza u badelwa, ni teya u vha badela uri vha imbe. Hmm. Ni teya u fha mufunzi zwa u rali kana u do wana muṇwe mutengo une wa mubadela khwine. U do vhidza bodo ya vhalangandaka vhoṭhe huno a ri, “Zwino, vhahashu, ndi—ndi...no vha wa vhulenda nga maanda hafha, ni mpha *manzhi madana* nga vhege,” kana tshiṇwe tshithu tsha u ralo. “Fhedzi tshiṇwe Tshivhidzo tsha Phuresibetheriene tsha...” (Tshi vhidze “Pentekostała” kana tshiṇwe na tshiṇwe tshie tsha vha tshone.) “u mona na hafha, vho—vho pfulufhedzisa uri vha do mpha zwi *ngafhani* zwinzhi.” Yawee, nne nne!

<sup>220</sup> Zwenezwo ndi zwine mushayi a re mukhethwa a vha nazwo? Naa vha na tshikhala tshi ngafhani? Naa tshivhidzo tshi ṭungufhadzaho tsho dadzwaho nga Muya Mukhethwa, naa vha na tshikhala tshi ngafhani? Vha nga si swikelele tshiṇwe tshi ngaho hetsho. Ngauralo ene Murena u tou ni vusa tshiṇwe tshithu zwenezwo, amen, tshine tsho topolwa nga ene Mune, a tshi dadza nga Muya Mukhethwa huno a mu vheya sa mulavhelesi muhulwane khatsho. A rumela fhasi... A ri, “Ndi a u laya uri u de huno u renge masela matshena khae.” Yone Bivhili i ri, “Nguvho tshena ndi u luga-... ha vhakhethwa.”

<sup>221</sup> Zwino, ndi a tenda ro... Kha ri wane yone—yone ya vhu<sup>19</sup> ndimana zwino. Ndi a tenda ndi ndimana ya vhu<sup>20</sup> ine ra vha khayo, zwa khwine zwine ndi nga vhona. Ee, ee, huno kha u

vala hezwi. Zwino, zwino ivhani vho dzikaho zwino huno ni thetshelese zwino musi ri tshi khou ita hezwi. Thetshelesani:

*Vhonani, ndi ima munangoni, huno nda khokhonya: arali muñwe muthu a pfa ipfi ḥanga, huno a vula muñango, Ndi do dzhena ngomu... huno ndi do lalela naye, huno ene na nñe.*

*Kha uyo ane a kunda ndi do mu tendela u dzula na nñe kha khulunoni yanga, sa vhunga na Nñe ndo kunda, huno ndo dzula fhasi na Khotsi anga kha khulunoni yawe.*

*Uyo a na ndevhe, nga a pfe zwine Muya wa amba na zwivhidzo.*

<sup>222</sup> Hetshi ndi tshiñwe tsha zwiñatamennde zwa ndeme zwe nda vhuya nda zwi vhona kha Testamennde Ntswa. Ndi khou tðoda inwi ni tshi dzhiela nzhele, “Ndo ima munangoni huno ndi a khokhonya.” Hezwi kanzhi zwi shumiswa, u redza hu tshi luvheledzwa muitazwivhi. Naa izwo ndi zwone? Ri vhudza vhaitazwivhi, “Yesu o munangoni, u khou khokhonya.” Fhedzi hafha ndi U khokhonya kha munango wa *tshivhidzo* ngauri O vhuya a tshimbila navho, fhedzi vha (na madzangano avho na shango na u rothola) vho Mu siya nga nnða. U nga nnða ha *tshivhidzo*.

<sup>223</sup> Zwino, elelwani, kha tsha u thoma tsha zwikhathi zwa tshivhidzo, musi ri tshi khou vala, O vha a tshi khou tshimbila vhukati ha zwiñomambone zwa sumbe zwa musuku (Naa ndi zwone?), zwone zwikhathi zwa sumbe zwa tshivhidzo. Huno magumoni hafha, ri a Mu wana nga nnða ha tshivhidzo? Tsha Ladokia, tshone tshivhidzo tsha Ladokia. Nga nnða, vho vha vho vho bvisa.... A bviswa nga nnða. Mulandu, O vha o ima nga nnða a tshi khou lingedza u dzhena ngomu. Ndi tshifanyiso tshi ṭungufhadzaho hani! Ene Mutshidzi wa shango, vho ima nga nnða ha tshivhidzo tshe A tshi renga nga Malofha Awe Ene muñ. Thoni khavho!

<sup>224</sup> “Ndo ima munangoni ndi a khokhonya.” Nga murahu ha musi o sukumedzelwa nnða kana u bviswa, zwenezwo a tshi lingedza u dzhena ngomu, u swendela murahu huno a khokhonya kha munango. Heyi ndi rekhodo i kwamaho nga mañða kha Tesamennde Ntswa. Ndi elekanya uri a hu na tshiñwe tshire tsha nga ṭungufhadza u fhira hezwi, u vhona ene Mutshidzi wa shango a tshi bviswa kha tshivhidzo Tshawe Ene muñ, tshone tshikhathi tsha Ladokia. Nga murahu ha musi O no vha vhudza zwe vha ita, u pfuma havho na tshiñwe a tshiñwe, na zwine vha vha, huno na uri vha rothola hani na zwiñwe zwinzhi, huno vha—vha vha na... vha... O vha a sa teyi u vha pfela nnða, vho Mu pfela nnða. Huno o vha a hezwo zwoñthe, a tshi kha ñi khokhonya kha munango, a tshi lingedza u dzhena murahu. A tshi itela mini? U vha ñeya Vhutshilo Vhu Sa Pheli. Vhone vhe vha Mu vhulaya

kha Khalivari, O vha a tshi khou lingedza u tshidza mimuya yavho. Ndi tshifanyiso tshi pfisaho vhutungu nga maanda tshe nda vhuya nda tshi vhona kha vhutshilo hanga, vhuya nda tshi elekanya.

<sup>225</sup> U bviswa nga nn̄da! O bviswa kha mini? Zwino, thetshelesani, khonani. Arali hezwi zwi sa kwami! Wanani tshifanyiso tshazwo, irani zwi nwelele fhasi kha mbilu yanu. Mutshidzi washu, musi O vha a fhano kha lifhasi, O bviswa kha lushaka Lwawe Ene muñe. O landulwa, Ô bviswa. Shango lo Mu landula huno la Mu vhamba. Huno zwino, kha tshivhidzo Tshawe Ene muñe, O bviswa. Ha t̄od̄iwi na fhethu na huthihi, a vha na mushumo Naye. Vha na dinomineisheni, a vha Mu t̄odi. Vha na mupapa, vha do vha vha tshi khou Mu t̄odela mini? Vha na mubishopo muhulwane, mulavhelesi muhulwane, a vha tshe na mushumo na Muya Mukhethwa na khathihi. A vha tsha t̄oda Hezwo na khathihi. Kristo, ene Muya Mukhthwa, a vho ngo Mu t̄oda. Ngauralo vha a . . .

<sup>226</sup> A thi tendi uri vho fhufha vha Mu posa nga nn̄da ha tshifhato, ngauri a vho ngo Mu t̄uvha. A vho ngo Mu t̄uvha, ngauri vho vha vha tshi kha di imba nga Hae. Ene mureri o vha a tshi kha di amba nga Hae, Ngauralo a vho ngo Mu t̄uvha. Fhedzi shango lāvho vhone vhane na madzangano avho, vha tshi dzudzanya, vha tshi ri, “Mađuvha a madembe o fhira huno a hu na tshithu tsha u ralo sa *hetshi na tshiila*.”

<sup>227</sup> Ndi a ni vhudzisa. Mvuseledzo iñwe na iñwe ye ya vhuya ya da (muñwe, vhoiñwi vhadivhazwakale), zwino, fhasi nga kha hafha, hezwi zwivhidzo, mvuseledzo iñwe na iñwe ye ya vhuya ya da, yone . . . yo da nga nn̄da ha dzangano tshifhinga tshothe. Muthu muñwe na muñwe we a vhuya athoma mvuseledzo, o vha a nga nn̄da ha dzangano. Huno tshifhinga tshothe yone—yone mvuseledzo i tshi thoma, vho vha na zwiga na madembe vha tshi amba nga dzindimi na phodzo, huno na zwi ngaho zwenezwo, zwi tshi iteya. Nga u t̄avhanya musi uyo musimuli a tshi lovha, zwenezwo vha ya zwi dzudzanya huno vha ita dzangano khazwo, huno vha bvela phanda “vho fa” huno Mudzimu ha ngo tsha dovha a tshimbila natsho. Ndi zwone kokotolo.

<sup>228</sup> Huno hafha U kha tshikhathi tsha tshivhidzo tsha u fhedza, o ima nga nn̄da ha muñango, Mudzimu Ramaanda-othe. Izwo—izwo zwi vhaisa mbilu yanga u humbula nga ha izwo. Murena wanga o ima nga nn̄da ha munango wa Tshawe Ene muñe tshivhidzo, nga murahu ha u bviselwa nn̄da nga vhushango na u rothola na dinomineisheni na phambano, o ima nga nn̄da ha munango, a tshi khokhonya, a tshi lingedza u vhuya murahu. Musi ndi tshi elekanya hezwo, nga murahunyana, ndo tou gogodela kha t̄afula yanga nda thoma u lila. Nda elekanya . . .

<sup>229</sup> Ndo dzulela u elekanya, musi Yesu o dzula kha ilā nn̄du ya Mufarisei wa kale henefho, a hu na we a vha na ndavha Nae,

musi O vha a na milenzhe yo tswukalaho. A vho ngo ṭangana Naye kha munango huno vha ṭanzwa milenzhe Yawe huno vha Mu dolisa, vha tshi dzhiya dzikhandiso na zwithu he A vha a tshi khou tshimbila hone; nguvho Yawe i tshi swiela fhasi, ya ḋisa u la munukho muvhi wa bada he dzibere na zwithu zwa fnira, huno—huno a vha na uyo munukho Khae.

<sup>230</sup> Vho vha vha tshi do dzulela u ṭanzwa milenzhe, o vha a one maitele. Huno muṭanzwi wa milenzhe a dzula munangoni. Huno musi muthu a tshi da, vho vha vha tshi do ṭanzwa milenzhe yawe, huno vha hovhelela n̄tha hafho huno vha wana phere ṭhukhu ya sendele dzine dza mu edana, a ambadzwa. Huno vha dolisa thoho yawe na yawe... huno vha mu ita uri a nukhelele zwavhudzi, huno u swa kha mukulo wawe u bva kha masana a ḋuvha, vha gamela murahu mavhudzi awe. A dzhena ngomu.

<sup>231</sup> Huno u ṭanganedzwa kha vhaeni, zwino hafha ndi nga ndila ye... Imani hafha lwa minete, Pat, ndi khou ṭoda u ni sumbedza tshiñwe tshithu. Hafha ndi nga ndila ye vha ita, vho vha vha tshi do zwi ṭanganedza sa hezwi. Zwino, ndi a tenda... Hai, u fana na hafha, ndi a tenda zwi tou nga tshiñwe tshithu tsha holwu lushaka hafha, u ṭanganedza nga *heyi* ndila, ni a vhona, huno vha kuvhatedzana. Huno o vha o ṭanganedzwa.

<sup>232</sup> Fhedzi musi Yesu a tshi da kha hovhu vhuṭambo, u tou fana na musi O da kha vhuṭambo ha Pntekostala hafha, muñwe muthu a pfukwa Ngaye. Vho vha na dzangalelo nga maanda kha mafhundo avho, vhone vhabishopho na zwiñwe vho vha vha heneffo. Yesu o rambiya fhedzi a hu na we a ṭanzwa milenzhe Yawe. Huno heneffo O vha o dzula nga hangi khudani, vho kundelwa nau zwi ḋivha uri O vha a heneffo, na milenzhe Yawe i tshi khou nukha, na tshika u mona Nae, buse.

<sup>233</sup> Huno zwenezwo ha vha na a shayho phombwe ya kale fhasi tshiṭaraṭani we a da n̄tha heneffo, o vha a tshi tou vha na tshelede ṭhukhu fhedzi kha tshipanzhi tshawe. Huno a lavhelesa a vhona Yesu o dzula heneffo na milenzhe ya tshika. Zwa vhaisa mbilu yawe. A ri, “Ndi ene munna we a hangwela u la musadzi zwivhi. Ndi ene munna we nda pfa uri o ita phodzo. Ndi ngani vha si na ndavha Nae?”

<sup>234</sup> Ngauri vhone mabishopho na vhañwe vhothe vhe vha vha vha hone, vho Mu khathela nn̄da. Heneffo A... Vha Mu ramba uri a de.

<sup>235</sup> Ndi nga ndila ine ra ita. Ri a Mu ramba uri a de kha miṭangano yashu, fhedzi zwenezwo musi ri tshi da ri a Mu shona. “Oo, ndo vha ndi nga si dzule nda ri ‘Rendani Murena.’ Oo, hai, heneffo ho dzula Vhōjoneses, vha do humbula uri ndi muvhumbuluwi mukhethwa.” Inwi mudziatshimbevha! Ndi zwone. “Ndi ofha uri ndi do amba nga dzindimi huno vha do mmbidza ‘muthu wa dzindimi.’” Ni a ṭungufhadzaho mushayi!

<sup>236</sup> Zwino, ni a elelwa, hezwi zwi khou dzhena ngomu, ni a vhona. Ni a ḥungufhadza, no dzhielwa, mushayi, fhedzi, nahone no pofula, huno a ni zwi ḫivhi.

<sup>237</sup> Yesu o dzula heneffo na milenzhe i songo ḥanzwiwaho. Huno phombwe ya tshiṭaraṭani, ndo vha ndi tshi nga mu vhona a tshi da fhasi, kha—kha ri ambe... kha ri ambe ene lwa minete i si gathi. Ndi a mu vhona a tshi tsa fhasi kha vhengele, huno a ri, “Ndi...” Huno miṭodzi ya thoma u shingidzhela na tshifhaṭuwo tshawe, huno a ri, “Ndi—ndi nga si zwi ite. Arali—arali—arali nda dzhiya hezwi zwithu hafha n̄ha, U ḫo ḫivha he nda wana hone tshelede heyi. U ya zwi ḫivha uri ndoi wana gai, fhedzi ndi tshone tshithu fhedzi tshire nda vha natsho.”

<sup>238</sup> Ndi zwenezwo fhedzi zwine A ḥoda. Ndi zwenezwo fhedzi zwine A ḥoda. Ni a vhona? Ha na ndavha. Ni tou ḫa, “A hu na tshithu zwandani zwanga tshire nda disa.”

<sup>239</sup> Ngauralo a wana tshińwe tshidolo huno a tshi disa. Huno a swika heneffo huno a elekanya, “Oo, arali ndi tshi nga Mu vhona!” Huno zwenezwo a ḥangavhedzela ngomu huno a dzhena u mona na muṇango hūnwe fhethu.

<sup>240</sup> Huno, hai, a vho ngo Mu tanganedza. Ngauralo a dzhiya bogisi ḫa phefumu huno a li kherula huno a li vheya kha yawe... kha milenzhe Yawe, huno a thoma u ḥanzwa milenzhe Yawe. Huno a thoma u lila, “Oo, zwi teya u vha Ene. Ndi Ene we nda dzulela u vhala ngaye kha Bivhili. Ndi a zwi ḫivha U ḫo zwi limuwa.” Huno tshithu tsha u thoma tshin na ḫivha... Madi avhudī hani a milenzhe Yawe, miṭonzi ya thembuluwo i tshi wela kha milenzhe Yawe. O vha a si na ludugu lwa u phumula yone milenzhe Yawe ngayo, ngauralo a hovhelela huno a wana mavhudzi awe. Dzikhele dzavhudī dzo wela fhasi, miṭodzi yo shingidzhela tshifhaṭuwo tshawe nga u ralo. A tanzwa milenzhe Yawe, huno luthihi nga murahu ha tshifhinga o vha a tshi [Mukomana Branham u ita muungo wa khisi—Mudz.] a khisa milenzhe Yawe, a ḥanzwa milenzhe Yawe nga u ralo.

<sup>241</sup> Yesu a na milenzhe ya tshika, huno hu si na muthu a zwi londaho. Huno namusi U hwala dzina ḫivhi sa muvhumbuluwi mukhethwa, tshińwe tshithu kana tshińwe tsha u ralo, huno vhanna a vha na tshivhiti tsha u Mu imela.

Hetshi tshifhambano tsho ḫekedzwaho ndi ḫo  
tshi hwala,  
U swika lufu lu tshi ḫo mbofhola,  
Ndi ḫo dziya ndila na vhanyadziwa vha si gathi  
vha Murena,  
Ndo zwi thoma na. Yesu, O Murena, U  
mphirise. (Mphirise, Murena, zwi si na  
ndavha mutengo.)

<sup>242</sup> Ndi na, u fana na Yakobo, wone musamelo, lone tombo. Naa zwi ita phambano-de? Zwe A nnyitela!

<sup>243</sup> Huno heyi phombwe i ḥungufhadzaho heneffo, i tshi khou lila, tswimila. Huno tshithū tsha u thoma ni a ḫivha, hafha hu ima Simon, ene muthu muhulu we a ita uri A de fhasi, a ri, “Uhm, uhm, uhm, uhm! Hezwo zwi sumbedza uri kana U muporofita kana hai, O vha a tshi ḫo ḫivha lushaka lwa musadzi ane a vha ene.” Uyo mudziyatshimbevhā!

<sup>244</sup> Ngauralo musi o no fhedza... Huno Yesu ha ngo vhuya a tsedzulusa mulenzhe Wawe, O sokou dzula a lavhelesa khae huno a mu sedza. Oo, ndi a funa hezwo. A si zwithu zwihiulu zwine ra ita, ndi zwithu zwiṭuku zwine ra sa zwi ite tshiñwe tshifhinga. O mu lavhelesa, a mu lavhelesa o dula heneffo. A hu na muthu we a vha a na ndavha Naye; mafhedziselonī, ene heneffo a tshi khou lila na u ḥanzwa milenzhe Yawe, a vha na ndavha nazwo, a wana tshenzhemo tsha vhathu. Huno A tou mu lavhelesa, a si vhuye a amba ipfi.

<sup>245</sup> Simoni wa kale o ima murahu heneffo, a ri, “Uhm! Ni vhone arali A muporofita kana hai, a ni ralo? Ndo ni vhudza! Ndo ni vhudza! Arali O vha a muporofita, O vha a tshi ḫo ḫivha we uyo mufumakadzi a vha. Ni a vhona, ro vha ri tshividzo tshihulu hafha, ni a vhona, ri a ḫivha, ngauralo. Ri a zwi ḫivha uri A si muporofita, O vha a tshi ḫo zwi ḫivha.”

<sup>246</sup> Nga murahu ha... Nga murahu ha musi o no fhedza, iyo miṭodzi ya thembuluwo yo shingidzhela na tshifhaṭuwo tshawe, a tshi ḥanzwa milenzhe ya Yesu. Ene...ndi a tenda O pfa o vusuludzeye zwiṭuku.

<sup>247</sup> O Mudzimu, ndo vha ndi tshi nga takalela u vha heneffo! Ndo vha ndi tshi ḫo i ḥanzwa hafhu. Ee, muṇe wanga.

<sup>248</sup> Mutukana, naa musadzi a nga si vhe na vhukondi a tshi khou phumula milenzhe nga mavhudzi awe ḥamusi? O vha a tshi ḫo teya u ima nga ḥohoho yawe u zwi ita, u wana mavhudzi o edanaho u a phumula. Ee, muṇe wanga, u a gera oṭhe.

<sup>249</sup> Fhedzi heneffo, milenzhe ya Yesu, hu si na a na ndavha... (shushaho), o dzula a tshi shoniswa, uyo munukho kha milenzhe Yawe. A Mu ḥanzwa. Nga murahu ha musi O—murahu ha musi O no fhedza, A lavhelesa fhasi khaye hu tshi nga o vha a tshi khou ri, “Zwo luga.”

<sup>250</sup> A lavhelesa u mona, a ri, “Simoni, ndi na tshiñwe tshithu tsha u u vhudza. Wo nthamba Nne hafha, huno a wo ngo vhuya wa ḥanganana na Nne muṇangoni. A wo ngo Mpha na madi maṇwe a u ḥanzwa milenzhe Yanga ngao. A u ngo vhuya wa ḫoisa ḥohoho Yanga musi ndi tshi dzhena, u bvisa he nda swa nga ḫuvha kha Nne. Awo ngo vhuya wa ḥanganedza Nne nga khisi musi ndi tshi dzhena. Fhedzi hoyu musadzi wa mushayi,” (Yawee, nne nne.) “hoyu mutsinda, phombwe tshiṭaraṭani, o vha a si na madi a u ḥanzwa milenzhe Yanga huno a i ḥanzwa nga miṭodzi yawe. O vha a si na tsha u i phumula ngatsho, ngauralo a dzhiya mavhudzi awe, a i phumula. A dzulela u khisa milenzhe Yanga. Zwino ndi

ṭoda ui kha iwe: zwivhi zwawe, zwine zwe vha zwe dala, zwe hangwelwa.” Ndi zwone, ha ngo vhuya a ama tshithu nga zwawe. “Zwivhi zwaṇu, zwine zwe vha zwinzhi, zwe hangwelwa.”

<sup>251</sup> Huno namusi musi Yesu, o ima nga nn̄da ha munango wa dzangano ḥa Pentekostała, dzangano ḥa Baphuthisi, dzangano ḥa Methodisi, a tshi lingedza u vhuya murahu na pentekoste hafhu, huno vhathu vha khou Mu fhira. Nga murahu ha musi inwi... vhushango hanu na zwithu zwe Mu sukumedzela nn̄da ha tshivhidzo, O ima, a tshi khou lingedza, a tshi lilela u ḫzhena murahu ngomu hafhu. Huno, oo, ndi tshithu tshi tungufhadzesaho tshe nda vhuya nda tshi vhona kha vhutshilo hanga. Vha si na ḥodeya Yawē! Ene, nga nn̄da, a tshi khokhonya, a tshi khou lingedza u ḫzhena ngomu. Ndi tshone tshithu tshithihi tshine A khou lingedza u tshi ita. Ndi ngani? Ndi ngani? O vha a nga nn̄da.

<sup>252</sup> A vho ngo vhuya vha Mu posa nn̄da. Vha kha di imba nga Hae, u funza nga Hae, fhedzi a vho ngo Mu ḫuvha kha vhuhone havho. Ndi zwone. Vho vha vha tshi khou bvela phanda. Ndi ngani? Vho vha vha na luvhoneletsini. Vho vha vha tshi khou sedza kha zwifhaṭo zwavho zwihulwane. Vho vha vho pfuma. Vho vha vho sedza kha madzangano mahulu e vha wela khavho, vha tshi lingedza u a fhaṭa, vha tshi wana mirađo minzhi uri i ḫzhene ngomu, huno vha si Mu ḫuvhe. Hai, hai. A vho ngo ḫuvha u amba nga dzindimi. A vho ngo ḫuvha yone mihulu, milaedza ya maanda a Mudzimu Ane a tumula fhasi kha mbilu huno a rubisa mbilu, kwashekanya zwithu zwa shango huno wa ni putela sa tshipida tsha thoro. Oo, Vha...

<sup>253</sup> Arali na funza nga u ralo kha zwivhidzo zwavho, vha do ni pandela. Huno ndi nga ndila ine Muya Mukhethwa wa funza. Yesu o ri, “Vhoinwi murafho wa mavuluvulu! Vhoinwi—vhoinwi dzinowa mahatsini!” Huno Yohane o ralo, naye-vho, na vhanna vhabulu vho doliswaho, vha dzulela u vha bvisa kha vhudzumbamo. Ndi zwone.

<sup>254</sup> Fhedzi a vho ngo Mu ḫuvha, ngauri a vho ngo vha na Hezwo. Ni a vhona? Vho na tshiñwe tshithu tsha luvha tshi tshi vha vhanda nga murahu, huno tsha ri, “Ni tou dzhoina fhedzi, na vheya dzina laṇu hafha, huno—huno ri do ni dzhia kha vhurado hanu. Huno ni wana mambambiri aṇu u bva kha zwiñwe zwivhidzo huno ri do ni ḫanganedza, huno—huno na zwiñwe. Zwino, ni do bvisa vhugai nga ḫwaha?” Ni a vhona, ndi zwenezwo fhedzi, “U pfuma, vha sa ḫodi tshithu.” Oo! Fhedzi ni na ḥodeya ya tshithu tshihulwane huno a ni athu vha Natsho, Yesu o ima nga nn̄da a tshi khou lingedza u ḫzhena ngomu na pentekoste.

<sup>255</sup> Naa ni elekanya uri hu nga iteya mini madekwana a ḫamusi kha tshivhidzo tsha Methodisi arali Muya Mukhethwa wa wela kha tshivhidzo huno vha thoma u tzhemba, u fhufha, u amba

nga dzindimi huno vha tshi ḋifara sa zwidakwa...vhatu vho kambiwaho? Mulandu, yone—yone Khonifarensi yo vha i tshi do bvisa itsho tshivhidzo tsha Methodisi nn̄da ha Khonifarensi. Ni a zwi ḋivha hezwo. Naa ho vha hu tshi ḋo iteya mini kha tshivhidzo tsha Baphuthisi arali zwa iteya? Tshithu tshifanaho. Pentekostała? Mulandu, hu na vhanzhi vhavho, hu ḋo iteya tshithu tshithihi. Zwa vhukuma. Ee, muṇe wanga, vha nga si kondelele hetsho tshipengo. Vho vha vha tshi ḋo ri, “Malandu, vho tshikafhadza na khaphethe yashu ntswa.” Uh-hum, zwa vhukuma. Nne! Nne! Ndi tshigwada tshi ḍungufhadzaho hani tshine vha vha. Ndi zwone.

<sup>256</sup> Zwo ralo, zwo luga, O vhuya a vha navho, O tshimbila navho vhukati ha zwitomambone zwa sumbe zwa musuku. Huno hafha ndi phindulo: dinomineisheni na zwithu zwavho zwa shango, vhabishopho vhavho, vhakhadinala, huno na vhushango havho hoṭhe, ho Mu bvisela nn̄da a vho ngo vhuya vha Mu ḫuvha. Huno na tshivhidzo...

<sup>257</sup> Zwino, naa ri khou ya u ita mini u Mu vhuisa murahu ngomu? Arali A nga nn̄da ha tshivhidzo tsha Pentekostała zwino, naa ri khou ya u ita mini u Mu vhuisa murahu ngomu? Zwi ḋo dzhya khetho dza tshidzumbe dza vhatu u Mu vhuisa murahu? Zwi ḋo dzhia u khetha mupapa muswa, mukhadinala muswa? Kana khamusi zwi ḋo dzhya—zwi ḋo—zwi ḋo dzhya u vuwa ha dinomineisheni ntswa. Hezwo zwi nga si zwi ite! Vha nga si zwi ite. Yone dinomineisheni i nga si zwi ite, yone ntswa—yone—yone—yone—yone—yone ntswa khadinala i nga si zwi ite, mufunzi muswa a nga si zwi ite, a no badelwa zwavhuđi muivangeli a nga si zwi ite. A hu na tshithu kha shango tshiné tsha nga itwa fhedzi inwi muṇe. Naa ri Mu dzenisa hani ngomu? Hu si nga khetho. Hai, muṇe wanga. A ri khetheli Yesu murahu ngomu, ngauri Ha nga dzeni.

<sup>258</sup> Hafha khezwi—hafha khezwi, “Arali muṇwe muthu a pfa Ipfi Langa huno a vula munango.” Zwino, ri a zwi ḋivha uri hu na munango zwenezwo. “Arali muṇwe muthu a tshi ḋo vula, a pfa Ipfi Langa.”

<sup>259</sup> Hu si—hu si “Arali tshińwe tshivhidzo...Arali lińwe dzangano...” Hai, muṇe wanga. Ha shumi navho, vho fa na u tuwa tsha u tou thoma. Ü ya zwi vhenga, O dzulela u zwi vhenga. O ri U ya zwi vhenga! Huno U kha ḋi zwi vhenga na madekwana a ḋamusi!

<sup>260</sup> “Fhedzi arali muṇwe muthu,” muṇwe muthu wa Methodisi, muṇwe muthu wa Baphuthisi, muṇwe muthu wa Phuresibetheriene, kana muṇwe muthu wa Katolika, tshińwe Tshivhidzo tsha Mudzimu tsha muthu, Nazarini tsha muthu, Pentekostała ya muthu. “Nnyi na nnyi ane a ḋo pfa Ipfi Langa huno a vula muṇango, ndi ḋo dzhena ngomu huno nda lalela nae huno ene na Nne.” Ndi wone mulaedza kha tshivhidzo tsha

Pentekoste. Hu si u lingedza u vuseledza dzangano la Pentekoste, fhedzi u vusuludza Phaṭhutshedzo dza Pentekosta la kha mbilu ya muthu. Ndi yone ndila i yothe. “Huno ndi do lalela nae, huno ene na Nne.”

<sup>261</sup> Naa muđinda kha tshivhidzo... mulaedza kha tshivhidzo uri funza mini zwenezwo, u funza—funza riñe? Hu si u aluwa kha Muya. Hai, mune wanga. U wa kha Muya, ro dzulela u wa tshifhinga tshothe. Ône maitele... Vhone—vhone vhadinda kha tshivhidzo na mulaedza kha tshikhathi tshiñwe na tshiñwe tsha tshivhidzo o sola dinomineisheni. Mulaedza muñwe na muñwe kha tshivhidzo, tshone tshivhidzo tsho dzulela u vha kha u wa nahone tshi tshi nga si U thetshese. Wone—wone mulaedza kha tshivhidzo wo vha u wa u sola dzidinomineisheni. Huno dzo ota Vhakriste vho endiwaho, vha sokou vhidzwa, ndi zwone, vha sa divhi tshithu nga ha Mudzimu kana wone Muya Mukhethwa. Ndi zwa ngoho vhunga ndo ima kha heyi pułatifomo madekwana a ñamusi. Vhone vha mirađo i dudelaho, u tou pfelwa fhedzi kha mulomo Wawe.

<sup>262</sup> Paulo o tsivhudza, vhone Vhannda vho vha vha tavhi. Zwino, ndi khou ṭoda vhañwe vha vhoiñwi, arali ni tshi nga ralo, u vula kha Vharoma, ndima ya vhu11, yone ndimana ya vhu15 u swika ya vhu27, uri ni tou i swaya phasi, vhoiñwi nothe. Huno zwenezwo, u vha ro no lenga, ndi do ni redzela yone zwino phanda ha musi ri tshi ṭuwa, ngauri ndi... Zwino, Vharoma, arali ni tshi ṭoda u i vheya phasi, 11:15 u swika fumi... kha 27. Paulo o vha vhudza, vha vhudza, a tshi amba na Vhannda henehfo, vhone Vharoma, a ri, “Arali Mudzimu...” Zwino, thetshesani samusi ri tshi khou vala kha zwikhathi zwa tshivhidzo! Paulo a ri, “Arali... Mudzimu a so ngo litsha muṭwari wa hayani, fhedzi a u tumula nga u sa tenda.”

<sup>263</sup> Naa izwo ndi zwone? Ndi mini zwo itaho uri vha tumulwe? Ngauri vho landula pentekoste. Naa izwo ndi zwone? Nga Duvha la Pentekoste vho tamba na u sema wone Muya Mukhethwa.

<sup>264</sup> Musi Yesu o vha a fhano kha lifhasi, O ri, ... Vho vhidza—vho Mu vhidza, “Belesebulu,” vha ri, “O vha a diabolo,” huno “Ndi mudziamungome,” tshiñwe na tshiñwe.

<sup>265</sup> A ri, “Ndi a ni hangwela nga hezwo, fhedzi musi Muya Mukhethwa u tshi da ni songo U sema; ngauri na U sema, a ni nga do vhuya na zwi hangwelwa.”

<sup>266</sup> Huno elelwani musi Yesu a tshi ruma vhafunziwa Vhawé, “Uri vha songo ya kha Vhannda.” Naa izwo ndi zwone? “Fhedzi lambani ni ye kha nngu dzo xeļaho dza Isiraele.”

<sup>267</sup> Naa vho dihaṭulisa hani vhone vhañe? Nga u sema Muya Mukhethwa, vha tshi vhidza Muya wa Mudzimu “tshithu tshi songo kunaho.” Vha tamba Ngae musi vho vha vha tshi khou tshina Muyani, na zwiñwe zwinzhi, nga Duvha la Pentekoste. Iyo dorobo nthihi, vha I nyefula, Titasi a vha vhulaya henehfo

huno malofha avho a shuluwa nga ndila ya khoro. Vha la vhana vhavho, na tshiñwe na tshiñwe, nga tshenetsho tshifhinga. Huno hezwo ndi zwone. Luñwe lwa lushaka luhulwane kha shango lwa vha lwa fhasisa, huno vha balangana kha lin-... mimuya miña ya lifhasi. Ngauri mulandu? U sa tenda! Huno ho vha hu tshiguthe tsha vhubvo, wone muri wa vhubvo, Isiraele.

<sup>268</sup> Huno naa Paulo ha ralo heneffho? Ndi nnyi a na Luñwalo heneffho? Ni nalwo, Pat? Imani ni vhale u bva kha ndimana ya vhu15 u swika kha ya vhu 27.

[Mukomana Pat u ya vhala: *Ngauri arali u tumulwa havho ho vha u pfumetzanywa ha shango, naa u tanganedzwa havho—havho hu do vha mini, fhedzi vhutshilo u bva lufuni?*—Mudz.]

[*Ngauri arali mutshelo wa u thoma u tshi vha mukhethwa, na tshiguthe ndi tshikhethwa: huno arali mudzi u mukhethwa, na matavhi o ralo.*]

[*Huno arali manwe a haya matavhi a tshi remiwa, huno iwe, u tshi vha muñtwari wa daka, wo tou endelwaho khawo, huno vhone vha na mukovhe kha midzi na u nona ha muri wa muñtwari;*]

[*U songo dihudza iwe muñe nga matavhi. Fhedzi arali iwe wa dihudza, iwe a wongo tuma mudzi, fhedzi mudzi wo ralo iwe.*]

[*Iwe u do ralo zwenezwo, One matavhi o remiwa, uri ndi dzheniswe ngomu.*]

[*Zwo ralo; nga nthani ha u sa tenda vho remiwa, . . .*—Mudz.]

Thetshelesani, “U sa tenda!” Zwo luga, bvelani phanda.

[. . . *huno iwe u ima nga lutendo. U songo dihudza, fhedzi ofha:*—Mudz.]

[*Ngauri arali Mudzimu a songo litsha matavhi a mupo, dzhiela nzhele a sa do rema na iwe.*]

[*Vhonani-ha vhudi na uluga ha Mudzimu: kha avho vho waho, u luga; fhedzi kha iwe, vhulenda, arali iwe wa isa phanda kha u luga hawe: zwa sa ralo iwe u do tumuliwa.*]

[*Huno navho-vho, arali vha sa dzula kha u sa tenda, vha do dzheniswa ngomu: ngauri Mudzimu u ya kona u vha dzhenisa hafhu.*]

[*Ngauri arali iwe wo tumulwa kha muñtwari une wa vha wa daka nga mvelo, huno wa dzheniswa u tshifhambana na mvelo ya muñtwari wa hayani: zwingafhani avha vha tshi ralo, vhane vha vha matavhi a vhubvo, vha tshi vhuyedzedzwa kha muñtwari wavho?*] Hmm.

[*Ngauri ndi nga si ralo, vhahashu, uri ni si vhe vha sa divhi itshi tshipihiri, uri ni sa do ṭalifha kha u di fhura hanu; uri u poṭula nga tshipida ho iteya kha Isiraele, u swika u khunyelela ha Vhannda hu tshi dzhena.*]

[*Huno na Isiraele yothe i do tshidzwa: vhunga zwo nwaliva, Hu do bva Zioni ene Muphulusi, huno u do bvisa u sa lugā kha Yakobo:*]

[*Ngauri hoyu ndi mulanga wanga khavho, musi ndi tshi do ḥusa zwivhi zwavho.*]

<sup>269</sup> Naa ni a Zwi wana? Paulo o ri, “Arali Isiraele yo da ya vhona zwiga hafha zwa Muya Mukhethwa, huno a tumulwa . . .” Elelwani, ngauri vho landula mulaedza wa Paulo (ndovhedzo nga Dzina la Yesu, thembuluwo na ndovhedzo nga Dzina la Yesu, zwiga na zwimangadzo zwi tshi tevhela mutendi), huno vha Zwi landula. Huno vha ri:

. . . lo, ri ya kha Vhannda.

<sup>270</sup> Naa izwo ndi zwone? Kha ri vhone, ndi a tenda ho vha hu kha . . . musi vha tshi thoma u vhidziwa Vhakriste, ho vha hu Efesa, Zwo luga, Antioch.

<sup>271</sup> Zwino—zwino, arali—arali muri wa u thoma wo vha u mukhethwa, na matavhi awo ndi makhethwa, muri wa vhubvo, ngauri a vha tendi wone Mukaedza wa Pentekostala we Paulo o vha a tshi khou funza (Naa izwo ndi zwone?), Mudzimu o vha tumula huno a dzhiya muri wa daka (une wa vha Vhannda, kha rine) huno ha endelwa riñe uri ri kone u tshila nga kha tavh— . . . tsinde la uyo muri.

<sup>272</sup> Zwino, zwi ngafhani nga lino ḫuvha musi ri tshi khou landula Mulaedza wa Pentekostala we wa da phasi nga kha zwikhathi zwa tshivhidzo, zwi ngafhani Mudzimu a tshi nga kona u bvisa ilo tavhi la kale la muri wa daka, zwo ralo, huno a ri helia linwe li dzhene? Ngauri o Li landula, nga nthani ha u sa tenda. Zwino ḫumani hezwo na mulaedza matshelonano. Ni a divha he ra ima hone zwino, a ni ralo? Ri kha magumo a tshifhinga u dzhiwa ha Tshivhidzo tsha Vhannda, hone U Takulelwa Taḍulu hatsho; huno na u dhzena ha Muya Mukhethwa u da kha Vhayuda, na Yesu a tshi di Divhisa, u pfunela vha mađana a zwigidi zwa fuiña-in. Khezwo-ha. U vhuyisa murahu muru wa hayani (murahu kha Phaṭhutshedzo) kha Isiraele hafhu.

<sup>273</sup> Yesu ha khou ya u ima nga nn̄da ha munango a khokhonya tshifhinga tshoṭhe. Hu na tshifhinga musi A tshi do ri zwo lingana huno a ḫuwa, zwenezwo inwi ni do khokhonya fhedzi ni nga si vhuye na Mu wana. Idani zwino hu tshi kha divha na tshifhinga. Idani zwino hu tshikha di vha na u khokhonya. Ni songo vhuya na leludza kha tshiñwe tshithu tshi re phasi ha ndovhedzo ya wone Muya Mukhethwa u fana na vhe vha wana nga Pentekoste, nga lushaka luthihi lwa ndovhedzo ya madini,

zwithu zwithihi zwe vha ita murahu afho. Ni songo vhuya na tendela tshiñwe tshithu tshi tshi vheya tshiñwe tshithu nga nn̄da ha hetsho.

<sup>274</sup> Zwino, kha vhoiñwi khonani dla Katolika, irani ndi ni vhudze tshiñwe tshithu, ni tenda kha Mari tshipofu. Maria tshipofu, a tshi vha mme a Yesu Kristo, o ñ do teya u ya n̄tha kha Pentekoste huno a dadzwa nga Muya Mukhethwa, huno a difara sa tshidakwa. O vha a kha havho vha maðana na fumi, vhe vha vha vha na ndovhedzo ya Muya Mukhethwa, vha tshi amba nga dzindimi huno vha tshi difara sa zwidakwa zwa vhasadzi heneñho, phasi ha Muya wa Mudzimu. Huno hoyu Maria tshipofu o ñ do teya u ita hezwo uri a dzhene Vhugalani, naa ni khou ya u dzhnena hani Khazwo, tshiñwe tshithu nga nn̄da ha hetsho? Humbulani nga hazwo. Ndi zwone.

<sup>275</sup> Ndovhedzo... Uyo mureri wa Muphaphuthisi murahu hafha u ñoda u vha na vhuñanzi uri zwe ambiwa kha vha Baphuthisi navho. Ndi zwa muñwe na muñwe, zwi si na ndavha uri ndi nyi.

<sup>276</sup> Ngauralo u tou dzhoina tshivhidzo na amba mulayo, na u ya tshivhidzoni Swondaha iñwe na iñwe nga matsheloni, a zwi nga ni fari zwavhudi. Ni khou tou tambo fhedzi nga Mudzimu. Ni nga lamba na vha Mukriste wa vhukuma kana ni songo vha tshiñwe tshithu na khathihi. Ivhani a rotholaho kana a fhisaho. Ni nga lamba na vha nn̄da... Ngauri ni nga si vhe... A ni ngo vhuya na vhona tshiñoni tshitswu tshitshena, a ni athu vhuya na vhona tshidakwa tsho dzivhuluwaho, a ni athu vhona muitazwivhi-mukhethwa. Hai, a ni ralo, a vha vha iti. Ni nga lamba na vha no dadzwa nga Muya Mukhethwa huno Mudzimu a tshi khou tshila kha inwi, kana a ni ngo ralo na khathihi. Inwi—inwi no ralo kana a ni ngo ralo.

<sup>277</sup> Ngauralo-ha ni fanelu u—u elelwu uri Yesu o ima munagoni, huno ni elelwu pfulufhedziso ya Mudzimu hafha ine A ñ do ita nga haya maduvha. Nga mulandu wa mini? U landula. Ndi mini zwe vhangaho Isiraele uri a tumulwe, muri wa vhubvo? Ngauri vho landula Mulaedza wa Paulo wa Pentekostala. Huno naa ni a tenda uri itshi ndi tshikhathi tsha u fhedza tsha tshivhidzo? Yone Bivhili yo amba nga u ralo! Naa i ri hu khou ya u iteya mini khavho? Vha khou ya u tumulwa nga u landula wone Muaedza wa Pentekostala, huno zwenezwo Mudzimu u ñ do vhuyelela hafhu kha Vhayuda.

<sup>278</sup> Huno Isiraele yothe zwenezwo i ñ do tshidzwa, ngauri U ñ do vha dzhiya sa lushaka, hu si sa muthu. Fhedzi kha inwi na nñne ndi muthu a eþhe, ngauri U ñ da kha Vhayuda... Mishumo, kha Bugu ya Mishumo, U ñ da kha Vhannda u dzhiya “vhatu kha Vhannda u itela Dzina Lawe,” Muselwa Wawe. “Vhone vhatu,” muñwe hafha, muñwe hafhala, muñwe nga hafhala, huno U shuma na riñe nga muthu a eþhe, huno hu si na ndavha lukanda, mulayo, kana muvhala. U shuma na riñe nga muthu a eþhe, ndi

ngade Yawe ine A vheya kha alitare Yawe. Fhedzi sa Vhayuda, U dzulela u shuma na Isiraele sa lushaka, ndi lushaka lwa vhathu, lushaka Lwawe.

<sup>279</sup> Ndo takala nga maanda madekwana a namusi ri na hoyu Mulaedza. Huno ndo takala nga maanda ūri no ða, huno u da hanu hu a livhuwiwa zwinzhi nga nne. Ndi a livhuwa kha Mudzimu Ramaanda-oþe nga Khae nga u tendela nda vhona zwe nda vhona, huno na u kona u bveledza kha hetshi tshivhidzo, huno zwino Zwo bva mbiluni yanga. Nga tshiñwe tshifhinga wone Muya Mukhethwa wo shuma na mbilu yanga, ndo vha ndi nga si U bvise, ndo ðo teya u tou tshimbila Nawo.

Hezwi zwithu zwivhili zwe nda pfa ndo rangwa phanda uri ndi zwi ite.

<sup>280</sup> Iyai Shreveport, Louisiana, u vha na muþangano na Mukomana Moore. Huno mufumakadzi wanga o dzula heneffo a nga ni vhudza. Lwa dzivhege ndo þodou u lila, “Ndi khou þoda u ya Shreveport. *Ndi ngani?*” Huno munwe na munwe wea vha a heneffo Shreveport ni a ðivha uri *ndi ngani* zwino. A vha athu vhuya vha vhona kana u pfa tshinwe tshithu tshi ngaho tshone. Vhareri vha tshi bva huriwe na huriwe, Baphuthisi na tshaka dzoþe. Munwe muthu a ri o thoma, u vheya tshanda tshawe kha bogisi la maisi, huno Muya Mukhethwa wa da khae wa ri, “Iya Shreveport, Louisiana, u ðo vhudzwa heneffo zwine wa fanela u ita.” Wa mu vhudza dzina langa na hune a ðo... A ri, “U ðo ni vhudza zwine a fanela u ita.”

<sup>281</sup> Nda ri, “Tivha lo vuleya fhasi ha zwiþepisi. Ni khou þoda ndovhedzo ya Muya Mukhethwa.” Huno hafha... .

<sup>282</sup> Ngauralo zwithu zwa u ralo, vhathu vha tshi khou amba, na-na vhaporofita na zwithu zwa u bvumba zwithu zwine zwe ðo iteya heneffha vhukati hashu.

<sup>283</sup> Zwenezwo nda ri, “Ndi teya u ya Jeffersonville huno nda ñwala heyi bugu, ngauri a thi ðivhi uri lwa tshifhinga tshingafhani tshire nda teya u vha hafha. Fhedzi arali nda bvisela khagala Hezwi huno Zwa ya kha u ñwaliwa, nga murahu ha musi ndo no  uwa Maipfi a ðo tshila.” Ndi na ðivhazwakale yo ñwaliwa fhasi ine ya ðo ya kha bugu. Huno ndi ða hafha u i disa phanda ha tshivhidzo u wanulusa  uthuwedzo ya Muya Mukhethwa, ngauri a thi ðivhi hezwi zwithu nne muñe. Ndi zwone. Izwo ndi nga Dzina la Murena, ndi zwone, “A thi zwi ðivhi.”

<sup>284</sup> Zwino ndi pfa ndo vhofholowa, ndi pfa uri Mudzimu o ri disela Mulaedza. Ndi a tenda uri ri magumoni a ñdila, Ndi a tenda uri awara i fhano u itela u vhonadzwa ha Mudzimu uri a ðivheye vhukati hashu. Huno a thi ðivhi uri zwi ðo dzhiya tshifhinga tshingafhani, fhedzi awara i ðo vha tsini tshandani.

<sup>285</sup> Ri ðo vha ro lavhelesa uyo muhulwane uri a vuwe. A nga ði ða nga ðuvha langa, a nga ði ða nga ðuvha la vhomuþuku, a thi

divhi. A nga ɖivha a vhukati hashu zwino, ri nga si zwi ambe. Wone Muya Mukhethwa u fhano u ranga phanda riñe u swika tshino tshifhinga, zwenezwo musi hoyu murangaphanda a tshi do ri dzhiya u ðo vha a tshe o doliswa nga Muya Mukhethwa; ene—ene Eliya u ðo ralo, a hu na zwiñwe, ane a ðo ða. Fhedzi u ðo vha murangaphanda ane a ðo rembulusa mbilu dza vhana, kana, mbilu dza vhana murahu kha Mulaedza wa Vhokhotsi, murahu kha Mulaedza wa Khotsi ashu wa Taðulu nga Duvha la Pentekoste musi A tshi shulula Muya Wawe.

<sup>286</sup> Zwine uyo mutalo muñuku, ndo u ðisa tsini tshoþhe nga hune ndi ngakona nga ɖivhazwakale na Bivhili, huno nda sumbedza uri tshithu tsho ða fhasi nga kha zwikhathi zwa tshivhidzo, huno ndi zwenezwo namusi, sumbedza uri dinomineisheni ndi samba phanda ha Mudzimu. Ndi a kholwa hezwo zwo dzudzanya kha muumbulo wanu, nga Bivhili, nga mishumo ya vhaapostola, nga ɖivhazwakale na zwoþhe. Izwo . . .

<sup>287</sup> Huno a hu athu vha na tshiñwe tshifhinga tshine Mudzimu a vhuya a dzudzanya Tshivhidzo Tshawe. Vhone mme ha zwivhidzo zwo dzudzanyiwaho ndi wone mutevhe wa Roma Katolika. Tshone Tshivhidzo tsha Roma Katolika, ndi mme a madzangano. Huno nga u ɻavhanya musi mvuseledzo i tshi phuletshedza kha tshiñwe tsha zwigwada zwa Vhagwalabi, vha humela murahu huno vha ita tshithu tshithihi. Huno yone Bivhili i ri, “O vha a phombwe. Huno ene, o vha a na vhana vhe vha vha vha zwivhidzo zwi bvaho khae.” Vho ðo teya u vha vhasadzi, u vha dziphombwe. Khoyo henefho. Ngauralo ri khou dzudza . . .

<sup>288</sup> Fhedzi O dovha a amba hezwi, “Ni songo ofha, sambi liñuku, ndi lufuno lwa Khotsi anu u ni fha Muvhuso.” Ngauralo ngavhe roþhe, nga ilo ðuvha, vhoñwi Methodisi, Baphuthisi, tshiñwe na tshiñwe tshine na vha tshone, “Nnyi na nnyi ane a ðo vula munango, ndi ðo ða nda la naye.”

<sup>289</sup> Ngavhe ri tshi vhaliwa, vhahashu, khaladzi dzanga, ngavhe ri tshi vhaliwa na ilo sambi liñuku nga ilo ðuvha. Ngavhe ri tshi vha tshipida tsha ilo sambi liñuku line la ðo vha lo lindela musi A tshi ða, vhunga A tshi ða u li topola u mona na shango. Nga—nga uri U Takulelwa Taðulu hu ðo vha ha shango loþhe. “Hu ðo vha na vhavhili mbeteni, ndi ðo dzhiya muthihi; vhavhili tsimuni, huno ndi ðo dzhiya muthihi.” Zwi sumedza uri hu ðo vha madekwana kha liñwe sia la liñfhasi na masiari kha liñwe sia, ni a vhona. Ngauralo, ndi, “Vhavhili vha ðo vha kha mbete, vhavhili tsimuni,” ni a vhona, “Ndi ðo dzhiya muthihi wavho.”

<sup>290</sup> Huno vhunga ndo amba matsheloni ano, ni ðo vha ni tshi khou reila u tsa na bada liñwe ðuvha, ni tshi khou amba na mme, huno ni ðo lavhelesa u mona, vha ðo vha vho ɻuwa. Ni ðo vha no dzula kha tafula, ni tshi khou ñwa yanu—yanu kofi kana u la vhuragane hanu, kana—kana tshiñwe tshithu, huno tshithu tsha u thoma ni a ɖivha, ni lavhelesa u mona huno khotsi a vha

tsheeho. Ndi zwone kokotolo. Zwi khou da, huno a ri diwvi uri nga tshifhinga-de. Fhedzi tshithu tshazwo ndi, musi two no fhela zwenezwo two fhela, zwenezwo a hu tshena tshine na nga ita nga hazwo. Inwi ni ri, "Ndo no pfa hezwo tshifhinga tshinzhi." Fhedzi ni khou ya u zwi pfa lwa u fhedza. Ndi zwone. Zwi khou ya u itea ngauri Ndi Ipfi la Murena. Huno elelwani, naa Two no vhuya zwa kundelwa nga tshiñwe tshifhinga nga kha haya masiku a malo e nda vha ndi tshi khou funza? Fhedzi zwe—zwe Yesu a amba hafha, two da zwa khunyelela, huno zwa ralo kha tshikhathi tshiñwe na tshiñwe kokotolo.

<sup>291</sup> Huno ri vhona hetshi tshikhathi tsha tshivhidzo ngomu khatsho, huno nga yeneyo awara. Na matsheloni ano, kha u fanyisa zwipofu, tshone tshifhinga tshithihi tshine tshipofu tsho edelaho... Zwino, ni a eelwa, yone Bivhili yo amba uri tshipofu tsho edelaho... musi mukosi u tshi ḥavhiwa, "Vhonani, ene Muhwe u khou da," hone u vhuya ha Murena, u funza ha Ipfi. Huno zwenezwo hu bvelela mini? "Tshifhinga tshi tshandani, bomo dza athomiki na tshiñwe na tshiñwe tsho luga," vhone vhafunzi vha tshi khou gidima na zwiṭaraṭa huno vha thoma u tzhema wone Mulaedza.

<sup>292</sup> Huno nga u ḥavhanya musi vha tshi ralo, tshone tshivhidzo tshihulwane zwenezwo, tshipofu tsho edelaho, tsha ri, "Aa, two ralo, ro vha Vhaphuresibetheriene lwa tshifhinga tshilapfu, khamusi ri do vhala ra wanulusa. Ee, ni a diwvi, ndi a tenda uri ri a ḥoda Muya Mukhethwa." Huno vha khou ḥwala dziphafulethe na tshiñwe na tshiñwe nga Hazwo, vha tshi thoma nn̄da. Huno vha ri, "Naa ni nga ri fha zwiñwe Zwao?"

Huno vha ri, "Hai, ri tou vha na o edanaho riñe vhañe."

<sup>293</sup> Ngauralo musi vha tshi ya u wana Muya Mukhethwa, ra ya u rabela, u fana na zwivhidzo, zwone zwivhidzo zwihiulu zwa khou ita ḥamusi, one madzangano. Musi a tshi ya u wana Mapfura, ene Muhwe a da. Ngauralo vha khou lingedza u U wana zwa zwino, zwivhidzo zwihiulwane, madzangano, miṭangano mihiulwane ya dzitshaka nga Hazwo kha zwone—zwone zwivhidzo two dzudzanyiwaho, vha tshi ri, "Ri teya u humela murahu kha Phathutshedzo dza Pentekostala. Ri teya u vha na vhafhodzi vhakhethwa kha tshivhidzo. Ri teya u vha na vha ambaho nga dzindimi. Ri teya u vha na vhaṭalutshedzi vha dzindimi. Ri teya u vha na hezwi zwifhiwa zwa tshimuya zwivhidzoni zwashu, huno ri khou tou teya u thoma miṭangano na u zwi ita." Vha khou wana dzikhorø, vha thoma u zwi ita. Musi vho ḥuwa u ita hezwo, ndi nga tshenetsho tshifhinga hune Muhwe a ḥoda huno a wana havho vhane vha vha na Mapfura kha mbone dzavho, huno vha ḥuwa.

<sup>294</sup> Zwenezwo vha da, huno ho bvelela mini? Vho kudzwa kha swiswi la nn̄da nn̄da (tshone tshifhinga tsha Maṭhupho Mahulu)

hune ha do vha na u lila na u tswimila na u shenganya maño, musi Muselwa a Tađulu. Yawee, nne nne!

<sup>295</sup> Zwenezwo magumoni a iyo miňwaha ya miraru na hafu, U do da sa Yosefa o ralo huno a di Divhadza kha Vhahawe. Zwi do vhanga u lila hođhe, huno vha do ri... Vha do fhandekanya miňa yavho, huno vha lila na-na u ri, "Naa Wo wna gai ayo mavhadzi?" Huno-huno na u rungwa...vhone vhe vha Mu runga vha do Mu vhona, huno U do di Divhadza kha vhahawe Ene.

<sup>296</sup> Zwino U khou lingedza U diđivhisa kha Tshivhidzo Tshawe, huno vha Mu bvisela nnđa. Huno u tshe O ima, a tshi khokhonya, a tshi ri, "Hu kha di vha na muthihi afho? Muňwe ane a do vula huno A ntendela nda dzhena nda amba na naye?"

<sup>297</sup> Oo, ndo takala, ndi a livhuwaho nga maanda nga ha... miňwaha minzhi yo fhiraho, lwa miňwaha ya fumbili yo fhiraho, ndo pfa uho u khokhonya mbiluni yanga. Huno nda... A dzhena ngomu, ndo vha wa u lalela Nae huno Ene na nne u bva zwenezwo. Huno ndo ḥanganedza Phađutshedzo ya Pentekoste, nda ḥanganedza wone Muya Mukhethwa.

<sup>298</sup> O vha o lovhedzwa nga Dzina la Yesu Kristo u itela u hagwelwa zwivhi, tshifhinga fhedzi tshe nda vhuya nda lovhedzwa kha vhutshilo hanga, luthihi. Musi ndi tshi kha di tou vha mutukana muđuku, ho vha hu si na we a vha a tshi nga mmbudza nga ha Midzimu miraru. Hai, no vha ni nga si džhenise hezwo kha mutsinga wanga. Ni nga si zwi fhe muňwe muthu ane a đivha...đivha zwine Mudzimu a vha. Ndi zwone. Ngauralo musi ndi tshi lovhedzwa...ene mufunzi wa Baphuthisi o ndovhedza. Nda ri, "Ndi khou ḥoda u lovhedziwa nga Dzina la Murena Yesu Kristo." Dok. Roy E. Davis o ndovhedza nga Dzina la Murena Yesu Krsito musi ndi tshi kha đivha mutukana. Ni a vhona? Ndi zwone. Ngauralo ndi—ndi a zwi tenda, ndo dzula nazwo, huno ndi a zwi đivha uri ndi Ngoho. Ndi Ipfi la Mudzimu la U Ya Nga Hu Sa Fheli. Ndi zwone. Ndi zwone.

Ndo takala nga maanda uri ndi nga ri ndi muňwe wavho.

Ndi muňwe wavho, muňwe wavho,  
Ndo takala nga maanda uri ndi nga ri ndi muňwe wavho;  
Ndi muňwe wavho, muňwe wavho,  
Ndo takala nga maanda uri ndi nga ri ndi muňwe wavho.

Naho avha vhathu vha sa gudi u vha,  
Kana u đikukumusa nga bvumo la shango,

Vhoṭhe vho ṭanganedza Pentekoste yavho,  
 Vho lovhedzwa Dzinani ḥa Yesu;  
 Nahone vha khou amba zwino, kule na tsini,  
 Maanda Awe a kha ḫi vha a fanaho,  
 Ndo takala nga maanda uri ndi nga ri ndi  
 muñwe . . .

<sup>299</sup> Naa no takala? Arali no ralo, imisani zwanda zwanu.

Muñwe wavho, muñwe wavho,  
 Ndo takala nga maanda uri ndi nga ri ndi  
 muñwe wavho;

(Musi no no vha Wawe ni ḫo vha ga n̄ha ha tshivhi tshoṭhe,  
 nga Dzina ḥa Yesu Kristo.)

Idani, mukomana wanga, ḫodani heyi  
 phaṭhutshedzo  
 Dzine dza ḫo tanzwa mbilu yanu kha tshivhi,  
 Dzine dza ḫo thoma u lila ha ḫilogo dza dakalo  
 Nahone dzi ḫo dzudza maya wanu u tshi duga;  
 Oo, i khou fhisa zwino fhasi mbiluni yanga,  
 Oo, vhugala kha dzina Ḥawē,  
 Huno ndo takala nga uri ndi nga ri ndi muñwe  
 wavho.

Oo, muñwe wavho, muñwe wavho,  
 Ndo takala nga maanda ngaauri ndi ya kona  
 uri ndi muñwe wavho, Haleluya;  
 Muñwe wavho, muñwe wavho,  
 Ndo takala nga maanda uri ndi nga ri ndi  
 muñwe wavho.

Vho vha vho kuvhangana lufherani lwa ntha,  
 Vhoṭhe vha tshi khou rabela nga dzina Ḥawē,  
 Vho lovhedzwa nga Muya Mukhethwa,  
 Huno maanda a tshumelo a da;  
 Zwino zwe ḫa vha itela nga ilo duvha  
 U ḫo ni itela zwone lu fanaho,  
 Ndo takala nga maanda ndi nga ri . . .

<sup>300</sup> Zwino kha ri khaḍane, phanda, murahu, na u mona.

Muñwe wavho, muñwe wavho,  
 Ndo takala nga maanda uri ndi nga ri ndi  
 muñwe wavho;  
 Muñwe wavho, muñwe wavho,  
 Ndo takala nga maanda uri ndi nga ri ndi  
 muñwe wavho.

Oo, muñwe wavho, muñwe wavho,  
 Ndo takala nga maanda uri ndi nga ri ndi  
 muñwe wavho;

Muńwe wavho, muńwe wavho,  
 Ndo takala nga maanda uri ndi nga ri ndi  
 muńwe wavho.

Muńwe wavho, muńwe wavho,  
 Ndo takala nga maanda uri ndi nga ri ndi  
 muńwe wavho;

Muńwe wavho, muńwe wavho,  
 Ndo takala nga maanda uri ndi nga ri ndi  
 muńwe wavho.

Naa a ni ngo takala ni muńwe wavho? [Tshivhidzo tshi a fhindula, “Ee! Amen! Hałeluya!”—Mudz.] Ndi a funa hezwo. Tshigwada tsha phosho.

<sup>301</sup> Shh! Shh! [Mukomana u amba nga dzińwe ndimi. Mukomana a neya ḥhalutshedzo—Mudz.] Ri U livhuwa hani, Khotsi, nga nthani ha vhudi Hau na khathutshelo kha rine, vhatu vha songo fanelwaho. U humbula uri Iwe u ḥo khathisedza Mulaedza Wau zwino, Murena, wa fulufhedzisa vhatu. Ndi a rabela, Mudzimu, uri khathutshelo Yau i dzule khavho.

<sup>302</sup> Arali hu na muniwe hafha a sa Mu divhi sa Mutshidzi, ni tshi nga ḥoda u Mu wana ngomu mbiluni džanu zwino sa Mutshidzi, naa ni nga ima nga milenzhe yanu musi ri tshi ni itela thabelo? O ri U ḥo...o ita hoyu Mulaedza heneffo huno O vha a tshi khou ḥoda ukhwaḥisedza Ipfi Ławe kha inwi. Arali hu na vhańwe hafha vhane vha sa Mu ḥivhe huno vha sa athu ḥanganedza Muya Wawe, U khou amba na inwi.

<sup>303</sup> Zwo luga, uyo ngei murahu. Naa ni nga tou ima nga milenzhe yanu, mukomana? [Mukomana kha tshivhidzo u ya amba—Mudz.] U khou ḥoda u lovhedzwa nga Muya Mukhethwa ndi zwone, mukomana? Mudzimu a ni fhaṭutshedze. Imani hune na vha hone. Naa hu na muńwe ane a nga ḥoda u ima huno a ri, “Ndi nga takalela u lovhedzwa nga Muya Mukhethwa”? Mudzimu a ni fhaṭutshedze, mukomana. Mudzimu a ni fhaṭutshedze. Ndi zwavhudzi. Itanu ima nga milenzhe yanu. Itanu dzula no ima. Naa hu nga vha na muńwe ane a nga takalela u ḥanganedza wone Muya Mukhethwa huno a lovhedzwa, vhane vha nga takalela u elelwa kha thabelo dzashu zwa zwino, u lovhedzwa kha Muya Mukhethwa? Naa hu na muńwe, phanda ha musi ndi tshi amba zwine nda khou ḥoda u ralo, ane a nga takalela u ima huno a katelwa?

Oo, naa ni do vhalwa sa muńwe wa sambi  
 Ławé? (Naa ni do zwita?)

Ivhani a si na tshilavhi nga ngomu, lavhelesani  
 na u lindela uho u vhona ho raloho;  
 U khou vhuya hafhu.

<sup>304</sup> U khou vhuya hafhu. Naa ni nga takalela u vha swina Ławé kana ni khou ḥoda u vha ḥwana Wawe? Ene Mudzimu o kwataho

nga ayo matsheloni, hu si na tshithu nga nn̄da ha Malofha a Yesu ane A do a limuwa. Ha ngo do vhuya... Vhurado hanu ha tshivhidzo a vhu nga ambi tshithu Khae. A hu na tshithu nga nn̄da ha Malofha!

Oo, wavhuđi ndi muelelo  
U no ntshenisa sa mahāda;

nga ongolowa.

A hu na tshiñwe tshisima tshine nda ñivha,  
A hu na nga nn̄da ha Malofha a Yesu.

Ndi mini tshine tshi nga tanzwa tshivhi  
tshanga?

A hu na nga nn̄da ha Malofha a Yesu;  
Ndi mini tshiné tshi nga nnyita o takalaho  
hafhu?

A hu na nga nn̄da ha Malofha a Yesu.

Oo, wavhuđi ndi muelelo  
U no ntshenisa sa mahāda;  
A hu na tshiñwe tshisimá tshine nda ñivha,  
A hu na nga nn̄da ha Malofha a Yesu.

[Mukomana Branham u ñuñuna  
luimbo—Mudz.]

A hu na nga nn̄da ha Malofha a Yesu;  
Hovhu ndi u lugá hanga hođhe,  
A hu na nga nn̄da ha Malofha a Yesu.

Naa hu na muñwe?

Oo wavhuđi ndi... (A hu na tshine tshi nga  
ima, mukomana, khaladzi. Shango li khou  
ngwandamela, lo ya!)  
. . .sa zwino;  
A hu na tshiñwe tshisima tshine nda ñivha,  
A hu na nga nn̄da ha Malofha a Yesu.

<sup>305</sup> Nga u ongolowa, Teddy, arali ni tshi do ralo, “Hu Na Tshisima Tsho Dalaho Nga Malofha, u bviswa kha tsinga dza Emanuwele.”

<sup>306</sup> Zwino, khonani, vhoiñwi vhane no ima nga milenzhe ya vhoiñwi ni tshi—ni tshi lingedza u tanganedza u dzika ha Murena Yesu. Yone Bivhili nthihi ine ya ri vhudza hezwi zwithu uri zwi do iteya, yo zwi bveledza kokotolo nga ndila ye A fulufhedzisa. “Zwino, yone pfulufhedziso” o ralo Petro “ndi ya vhoiñwi na kha vhana vha vhoiñwi na kha avho vha re kule, na vhanzhi vhane Murena Mudzimu washu a do vha vhidza.”

<sup>307</sup> No ima ngauri ni khou ḥoda phaṭhutshedzo dza Mudzimu kha inwi. Huno sa mulanda Wawe, ndi a ni rabelela, ndi do rabela uri Mudzimu u do ni fha ndovhedzo ya Muya Mukhethwa. Huno ndi a di vhudzisa arali ni tshi nga ita hezwi mbiluni yanu, arali ni tshi fulufhedzeya, arali ni tshi nga ita heyi pfulufhedziso kha

Mudzimu: "Mudzimu, ndi, u bva tshino tshifhinga, ndo ima nga milenzhe yanga, ndi tshi ṭoda ndovhedzo ya Muya Mukhethwa, ndi ḍo dzulela u rabela na u lindela u swika U tshi ndadza nga wone Muya Mukhethwa." Naa ni nga ita iyo pfulufhedziso kha Mudzimu nga u imisa tshanda tshanu? "Ndi ḍo dzulela u rabela, tshifhinga tshoṭhe, u swika U tshi dadza nga vhulenda na vhudi ha Muya."

Ndo nekedza thabelo yanga u itela iwe zwino vhunga ri tshi kwatamisa ṭhoho dzashu:

<sup>308</sup> Khotsi ashu wa Taḍulu, ndi vhone tshiphuga tsha Vhuhone Hau. Vha a divha uri haya Maipfi ndi a ngoho ngauri ndi Au. Vha a zwi divha uri o fhiwa nga Muya Mukhethwa, ngauri ndi Maipfi a Mudzimu. Huno vho no tenda uri vha ya U ṭoda, uri vha ṭoda vhulenda ha Muya Mukhethwa kha matshilo avho u vha neya maanda a u kunda. "Huno vha do ṭanganedza maanda u bva N̄tha," u ṭanganedza maada a u tshila vhutshilo ha Mukriste, u ṭanganedza maanda a u kunda milingo. Vhunga luimbo lwe ra vha ri tshi khou lu imba, "Vho kuvhangana kha lufhera lwa n̄tha huno vha tshi khou rabela nga Dzina Lawe, vho lovhedzwa nga Muya Mukhethwa huno maanda a tshumelo a da." Ndi zwine vha ṭoda, maanda a tshumelo a tshi da khavho.

<sup>309</sup> Ndi a u rabela Iwe, Khotsi, sa mulanda Wau, vhunga Wo vha vhona vha tshi imisa zwanda, huno vho ita khumbelo kha Iwe na pfulufhedziso uri a vha nga neti, vha nga si vhetshele thungo, fhedzi vha do rabela Uswika u tshi vha dadza, Murena, kha tshipida tshi fushaho tsha Vhuhone Hau Vhukhethwa kha matshilo avho. Ndi a vha rabelela ndi tshi itela vhone, Muena, sa mulanda Wau, uri vha dadzwe nga Muya Mukhethwa. Murena, ndi a rabela uri vha sa ṭutshele hesthi tshivhidzo u swika hezwo zwi tshi iteya, uri vha ḍo vha henefha u swika muya muñwe na muñwe u tshi dadzwa nga Muya Mukhethwa. Zwi tendele, Murena.

<sup>310</sup> Iwe u Mudzimu, ene Ramaanda-oṭhe, Wo vhonadzwa kha nama u ḫusa zwivhi zwa shango. Wo vuwa nga ḫuvha la vhuraru, wa gonyela N̄tha. Huno U fhano madekwana a ḫamusi, ngomu vhukati hashu, huno nga dzina la Muya Mukhethwa. Huno ri a rabela, Khotsi, uri Iwe, Murena washu wavhudzi, u ḍo dadza muñwe na muñwe wavho nga Iwe Muṇe. Huno ngavhe hu tshi vha na—na phaṭutshedzo kha Muvhuso Wau na kha shango line la khou da. Huno linwe ḫuvha musi U tshi swika magumoni a ndila, izwo zwi nga vha ḫamusi, a ri divhi uri zwi nga vha lini. Fhedzi ngavhe ndi tshi kona, Murena; u vhaliwa kha avho vha yaho kha U Takulelwa Taḍulu. Ngavhe havha vha tshi vha vhone vhane vha ya kha U Takulelwa Taḍulu. Ngavhe muthu muñwe na muñwe, Vhuhoneni Vhukhethwa na vhoṭhe vho qadzwaho nga Muya, vhane vha wela kha Mudzimu, vha tshi ya kha U Takulelwa Taḍulu.

<sup>311</sup> Dzhiya havha madekwana a namusi, Khotsi. Ndi Vhau zwino, ndi vha kumedza kha Iwe. Nga Dzina la Yesu Kristo. Amen.

<sup>312</sup> Zwino ndi khou ḥoda vho inwi vhañwe nōthe vhe na ima na havha vhathu, vhane na vha na Muya Mukhethwa, ni tshi ima, ni tshi vheya zwanda khavho.

...tshisima tsho ḥala nga malofha,  
A bvaho tsingani dla Imanuele,  
Huno vhaitazwivhi vho ngwandamela fhasi ha  
hoyo muḍalo,  
Xedza dondo lavho lōthe la mulandu.  
Xedza dondo lavho lōthe la muladu,  
Xedza dondo lavho lōthe la mulandu;  
Huno vhaitazwivhi vho ngwandamela fhasi ha  
hoyo muḍalo,  
Xedza dondo lavho lōthe la mulandu.

Mbava i faho yo takalela u vhona  
Itsho tshisima nga duvha lawe;  
Huno ndi vhe heneffho, naḥo ndi muvhī sae,  
Tanzwa zwivhi zwanga zwēthe.  
Tanzwa zwivhi zwanga zwēthe,  
Tanzwa zwivhi zwanga zwēthe;  
Huno vhaitazwivhi vho ngwandamela fhasi ha  
hoyo muḍalo,  
Xedza zwivhi zwanga kule.

<sup>313</sup> Zwino kha ri imise zwanda zwashu kha Mudzimu huno ri tou Mu fha thendo. Ni ri, “Ndo livhuwa, Murena. Ndi ima nga milenzhe yanga, ndi do U fha tehendo. Ndi a U livhuwa nga phaṭutshedzo Dzau, nga vhudi Hau, na nga u ḥneya ndovhedzo ya Muya Mukhethwa.” Ndi a livhuwa, Murena! Ndi a livhuwa, Murena! Ndi tshi U livhuwa, Mudzimu a funeaho, nga u ri fha... U vhulunga pfulufhedziso Yau, Wo amba nga u ralo. Ri a u tenda Iwe.

<sup>314</sup> Naa a ni ngo takala? Ni ri, “Rendani ene Murena!” Teddy, irani ndi... luthihi hafhu, “Ri wana vhathu vhanzhi vhane a vha koni u pfesesa...” *Hezwi Zwi Tou Nga Tađulu Kha Nne*.

Ri wana vhathu vhanzhi vha sa pfesesi  
Ndi ngani ro takala na u vhofholowa;  
Ro budela Yorodane kha mavu a Kanana,  
Huno hezwi zwi tou nga Tađulu kha nne.

Oo, hezwi zwi tou nga Tađulu kha nne,  
Oo, hezwi zwi tou nga Tađulu kha nne;  
Oo, ro no wela Yorodane kha mavu a Kanana,  
Huno hezwi zwi tou nga Tađulu kha nne.

Oo, musi ndi tshi takala, ndi a imba na u ṭavha  
mukosi,

Ene diabolo ha Zwi tendi, ndi a vhona;  
Fhedzi ndo ḍadzwa nga Muya, a hu na na u  
tima-tima,

Huno ndi yone thaidzo nga nne.

Oo, ndi yone... Taḍulu kha nne, (Rendani  
Mudzimu!)

Oo, hezwi zwi tou nga Taḍulu kha nne;  
Ndo no buda Yorodane u ya kha mavu a  
Kanana,

Huno hezwi zwi tou nga Taḍulu kha nne.

<sup>315</sup> Naa a zwi ni iti uri ni takale? Zwavhuḍi. Khadanan na  
muñwe muthu, ni ri, “Rendani Murena!” Hezwi zwi tou fana na  
Taḍulu, Murena.

Dzhiani Dzina la Yesu na inwi,  
Nwana wa maṭungu na khombo;  
Li do ni fha dákalo na khuthadzo,  
Li ḫzhieni hunwe na hunwe hune na ya.

Dzina ḥavhuḍi, Oo li ḫifha hani!  
Fhulufhelo la ḥifhasi na dakalo la Taḍulu;  
Dzina ḥavhuḍi, Oo li ḫifha hani!  
Fulufhelo la ḥifhasi na dakalo la Taḍulu.

Kha Dzina la Yesu ro kotama,  
Ri tshi gwadama milenzheni Yawe,  
Khosi ya dzikhosi Taḍulu ri do I ambadza  
khare,

Musi lwendo lwashu lwo swika magumoni.

Dzina ḥavhuḍi, Oo li ḫifha hani!  
Fhulufhelo la ḥifhasi na dakalo la Taḍulu;  
Dzina ḥavhuḍi, Oo li ḫifha hani! (Li ḫifha  
hani!)

Fulufhelo la ḥifhasi na dakalo la Taḍulu.

Zwino, ngau dzika, na zwifhaṭuwo zwashu two kotama:

... kha dzina la Yesu u swikela,  
Sa tshitangu kha tshikwekwe tshiñwe na  
tshiñwe;

Musi milingo u mona na inwi i tshi  
kuvhangana,

Itonu fema ilo Dzina likhethwa nga thabelo.

Dzina ḥavhuḍi, Oo li ḫifha hani!



*TSHIKHATHI TSHA TSHIVHIDZO TSHA LADOKIA* TSV60-1211E  
(The Laodicean Church Age)  
MILAEDZA YA NZUMBULULO YA YESU KRISTO

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Swondaha, Nyendavhusiku 11, 1960, Thaberenakejeni ya Branham ngei Jeffersonville, Indiana, U.S.A., wo dzhiwa kha rekmodo ya theiphi ya maginete huno wa gaṇdiswa u songo pfufhifhadzwa nga Tshiisimane. Heyi ṭhalutshedzo ya Tshivenda yo gaṇdiswa huno ya phaḍaladzwa nga vha Voice Of God Recordings.

TSHIVENDA

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)